

唐書本紀卷第十七下

劉 昫 等修

聞人詮校刊沈桐同校

文宗下

太和四年春正月丙子朔辛卯武昌軍節度使牛僧孺來朝丙戌以
 左神策軍大將軍丘直方為鄜坊節度使戊子詔封長男承為魯王
 辛卯以武昌節度使鄂岳蘄黃安申等觀察處置等使金紫光祿大
 夫檢校吏部尚書同中書門下平章事上柱國竒章郡開國公牛僧
 孺為兵部尚書同中書門下平章事壬辰以兵部侍郎崔郾為陝虢
 觀察使封魯王母王氏為昭儀癸巳以前邠寧節度使劉遵古為劔
 南東川節度使甲午守左僕射同平章事諸道鹽鐵轉運使王播卒
 丙申以太常卿王涯為吏部尚書充諸道鹽鐵轉運使辛丑以尚書
 左丞杜元穎檢校戶部尚書充武昌軍節度鄂岳蘄黃安申等州觀
 察使癸卯以前陝虢觀察使王起為左丞二月丙午朔戊午興元軍



亂節度使李絳舉家被害判官薛齊趙存約死之庚申辰以左丞温造為興元節度使辛未夏州節度使李寰卒壬申以神策行營節度使董重質為夏綏銀宥節度使三月乙亥以河東節度使李程檢校左僕射同平章事兼河中尹晉絳磁隰等州節度使以刑部尚書柳公綽檢校左僕射太原尹北都留守河東節度使丁丑以前河中節度使薛平為太子太保丁亥以衛尉卿桂仲武為福建觀察使興元温造奏害李絳賊首丘盎丘鑄及官健千人並處斬訪其親刃絳者斬一百段號令者三段餘並斬首內一百首祭李絳三十首祭死士事官寮其餘屍首並投於漢江己丑詔興元監軍使楊叔元宜配流康州百姓錮身遷於配所丁酉監修國史中書侍郎平章事路隋進所撰憲宗實錄四十卷優詔答之賜史官等五人錦繡銀器有差次卯以淮南節度使段文昌檢校尚書左僕射同中書門下平章事兼江陵尹充荆南節度使以前太子賓客崔從檢校右僕射揚州大都督府長史淮南節度使甲辰以前荆南節度使崔群檢校右僕射兼太

以中書舍人李虞仲為華州刺史代嚴休復以休復為右散騎常侍夏四月乙巳朔丙午以右散騎常侍翰林侍講學士鄭覃為工部尚書丁未兵部尚書致仕張賈卒丁巳貶前齊德滄景等州節度使李有裕為永州刺史馳驛赴任庚申以尚書左丞王起為戶部尚書判度支代崔元略以元略檢校吏部尚書為東都留守辛酉夜月掩南斗第二星壬戌詔曰儉以足用令出惟行著在前經斯為理本朕自臨四海愍元元之久困日昃忘食宵興疚懷雖絕文繡之飾尚愧茅茨之儉亦諭卿士形于詔條如聞積習流弊餘風未革車服第室相高以華靡之制資用貨實固啓于貪冒之源有司不禁侈俗滋扇蓋朕教導之未敷使兆庶昧於樛尚也其何以足用行令臻于致理歟永念慙歎迨茲申勅自今內外班列職位之士各務素朴弘茲國風有僭差尤甚者御史糾上主者宣示知朕意焉文宗承長慶寶曆奢靡之風銳意懲革躬行儉素以率厲之辛未以前東都留守崔弘禮為刑部尚書鎮州王廷湊請脩建初啓運二陵從之五月甲戌朔

丁丑以旱命京城諸司䟽理繫囚已卯通化南北二門鎖不可開鑰
入如有持之者上令鐵工破鎖時日已及辰矣丁亥改鄆州東平縣
爲天平縣戊子勅度支每歲於西川織造綾羅錦八千一百六十七
匹令數內減二千五百匹六月癸卯朔丁未以守司徒門下侍郎
平章事上柱國開國公食邑三千戶食實封三百戶裴度爲守司徒
平章軍國重事待疾損日每三日五日一度入中書辛未夜自一更
至五更大小星流旁午觀者不能數壬申詔如聞諸司刑獄例多停
滯委尚書左右丞及監察御史糾舉以聞秋七月癸酉朔癸未詔以
朝議郎尚書右丞上柱國賜紫金魚袋宋申錫爲正議大夫行尚書
右丞同中書門下平章事乙酉勅前行郎中知制誥者約滿一周年
即與正授從諫議大夫知者亦宜準此餘依長慶二年七月二十七
日勅處分振武置雲伽關加鎮兵千人以吏部侍郎王播爲京兆尹
兼御史大夫代李諒爲桂管觀察使太原飢賑粟三萬石賜十六宅
諸王綾絹二萬匹丁酉守司徒裴度上表辭册命言臣此官已三度

受冊有覲面日從之八月壬寅朔丙辰鄆州水溺居民三百餘家
原柳公綽奏雲代蔚三州山谷間石化爲麪人取食之已未宣歙觀
察使于敖卒甲子內出綾絹三十萬匹付戶部充和糴戊辰幸梨園
亭會昌殿奏新樂九月壬申朔丁丑以大理卿裴誼檢校右散騎常
侍充江西觀察使代沈傳師以傳師爲宣歙觀察使內出綾三千匹
賜宥州築城兵士戊寅舒州太湖宿松望江三縣水溺民戶六百八
十詔以義倉賑貸庚辰吏部尚書王涯爲右僕射依前鹽鐵轉運使
壬午以守司徒平章軍國重事晉國公裴度守司徒兼侍中充山南
東道節度使以投來奚王茹羯爲右驍衛將軍同正丙戌以前山南
東道節度使竇易直爲尚書左僕射戊子吏部尚書致仕裴向卒已
丑淮南天長等七縣水害稼丁酉前豐州刺史天德軍使渾鍼坐賊
七千貫貶袁州司馬冬十月壬寅朔戊申以東都留守崔元略檢校
吏部尚書兼滑州刺史義成軍節度使代李德裕以德裕檢校兵部
尚書兼成都尹充劔南西川節度使已酉京師有熊入莊嚴寺庚戌

以前刑部尚書崔弘禮為東都留守甲寅以前劍南西川節度使檢校司空郭釗為太常卿代崔群為吏部尚書丁卯御史中丞宇文鼎奏今月十三日宰臣宣言今後羣臣延英奏事前一日進狀入來者臣以尋常公事不暇面論但見表章足以陳露儻臨時忽有公務文字不足盡言則咫尺天聽無路聞達更俟後坐動踰數辰處置之間便有所不及伏乞重賜宣示限以狀入者並在卯前如在卯後聽不收覽自然人各遵守禮亦得中從之十一月辛未朔是夜災惑近左執法癸巳以左丞康承宣為兗海沂密等州節度使淮南大水及蟲霜並傷稼十二月辛丑朔滄州啟侑請廢景州為景平縣巴西義成軍節度使崔元略卒壬子以左金吾衛大將軍段凝為義成軍節度使癸丑湖南觀察使韋詞卒丙辰以工部侍郎崔瑄為京兆尹代王播為尚書左丞癸亥東都留守崔弘禮卒以同州刺史高重為潭州刺史兼御史中丞充湖南觀察使甲子左僕射致仕楊於陵卒贈司空丙寅以前河南尹馮宿為工部侍郎戊辰以太子賓客分司白居易

為河南尹以代韋弘景以弘景守刑部尚書東都留守閏十二月辛未朔壬申太常卿郭釗卒贈司徒壬辰廢齊州歸化縣地入臨邑縣廢景州其縣隸滄州刺史是歲京畿河南江南荆襄鄂岳湖南等道大水害稼出宮米賑給

五年春正月庚子朔以積陰浹旬罷元會丁巳賜滄德節度使因義昌軍太原旱賑粟十萬石己未詔方鎮節度觀察使請入覲者先上表奏聞候允則任進程庚申幽州軍亂逐其帥李載義立後院副兵馬使楊志誠為留後癸亥詔端午節辰方鎮例有進奉其雜綵匹段許進生白綾絹已丑以權知渤海國務大彝震檢校秘書監忽汗州都督渤海國王二月庚午朔壬辰以盧龍軍節度使守太保同平章事李載義守太保同中書門下平章事時載義失守入朝賜第於永寧里給賜優厚丙申以桂管觀察使李諒為嶺南節度使戊戌神策中尉王守澄奏得軍虞候豆盧著狀告宰相宋申錫與漳王謀反即令追捕庚子詔貶宋申錫為太子右庶子壬寅左常侍崔玄亮及諫官等

十四人伏奏玉階北軍所告事請不於內中鞠問乞付法司帝曰吾已謀於公卿矣卿等且退崔玄亮泣涕陳諫久之帝改容勞之曰朕即與宰臣商議玄亮等方退癸卯詔漳王湊可降為巢縣公左庶子宋中錫開州司馬同正初京師恟恟以宰相實聯親王謀逆三四日後方知誣搆人士側目於守澄鄭注故諫官號泣論之申錫方免其禍已酉勅以李載義入朝於曲江亭賜宴仍命宰臣百寮赴會辛酉以黔中觀察使裴弘恭為桂管經畧使以前安州刺史陳正儀為黔中觀察使丁卯紫宸奏事宰相隨至龍墀身什干地令中人掖之翌日上疏陳退識者嘉之夏四月己巳朔甲戌以新羅王嗣子金景徽為開府儀同三司檢校太保使持節鷄林州諸軍事鷄林州大都督寧海軍使上柱國封新羅王仍封其母朴氏為新羅國大妃丁亥詔史官記事用戒時常朝舊制並得隨仗其後宰臣撰時政記因循斯久廢壞實多自今後宰臣奏事有關獄替及臨時處分稍涉政刑者委中書門下丞一人隨時撰錄每季送史館庶警朕關且復官常

已丑以李載義為山南西道節度依前守太保同平章事代溫造以造為兵部侍郎以幽州盧龍節度畱後楊志誠檢校工部尚書為幽州盧龍節度使五月戊戌朔太廟第四室第六室破漏有司不時脩葺各罰俸上命中使領工徒及以禁中脩營材葺之右補闕韋溫上疏論曰宗廟不葺罪在有司弛慢宜加重責今有司止於罰俸便委內臣葺脩是許百司之官公然廢職以宗廟之重為陛下所司則群官有司便同委棄此臣竊為聖朝惜也事關宗廟皆書史冊苟非舊典不可率然伏乞更下詔書復委所司營葺則制度不紊官業各脩矣疏奏帝嘉之乃追止中使命有司脩奉戊午西川李德裕奏南蠻放還先虜掠百姓工巧僧道約四千人還本道辛酉東都畱守刑部尚書韋弘景卒丙寅以京兆尹崔瑄為尚書左丞太常少卿龐嚴權知京兆尹六月丁卯朔戊寅以霖雨沙旬詔疏理諸司繫囚辛卯蘇杭湖南水害稼甲午東川奏玄武江水漲二丈梓州羅城漂人廬舍秋七月丁酉朔庚子贈太子賓客李渤禮部尚書辛丑以兵部侍郎溫

造檢校戶部尚書為東都留守甲辰以太子少師分司上柱國襲徐國公蕭俛守左僕射致仕劍南東西兩川水遣使宣撫賑給己未以給事中羅讓為福建觀察使八月丙寅朔庚午武昌軍節度使檢校戶部尚書元稹卒辛未貶刑部員外郎舒元興為著作郎元興累上表請自效并進文章朝議責其躁進也壬申以河陽三城懷州節度使楊元卿為宣武軍節度使代李逢吉以逢吉檢校司徒兼太子太師充東都留守代溫造以溫造為河陽三城懷州節度使戊寅以陝虢觀察使崔郾為鄂岳安黃觀察使甲申以中書舍人崔咸為陝州防禦使詔陝州舊有都防禦觀察使額宜停兵馬屬本州防禦使丙戌京兆尹龐嚴卒庚寅以司農卿駙馬都尉杜棕為京兆尹九月丙申朔甲辰貶太子左庶子郭求為婺王府司馬以其心疾與同寮忿競也翰林學士薛廷老李讓夷皆罷職守本官廷老在翰林終日酣醉無儀檢故罷讓夷常推薦廷老故坐累也已未以左僕射竇易直判太常卿西川李德裕奏收復吐蕃所陷維州差兵鎮守冬十月乙丑

朔以前綿州刺史鄭綽為安南都護戊寅蠻寇雋州陷二縣辛巳渝州移清池縣於南羅城內置十一月乙未朔庚戌鳳翔節度使李元來朝己未以承元檢校司空青州刺史充平盧軍節度使癸亥以尚書左僕射判太常卿事竇易直檢校司空為鳳翔隴右節度使十一月乙丑朔戊寅以左丞王播兼判太常卿事甲申貶新除桂管觀察使裴弘恭為饒州刺史以除鎮淹程不進為憲司所糾故也癸巳以鄭州刺史李翱為桂管觀察使是歲淮南浙江東西道荆襄鄂岳南東川並水害稼請蠲秋租是冬京師大雨雪

六年春正月乙未朔以久雪廢元會戊戌振武李沫招收得黑山外契苾部落四百七十三帳壬子詔朕聞天聽自我人聽天視自我人視朕之菲德步道未明不能調序四時導迎和氣自去冬已來踰月雨雪寒風尤甚頗傷于和念茲度疇或罹凍餒無所假貸莫能自存中宵載懷肝食與歎怵惕若厲時予之辜思弘惠澤以順時令天下死罪囚除官典犯贓故意殺人外并降徒流流已下遞降一等應京

唐紀十七
畿諸縣宜令以常平義倉斛斗賑恤京城內鰥寡瘠殘無告不能自
存者委京兆尹量事濟恤具數以聞言念赤子視之如傷天或警予
示此陰沴無窮夕惕予甚悼焉羣臣拜表上徽號甲寅司徒致仕薛
平卒二月甲午朔以前義昌軍節度使殷侑檢校吏部尚書充天平
軍節度鄆曹濮等州觀察使代令狐楚以楚檢校右僕射兼太原尹
北都留守河東節度使戊寅蘇湖二州水賑米二十二萬石以本州
常平義倉斛斗給庚辰戶部尚書判度支王起請於邠寧靈武置營
田務從之己丑寒食節上宴羣臣於麟德殿是日雜戲人弄孔子帝
曰孔子古今之師安得侮演亟命驅出三月甲午朔辛丑以武寧軍
節度使守太傅同平章事王智興兼侍中充忠武軍節度陳許蔡觀
察等使以邠寧節度使李聽為武寧軍節度徐泗濠觀察等使以金
吾衛大將軍孟友亮為邠寧節度使以前河東節度使柳公綽為兵
部尚書辛酉以前忠武軍節度使高瑀檢校右僕射充武寧軍節度
徐泗濠觀察等使夏四月癸亥朔乙丑兵部尚書柳公綽卒戊寅以

新除武寧軍節度使李聽為太子太保五月癸巳朔甲辰西川修叩
峽關城又移雋州於臺登城壬子浙西丁公著奏杭州八縣災疫賑
米七萬石丁巳以鹽州刺史王晏平檢校左散騎常侍御史大夫充
靈鹽節度使己未興平縣人上官興因醉殺人而亡竄官捕其父囚
之興歸鞫有司京兆尹杜棕中丞宇文鼎以興自首免父之囚其孝
可獎請免死詔兩省參議皆言殺人者死古今共守典不可免上竟
從棕等議免死決杖八十配流靈州庚申詔如聞諸道水旱害人疾
疫相繼宵旰罪已興寢疚懷今長史奏申札瘥猶甚蓋教化未感於
承人精誠未格於天地法令或爽官吏為非有一於茲皆傷和氣並
委中外臣寮一一具所見聞奏朕當親覽無憚直言其遭災疫之家一
門盡免者官給凶器其餘據其人口遭疫多少與減稅錢疫疾未定
處官給醫藥諸道既有賑賜國帑復慮不充其供御所須及諸公用
量宜節減以救凶荒六月壬戌朔丙寅京兆尹杜棕兼御史大夫戊
寅右僕射王涯奉勅准令式條疏士庶衣服車馬第舍之制度勅下

後浮議沸騰杜棕於勅內條件易施行者寬其限事竟不行公議惜
之秋七月辛卯朔甲午以諫議大夫王彥威戶部郎中楊漢公禮部
員外郎蘇條右補闕裴休並充史館修撰故事史官不過三百或上
兩員今四人並命論者非之戊申原王遶薨癸丑以前靈武節度使
李文悅為充海沂密節度使己未以河中節度使李程為左僕射以
戶部尚書判度支王起檢校吏部尚書充河中晉磁隰節度使以御
史中丞兼刑部侍郎宇文鼎為戶部侍郎判度支八月辛酉朔吏部
尚書崔羣卒以駕部郎中知制誥李漢為御史中丞乙丑以尚書右
丞判太常卿王播檢校禮部尚書潤州刺史浙西觀察使庚午山南
東道節度使裴度來朝壬申以前浙西觀察使丁公著為太常卿甲
戌御史中丞李漢奏論僕射上事儀不合受四品已下官拜時左僕
射李程將赴省上故也詔曰僕射上儀近定所緣拜禮皆約令文已
經施行不合更改宜準太和四年十一月十六日勅處分九月庚寅
朔淄青初定兩稅額五州一十九萬三千九百八十九貫自此淄青

庚子以太傅趙宗儒守司空致仕辛丑涿州置新城
督亢之地也丁未太常卿丁公著卒庚戌司空致仕趙宗儒卒
以右金吾衛將軍史孝章為鄆州刺史鄆坊丹延節度使冬十月庚
子朔甲子詔魯王永宣冊為皇太子壬午以左金吾衛將軍李昌言
檢校左散騎常侍充夏綏銀宥節度使甲申以諫議大夫王彥威為
河中少尹以其論上官與獄太微訐故也十一月己丑朔丁未淮南
節度使檢校右僕射崔從卒乙卯以荆南節度使段文昌為劍南西
川節度使檢校左僕射同平章事十二月己未朔乙丑以中書
侍郎同平章事牛僧孺檢校右僕射同平章事揚州大都督府長史
充淮南節度使戊辰內養王宗禹渤海使迴言渤海置左右神策軍
兵一萬二千五百人百二十口畫圖以進以尚書右丞崔瑄為江陵尹荆南
節度使劉從諫來朝丁未以前
使李德裕為兵部尚書員外郎杜元穎李德裕為兵部尚書員外郎
刺史

七年春正月乙丑朔御含元殿受朝賀比年以用兵雨雪不行元會之儀故書吳蜀貢新茶皆於冬中作法為之上務恭儉不欲逆其物性詔所供新茶宜於立春後造甲午加劉從諫同平章事襄州裴度奏請停臨漢監牧從之此監元和十四年置馬三千二百匹廢白姓田四百餘頃停之為便乙亥以太府卿崔珙為廣州刺史嶺南節度使壬子詔朕承上天之睠佑荷列聖之不圖宵旰憂勞不敢逸思致康乂八年于茲而水旱流行疫疾作沴北庶艱食札瘥相仍蓋德未動天誠未感物一類失所其過在予載懷罪己之心深軫納隍之歎如聞關輔河東去年亢旱秋稼不登今春作之時農務又切若不賑救懼至流亡京兆府賑粟十萬石河南府河中府絳州各賜十萬石同華陝虢晉等州各賜十萬石並以常平義倉物充以新除嶺南節度使崔珙檢校工部尚書充武寧軍節度使以右金吾衛將軍王茂元為嶺南節度使丙辰以前武寧軍節度使高瑀為刑部尚書南五管及黔中等道選補使宜權停一二年二月己未朔己巳

部侍郎庾承宣為太常卿癸酉以宗正卿李誥為陝州防禦使代咸以咸為右散騎常侍己卯麟德殿對吐蕃渤海祥柯昆明等使已御史臺奏均王傳王堪男禎國忌日於私第科決罰人詔曰準令國忌日禁飲酒舉樂決罰人吏都無明文起今後從有此類不須舉奏王禎宜釋放丙戌詔以銀青光祿大夫守兵部尚書上柱國賀正縣開國伯食邑七百戶李德裕以本官同中書門下平章事三月戊子朔庚寅以前戶部侍郎楊嗣復為尚書左丞壬辰以左散騎常侍張仲方為太子賓客分司仲方為郎中時常駁故相李吉甫諡德裕秉政仲方請告因授之己亥嶺南節度使李諒卒辛丑和王綺薨復於兩橋置宿州割徐州符離縣蘄縣泗州虹縣隸之以東都鹽鐵院官李直為宿州刺史癸卯以京兆尹駙馬都尉杜棕檢校禮部尚書充鳳翔隴右節度己酉安南奏蠻寇當管金龍州當管生獠國赤珠落國同出兵擊蠻敗之庚戌出給事中楊虞卿為常州刺史中書舍人張元夫汝州刺史以太府卿韋長為京兆尹丙辰以散騎常侍嚴

候官我稼穡災于黔黎有過在予敢忌咎責從今避正殿減供膳停
教坊樂既馬量減芻粟百司厨饌亦宜權減陰陽鬱堙有傷和氣宜
出宮女千人五坊鷹犬量頒減放內外脩造事非急務者並停時久
無雨上心憂勞詔下數日雨澤霑洽人心大悅乙丑以前宣武軍節
度楊元卿為太子太保戊戌以給事中崔戎為華州刺史癸未以太
子賓客李紳檢校左散騎常侍兼越州刺史充浙東觀察使代陸亘
以亘為宣歙觀察使八月甲申朔御宣政殿冊皇太子不是日降詔
應犯死降徒流流已下遞減一等諸王自今年後相次出閣授監丞
已上州刺史佐其十六宅諸縣主委吏部於選人中簡擇配匹且以
各開皇太子方從師傅傳授六經一二年後當令齒曹國庠以興隆
典守令國子選名儒宜五經博士各一人其公卿士族子弟明年已
後不先入國學習業不在應明經進士限其進士舉宜先試帖經并
略問大義取經義精通者放及第卿大夫者下人之所視遠方之所
倣若非恭儉克己廉真任人而望其服從固不可得况朕不寶珍玉

不御織華遠于六宮皆務儉薄卿大夫得不叶朕此志率先兆人比
年所頒制度皆約國家令式去其甚者稍謂得中而上大夫苟自便
身安於習俗因循未革以至于今百官士族起今年十月其衣服輿
馬並宜準太和六年十月七日勅如有固違重加黜責文武常參官
及諸州府長官子為父後者賜勳兩轉癸巳太子太保楊元卿卒戊
申以京兆尹韋長兼御史大夫以刑部尚書高瑀為忠武軍節度使
九月甲寅朔丙寅侍御史李欵閣內奏彈前邠州行軍司馬鄭注曰
注內通勅使外連朝官兩地往來卜射財貨晝伏夜動干竊化權人
不敢言道路以目請付法司推劾精旬日之中諫章數十上由是授
注通王府司馬兼侍御史充神策軍判官中外駭歎甲寅以前忠武
軍節度使王智興依前守太傅兼侍中河中尹河中晉絳慈隰節度
使代王起以起為兵部尚書冬十月癸未朔揚州江都等七縣水害
豫壬辰上降誕日僧徒道士講論於麟德殿翌日御延英上謂宰臣曰
降誕日設齋起自近遠朕緣相承已久未可便革雖置齋會唯對王

源中等暫入殿至僧道講論都不臨聽宰相路隨等奏誕日齋會誠
資景福本非中國教法臣伏見開元十七年張說源乾曜請以誕日
為千秋節內外宴樂以慶昌期頗為得禮上深然之宰臣因請十月
十日為慶成節上誕日也從之辛酉潤常蘇湖四州水害稼十一月
癸丑朔乙亥涇原節度使康志睦卒巳卯以左神策長武城使朱叔
夜為涇州刺史充涇原節度使壬午於銀州置監牧十二月癸未朔
巳亥刑部詳定大理承謝登新編格後勅六十卷令刪落詳定為五
十卷庚子幸望春宮聖體不康癸卯天平軍節度檢校司空王承
卒丁未以河南尹嚴休復檢校禮部尚書充平盧軍節度淄青登萊
棣觀察等使戊申以給事中王質權知河南尹以河東節度副使李
石為給事中

八年春正月癸丑朔丁巳聖體痊平御太和殿見內臣甲子御紫宸
殿見群臣丙寅脩太廟令太常卿庾承宣攝太尉徧告九室遷神主
於便殿癸酉揚楚舒廬壽滁和七州去年水損田四萬餘頃二月

午朔日有蝕之庚寅詔以聖躬痊復赦繫囚放逋賦移流人巳亥朔
州飛狐鎮置鑄錢院三月壬子朔甲寅上巳賜群臣宴於曲江亭庚
午以山南東道節度使裴度充東都留守依前守司徒兼侍中以京
都留守李逢吉檢校司徒兼右僕射癸酉充海節度使李文悅卒丙
子以右承李固言為華州刺史代崔戎以戎為充海觀察使四月壬
午朔壬辰集賢學士裴濟撰通選三十卷以擬昭明太子文選濟所
取偏僻不為時論所稱甲午以宿州刺史吳季真為豈管經略使乙
巳翰林學士兵部侍郎王源中辭內職乃以源中為禮部尚書五月
辛亥朔巳巳脩奉太廟畢以吏部尚書令狐楚攝太尉備台神主復
正殿飛龍神駒中既火六月庚辰朔辛巳徙市壬午大理卿劉遵古卒
壬辰陳許節度使高瑀卒甲午以旱詔諸司疏決繫囚丙申以前鳳
翔節度使駙馬都尉杜棕起復檢校戶部尚書充忠武軍節度使戊
戌宰臣王涯路隨奏請依舊制讀時令庚子充海觀察使崔戎卒辛
丑同州刺史高鉞卒戊申以將作監駙馬都尉崔杞為充海沂密觀

察使秋七月庚戌朔丙辰以工部侍郎楊汝士為同州刺史戊午奉先美原櫟陽等縣雨損夏麥辛酉定陵臺大雨震東廊廊下地裂一百三十尺詔宗正卿李仍叔啓告脩塞癸亥覃王經薨己巳夜月犯昴壬申以右金吾衛大將軍段百倫檢校工部尚書充福建觀察使堂帖中外臣寮各舉善周易學者八月己卯朔右龍武統軍董重質卒庚寅太白犯熒惑辛卯詔故灑王大男漢可封東陽郡王第二男源可封安陸郡王第三男漢可封臨川郡王故深王大男潭可封河內郡王第二男淑可封吳興郡王故絳王大男洙可封新安郡王第二男滂可封高平郡王故淑王大男湧可封潁川郡王滂王大男澣可封許昌郡王沔王大男瀛可封晉陵郡王祁王大男溥可封平陽郡王仍並賜光祿大夫丙申罷諸色選舉歲旱故也己亥御駕周易義五道示群臣有人明此義者三日內聞奏時李仲言以易道惑上及下其義人皆竊笑卒無進言者九月乙酉朔辛亥夜彗起太微近即位西指長丈餘西北行凡九夜越即位西北五尺滅癸丑月入南

斗乙亥宣州觀察使陸亘卒己未宰相李德裕進御臣要略及柳氏舊聞三卷隨州刺史杜師仁前刺吉州坐贓計緡三萬匹賜死于家故江西觀察使裴誼垂於廉察削所贈工部尚書庚申右軍中尉王守澄宣召鄭注對于浴堂門仍賜錦彩銀器是夜彗出東方長三尺輝耀甚偉辛酉以權知河南尹王質為宣歙觀察兼部尚書致仕張正甫卒癸亥以尚書吏部侍郎鄭澣為河南尹甲子鄭注進藥方一卷庚午安王溶穎王灑皆檢校兵部尚書宰相路隨冊拜太子太師辛巳幽州節度使楊志誠監軍李懷侗悉為三軍所逐立其部將史元忠為留後陝州江西旱無稼己丑秘書監崔威卒庚寅以山南西道節度使檢校禮部尚書同平章事上柱國襄武縣開國侯食邑一千戶李宗閔可中書侍郎同中書門下平章事辛卯以中使田全操充皇太子見太師禮部尚書在國子四門助教李仲言對於思政殿賜緡河南府鄧州同州揚州並奏旱蟲傷損秋稼甲午以銀青光祿大夫守中書侍郎平章事李德裕檢校兵部尚書同平章事興元尹充

山南西道節度使以助教李仲言為國子周易博士充翰林侍講學士皇太子見太師路隨於崇明門丙申諫官上疏論李仲言不合獎任上令中使宣諭諫官曰朕畱仲言禁中顧問經義勅命已行不可遽改淮南兩浙黔中水為災民戶流亡京師物價暴貴庚子詔鄭注對於太和殿以御史大夫鄭覃為戶部尚書壬寅翰林院宴李仲言賜法曲弟子二十人秦樂以寵之丙午以新除興元節度使李德裕為兵部尚書十一月丁未朔庚戌以尚書左僕射致仕蕭俛為太子太傅辛亥以左金吾衛大將軍蕭洪為河陽三城節度使襄州水損田壬子滁州奏清流等三縣四月雨至六月諸山發洪水漂溺戶萬三千八百癸丑以禮部尚書王源中檢校戶部尚書充山南西道節度使以戶部侍郎李漢為華州刺史鎮國軍潼關防禦使成德軍節度使王廷奏卒以前揚州節度使溫造為御史大夫己卯幽州節度使楊志誠被逐入朝下御史臺訊鞫志誠在幽州被服皆為龍鳳乃流之嶺外至商州殺之乙亥以兵部尚書李德裕檢校右僕射充鎮

海軍節度浙江西道觀察等使丙子李仲言奏請改名訓從之十二

月丁丑朔己卯以昭義節度副使檢校庫部員外郎賜紫金魚袋鄭

注為太僕卿辛巳以棣州刺史韓威為安南都護癸未以通王為幽

州盧龍節度使以權勾當幽州兵馬史元忠為畱後甲申許太子太

傅蕭俛致仕是夜月掩昴己丑以太子賓客分司張仲方為左散騎

常侍常州刺史楊虞卿為工部侍郎己亥以尚書左僕射李逢吉守

司徒致仕以宗正卿李仍叔為湖南觀察使代李翱以畢為刑部侍

郎代裴濟以濟為華州鎮國軍潼關防禦使昭成寺火

九年春正月丁未朔己卯以鎮州左司馬王元逵起復定遠將軍守

左金吾衛大將軍檢校工部尚書充成德軍節度使鎮冀深趙觀察

等使以太常卿庾承宣檢校吏部尚書充天平軍節度使代殷侑以洛

為刑部尚書癸亥巢縣公湊薨追封齊王壬申司徒致仕李逢吉卒

癸酉以右散騎常侍舒元輿為陝州防禦觀察使以前棣州刺史田

早為安南都護二月丙子朔甲申以司農卿王彥威兼御史大夫充

平盧軍節度使丁亥發神策軍一千五百人脩淘曲江如諸司有力
要於曲江置亭館者宜給與閑地辛丑冀王絳薨癸卯京師地震甲
辰以幽州留後史元忠為盧龍節度使乙巳劍南節度使西川檢校
左僕射同平章事段文昌卒庚申以劍南東川節度使楊嗣復檢校
戶部尚書兼成都尹西川節度使乙丑以歲饑河北尤甚賜魏博六
州粟五萬石陳許鄆曹濮三鎮各賜糙米二萬石庚午左丞庾敬休
卒廢朝一日詔曰官至丞郎朕所親委不幸云亡者宜為之廢朝自
今丞郎宜準諸司三品官例罷朝一日夏四月丙子朔丙戌以桂管
觀察使李從易為廣州刺史嶺南節度使以鎮海軍節度使浙西觀
察等使李德裕為太子賓客分司東都辛卯以京兆尹賈餗為浙
西觀察使以工部侍郎楊虞卿為京兆尹仍賜金紫以給事中韓偓
為桂管觀察使丙申以太子太師門下侍郎平章事路隋為鎮海軍
節度浙西觀察等使戊戌詔以新浙西觀察使賈餗為中書侍郎同
中書門下平章事庚子詔銀青光祿大夫守太子賓客分司東都上

柱國贊皇縣開國伯食邑七百戶李德裕貶袁州長史辛丑大風舍
元殿四鴟吻並皆落壞金吾仗舍廢樓觀城四十餘所壬寅吏部
侍郎沈傳師卒五月乙巳朔丁未以浙東觀察使李紳為太子賓客
分司東都乙卯以給事中高銖為浙東觀察使戊午以御史大夫溫
造為禮部尚書以吏部侍郎李固言為御史大夫辛酉太和公主進
馬射女子七人沙陀小兒二人戊辰以金吾大將軍李玘為黔中觀
察使以尚書右丞王播為戶部尚書判度支己巳以戶部尚書鄭覃
為秘書監辛未宰相王涯冊拜司空癸酉以河中節度使王智興為
宣武軍節度使依前守太傅兼侍中六月乙亥朔西市火以前宣武
軍節度使李程為河中節度使庚寅夜月掩歲癸巳以吏部尚書令
狐楚為太常卿丁酉禮部尚書溫造卒京兆尹楊虞卿家人出妖言
下御史臺虞卿弟司封郎中漢公并男知進等八人搗登聞鼓稱冤
勅虞卿歸私第己亥以右神策大將軍劉沔為涇原節度使壬辰詔
以銀青光祿大夫守中書侍郎同平章事襄武縣開國侯食邑一千

戶李宗閔貶明州刺史時楊虞卿坐妖言人歸第人皆以為冤誣宗閔於上前極言論列上怒面數宗閔之罪叱出之故坐貶秋七月甲申朔貶京兆尹楊虞卿為虔州司馬同正丙午以給事中李石權知京兆尹戊申填龍首池為鞠場曲江脩紫雲樓辛亥詔以御史大夫李固言為門下侍郎同平章事壬子再貶李宗閔為虔州長史癸丑以右司郎中兼侍御史知雜事舒元興為御史中丞貶吏部侍郎李漢為邠州刺史刑部侍郎蕭澣為遂州刺史丁巳詔不得度人為僧尼戊午貶工部侍郎充皇太子侍讀崔侑為洋州刺史貶吏部郎中張諷夔州刺史考功郎中皇太子侍讀蘇滌忠州刺史戶部郎中楊敬之連州刺史辛酉以鄂岳觀察使崔郾充浙西觀察使以國子祭酒高重為鄂岳觀察使壬戌鎮海軍節度使路隨卒癸亥貶侍御史李甘為封州司馬殿中侍御史蘇持為潘州司戶甲子以周易博士李訓為兵部郎中知制誥依前充翰林侍講李士丁卯天平軍節度使庾承宣卒以大理卿羅讓為散騎常侍以汝州刺史郭行餘為大

平節度使以吉州刺史裴... 邕管經略使八月甲戌朔以戶部侍郎李翱檢校禮部尚書充山南東道節度使代王起以起為兵部尚書判戶部事丙子又貶虔州長史李宗閔為潮州司戶丁丑以太僕卿鄭注為工部尚書充翰林侍講學士上幸左軍龍首殿因幸梨園令元燾大合樂戊寅以秘書監鄭覃為刑部尚書貶翰林學士守尚書部侍郎知制誥李珣為江州刺史以鄜坊節度使李章為義成軍節度使甲申以左神策軍大將軍趙儋為鄜坊節度使甲午貶中書舍人權璩為鄭州刺史丙申內官楊承和於權州安置韋元素象州安置王踐言思州安置仰綱身遞送言李宗閔為吏部侍郎時託駙臣沈巖於官人宋若憲處求宰相承和踐言元素居中導達故也宗閔黨楊虞卿李翰蕭澣皆再貶壬寅貶中書舍人高元裕為閬州刺史元裕為鄭注除官制說注醫藥之功注銜之故也以蘇州刺史盧周仁為河南觀察使九月癸卯朔奸臣李訓鄭注用事不附已者即時貶黜朝廷悚震人不自安是

日下詔曰朕承天之序燭理未明勞虛襟以求賢勵寬德以容衆頃者台輔乖弼諧之道而具寮翦朋比之風翕然相從實敦彞憲致使輩猶共器賢不肖並馳退迹者咸後時之夫登門者有迎吠之客繆盤之氣堙鬱未平而望陰陽順時疢癘不作朝廷清肅班列和安自古及今未嘗有也今既再申朝典一變澆風掃清朋附之徒匡飭貞廉之俗凡百卿士惟新令猷如聞周行之中尚蓄疑懼或有妄相指目令不自安今茲曠然明喻朕意應與宗閔德裕或新或故及門生舊吏等除今日已前放黜之外一切不問辛亥以太子賓客分司東都白居易爲同州刺史代楊汝士以汝士爲駕部侍郎乙亥以涇原節度使劉沔爲振武麟勝節度使丙辰以權知御史中丞舒元興爲御史中丞兼判刑部侍郎庚申以鳳翔節度使李聽爲忠武軍節度使癸亥令內養齊抱真將杖於清泥驛決殺前襄州監軍陳弘志以有弒逆之罪也丁卯以門下侍郎同平章事李固言爲興元尹山南西道節度使以翰林侍講學士工部尚書鄭注檢校右僕射充鳳翔

右節度使代長以右軍中尉王守澄爲左右神策觀軍容使兼十一衛統軍己巳詔以朝議郎守御史中丞兼刑部侍郎賜紫金魚袋元興本官同中書門下平章事朝議郎守兵部郎中知制誥充翰林侍講學士賜緋魚袋李順可守尚書禮部侍郎同中書門下平章事仍賜金紫壬申以刑部郎中兼侍御史知雜事李孝本權知御史中丞冬十月癸酉朔乙亥杜悰復爲陳許節度使李聽爲太子太保分司內出曲江新造紫雲樓彩霞亭額左軍中尉仇士良以百戲於銀臺門迎之時鄭注言秦中有災宜興土功馱之乃濬昆明曲江二池上好爲詩每讀杜甫曲江行云江頭宮殿鏤千門細柳新蒲爲誰綠乃知天寶已前曲江四岸皆有行宮臺殿百司廨署思復昇平故事故爲樓殿以壯之王涯獻摧茶之利乃以涯爲摧茶使茶之有摧稅自涯始也京兆河南兩畿旱以吏部尚書令狐楚爲左僕射以刑部尚書鄭覃爲左僕射辛巳遣中使李好古齎醑賜王守澄是日守澄卒壬午賜羣臣宴於曲江亭癸未以前廣州節度使王茂元爲涇原節度使

丁亥禮部郎中錢可復兵部員外郎李敬襄駕部員外郎盧簡能主
客員外郎蕭傑左拾遺盧茂弘等皆授鳳翔使府判官從鄭注奏請
也乙未以新授同州刺史己亥以前河陽節度使蕭洪為鄜坊節度使淄青
出錫為同州刺史己亥以前河陽節度使蕭洪為鄜坊節度使淄青
觀察使王彥威請停管內縣丞一十九員從之庚子東都留守特進
守司徒侍中裴度進位中書令餘如故以前山南西道節度使王源
中為刑部尚書十一月壬寅朔乙巳令內養馮叔良殺前徐州監軍
王守洎於中牟縣以左神策將軍胡沐為容管經略使以大理卿郭
行餘為鄆寧節度使丁未鄜坊節度使趙儋卒乙酉左金吾衛大將
軍崔郢卒癸丑以左僕射令狐楚判太常卿事右僕射鄭覃判國子
祭酒事丁巳以戶部尚書判度支王璠為太原尹北都留守河東節
度使戊午以京兆尹李石為戶部侍郎判度支以京兆少尹羅立言
權知府事己未以太府卿韓約為左金吾衛大將軍壬戌中尉仇
弘率兵誅宰相王涯賈餗等

鄭注羅立言李孝本韓約等十餘家皆族誅時李訓鄭注謀誅內官
詐言金吾仗舍石榴樹有甘露請上觀之內官先至金吾仗見幕下
伏甲遽扶帝輦入內故訓等敗流血塗地京師大駭旬日稍安癸亥
詔以銀青光祿大夫尚書左僕射上柱國榮陽郡開國公鄭覃以本
官同中書門下平章事乙丑詔以朝議郎守尚書戶部侍郎判度支
李石可朝議大夫本官同平章事丁卯以左神策大將軍陳君弈為
鳳翔節度使戊辰以給事中李翊為御史中丞左右軍中尉仇士良
魚志弘並兼上將軍十二月壬申朔諸道鹽鐵轉運摧茶使令狐楚
奏摧茶不便於民請停從之癸丑太子太保張茂宗卒甲子勅左右
省起居齋筆硯及紙於螭頭下記言記事丙子以刑部尚書王源中
為天平軍節度使丁丑勅諸道府不得私置曆日板己卯鳳翔監軍
奏鄭注判官錢可復等四人並處斬訖庚辰上御紫宸謂宰相曰坊
市之間人漸安未李石奏曰人情雖安然刑殺過多致此陰沴又聞
鄭注在鳳翔招致兵募不少今皆被刑戮臣恐乘此生事切宜原赦

以安之上曰然鄭鞏又陳理道上曰我每思貞觀開元之時觀今日之事往往憤氣填膺耳癸未儀仗使田全操巡邊迴馳馬入金光門街市訛言相驚縱橫散走賴金吾大將軍陳君賞以其徒立望仙門下至晚方定丁亥以權知京兆尹張仲方為華州防禦使以司農卿薛元賞權知京兆左僕射令狐楚奏方鎮節度使等具帑帑帶器仗就尚書省兵部參辭伏乞停罷如須參謝令具公服從之時楚引訓注奸謀用王璠郭行餘兵仗遂云不宜以兵仗入省參辭殊乖事體也物議尤之先是宰相武元衡被害憲宗出內庫弓箭陌刀賜左右街使俟宰相入朝以為翼從及建福門退至是亦停之辛卯置

諫院印

開成元年正月辛丑朔帝常服御宣政殿受賀遂宣詔大赦天下改元開成乙巳御紫宸殿宰臣李石奏曰陛下改元御殿人情大悅全放京兆一年租賦又停四節進奉恩澤所該實當要切帝曰朕務行其實不欲崇長空文石曰赦書酒內畱一本陛下時看之又十道黜

使發日更付與公事根本令向外與長吏詳擇施行方盡利
要丁未以秘書監韋續為工部尚書勅楊承和韋元素王踐言皆
峻頃遭誣陷每用追傷宜復官爵聽其歸葬以銀州刺史劉源為夏
綏銀宥節度使丙辰望日有蝕之二月辛未朔以左散騎常侍羅讓
為江西觀察使乙亥夜四更京師地震屋瓦皆墮丙申左武衛大將
軍朱叔夜賜死於藍田關天德奏生退渾部落三千帳來投豐州三
月庚子朔壬寅以袁州長史李德裕為滁州刺史庚申幸龍首池觀
內人賽雨因賦暮春喜雨詩昭義節度使劉從諫三上疏問王涯罪
名內官仇士良聞之惕懼是日從諫遣焦楚長入奏於客省進狀請
面對上召楚長慰諭遣之夏四月庚午朔以河南尹鄭澣為左丞以
太子賓客分司東都李紳為河南尹癸酉以亳州刺史裴弘泰為義
成軍節度使以諫議大夫李讓夷兼權知起居舍人事已卯以潮州
司戶李宗閔為衡州司馬以江州刺史李珣為太子賓客分司癸未
吏部侍郎李虞仲卒辛卯淄王協薨甲午詔以山南西道節度使檢

校兵部尚書李固言為門下侍郎同中書門下平章事以左僕射詣道鹽鐵轉運使令狐楚檢校左僕射為山南西道節度使丙申李固言判戶部事李石判度支兼諸道鹽鐵轉運使五月乙亥朔癸卯以翰林學士歸融為御史中丞丁未以給事中郭承嘏為華州防禦使給事中盧鈞代嘏守華州乙卯御書坊日復以承嘏為給事中乃以給事中盧鈞代嘏守華州乙卯御紫宸上謂宰臣曰為政之道自古所難李石對曰朝廷法令行則易丁巳以尚書右丞鄭肅為陝虢都防禦觀察使前罷觀察復置之以中書舍人唐扶為福建觀察使庚申判國子祭酒宰臣鄭覃奏太學新置五經博士各一人請依王府官例賜以祿粟從之丙寅昭義秦州使僕射山路通太原晉州從之閏五月己巳朔甲申以河中節度使程為左僕射判太常卿事乙酉以太子太保分司李聽為河中節度使丙戌烏集唐安寺逾月方歇己丑以神策大將軍魏仲舒為朔方節度使丙申觀察使盧鈞進羨餘錢二萬貫雜物八萬段

受選之使貸貧下戶征税六月戊戌朔癸亥以河南尹李紳檢校禮部尚書汴州刺史充宣武軍節度使秋七月戊辰朔御史臺奏省管新舊書五萬六千四百七十六卷長慶二年己前並無文字和五年己後並不納新書今請創立簿籍據闕添寫卷數逐月中從之辛未以左金吾衛將軍傅毅為鄆坊節度使癸酉宣武軍節度使王智興卒辛卯刑部尚書殷侖檢校右僕射充山南東道節度使壬午以滁州刺史李德裕為太子賓客甲午以金吾衛大將軍陳君賞為平盧軍節度使代王彥威以彥威為戶部侍郎判度支丙申湖南觀察使盧周仁進羨餘錢一十萬貫御史中丞歸融彈其違制詔奉詔以周仁所進錢於河陰院收貯八月戊戌朔甲戌詐稱國舅人前鄆坊節度使蕭洪宜長流驩州戊申以皇太后親弟蕭本為右贊善大夫九月丁卯朔庚辰詔復故左降開州司馬宋申錫正議大夫尚書右丞同平章事仍以其子慎徽為臣固尉以饒州刺史馬植為安南都護辛巳以壽州刺史高承恭為邕管經略使辛卯勅秘書省

集賢院應欠書四萬五千二百六十一卷配諸道繕寫冬十月丁酉朔巴西揚州江都七縣水旱損田十一月丙寅朔庚辰浙西觀察使李程兼吏部尚書忠武帥杜宗天平帥王源中奏當道常平義倉計十除元額外請別置十萬石十二月丙申朔以京兆尹兼御史大夫薛元賞為武寧節度徐泗宿濠觀察等使以戶部侍郎兼御史中丞歸融為京兆尹以給事中狄兼謨為御史中丞己酉嶺南節度使李德裕卒庚戌以華州刺史盧鈞為廣州刺史充嶺南節度使以中書舍人崔龜從為華州防禦使辛亥劍南東川節度使馮宿卒壬子太僕卿段伯倫卒癸丑以兵部侍郎楊汝士檢校禮部尚書充劍南東川節度使己未淑王縱薨

一年春正月乙丑朔丙寅宣州觀察使王質卒乙亥以吏部侍郎郭為宣歙觀察使以右丞鄭絳為戶部尚書判左丞事庚寅戶部

郎判度支王彥威進所撰供軍圖略序曰至德乾元之後迄于貞元元和之際天下有觀察者十節度二十有九防禦者四經略者三皆角之師犬牙相制大都通邑無不有兵約計中外兵額至八十餘萬長慶戶口凡三百三十五萬而兵額又約九十九萬通計三戶資養一兵今計天下租賦一歲所入總不過三千五百餘萬而上供之數三之一焉三分之一給衣賜自畱州畱使兵士衣食之外其餘四十萬衆仰給度支焉二月乙未朔丙申刑部侍郎郭承嘏卒丙午夜彗出東方長七尺在危初西指戊申王彥威進所撰唐興七十卷起武德終永貞庚戌均王緯薨辛酉夜彗長丈餘直西行稍南指在虛九度半壬戌夜彗長二丈餘廣三尺在女九度自是漸長閏三月甲子朔內出音聲女妓四十八人令歸家乙丑夜彗星長五丈岐分兩尾其一指氐其一掩房丙寅罷曲江宴是夜彗長六丈尾無岐在亢七度物尚食使自令每一日御食料分為十日停內脩造庚戌夜彗長八丈有餘西北行東指在張十四度辛未宣徽院法曲樂官放歸

壬申詔曰朕嗣丕構對越上玄度恭寅畏新今一紀何嘗不宵衣念
道是食思愆師周文之小心慕易乾之外湯懼德不類貽列聖羞將
欲俗致和平時無殃咎然誠未格物謫見於天仰愧三靈備慙庶彙
思獲攸濟浩無津涯昔宋景發言星因退舍魯僖納諫飢不害人取
鑒往賢深惟自勵載軫在予之責宜降恤辜之恩式表殷憂冀答昭
誠天下死罪降從流流已下並釋放唯故殺人官典犯賊主掌錢殺
賊盜不在此限諸州遭水旱處並蠲租稅中外脩造並停五坊鷹隼
悉解放朕今素服避殿徽樂減膳近者內外臣寮繼貢章表欲加徽
號夫道大為帝朕膺此譴氏愧已多矧鍾星變之時敢議名揚之美
非懲既往且儆將來中外臣寮更不得上表奏請表已在路並宜速
還在朝群臣方岳長吏宜各上封事極言得失竊違納諫副我虛懷
日戊以左僕射李程為山南東道節度使壬午以楚州刺史嚴譽為
都管觀察使甲申以山南東道節度使殷侑為太子賓客分司貞與
門外編築于古冢丁亥邠寧節度使李用卒戊子以河南尹李珣

戶部侍郎已丑以金吾大將軍李直臣為邠寧節度使壬辰杜
察使韓偓卒以兵部侍郎裴潏為河南尹夏四月甲午朔戊戌
任郎守尚書工部侍郎知制誥充翰林學士兼皇太子侍讀上
人敬斯為江西觀察使戊申前江西觀察使羅讓卒巳酉秘書監
西詔置終南山神祠蓬州復置蓬池二縣五月癸亥朔乙丑以東都
留守裴度為太原尹比都留守河東節度使依前守司徒中書令丙
寅戶部侍郎李珣判本司事以浙西觀察使李德裕檢校戶部尚書
兼揚州大都督府長史充淮南節度使辛未詔以前淮南節度使牛僧
孺為檢校司空都留守以蘇州刺史盧商為浙西觀察使壬申上
幸十六宅與諸王宴樂決十六宅宮市內官范文喜等三人以供諸
王食物不精故也六月癸巳朔丁酉以成德軍節度使王元逵為
馬都尉尚書安公主巳亥以鴻臚卿李遠為太常寺卿防禦使庚子吏

部奏長定選格請加置南曹郎中一人別置印一函以新置南曹之
印爲文從之丙午河陽軍亂節度使李泳戊申以左金吾衛將軍
李執方爲河陽三城懷州節度使庚戌以右金吾衛大將軍崔珙爲
京兆尹魏博澤潞淄青滄德充海河南府等州並奏蝗害稼鄆州奏
蝗得雨自死丁亥以御史中丞伏兼謨爲刑部侍郎以前京兆尹歸
融爲秘書監以給事中李翊爲湖南觀察使秋七月壬戌朔乙亥以
父旱徙市閉坊門甲申以太府卿張賈爲充海觀察使詔除河北三
鎮外諸州府不得以武衛奏官鄆州奏當州先廢天平平陰兩縣請
復置平陰縣以制盜賊從之乙酉以蝗旱詔諸司疏決繫囚已丑遣
使下諸道巡覆蝗蟲是日京畿雨羣臣表賀汴州李紳奏蝗蟲入
不食田苗詔書褒美仍刻石于相國寺八月壬辰朔丁酉彗出虛
之間振武奏突厥入寇營田庚戌詔昭儀王氏冊爲德妃昭容楊氏
爲貴妃又詔敬宗皇帝第二子休復第三子執中第四子言揚第五
子成美等宜開列土之封用申陸族之典休復丁酉封爲三王

襄王言揚可封汜王成美可封陳王皇第二男宗儉可封蔣王乙丑
房州刺史盧行簡坐贓杖殺已巳以前湖南觀察使盧行術爲陝觀
察使甲申詔曰慶成節朕之生辰天下錫宴庶同歡泰不欲屠宰用
表好生非是信尚空門將希無妄之福恐中外臣庶不諭朕懷廣置
齋筵大集僧衆非獨凋耗物力兼恐致惑生靈自今宴會蔬食任陳
醕醢永爲常例又勅慶成節宜令京兆尹准上巳重陽例於曲江會
文武百寮延英奉觴宜權停戍子以尚書戶部侍郎判度支王彥威
爲衛尉卿分司東都冬十月辛卯朔詔改天后所撰三教珠英爲海
內珠英戊戌詔嘉王運循王通通王並可光祿大夫檢校司空賜
勳上柱國仍依百官例給料錢安王溶穎王瀍並給料錢庚子慶成
節賜羣臣宴于曲江上幸十六宅與諸王宴樂癸卯宰臣判國子祭
酒鄭覃進石壁九經一百六十卷時上好文鄭覃以經義啓導稍折
文章之士遂奏置五經博士依後漢蔡伯喈刊碑列于太學創立石
壁九經諸儒校正訛謬上又令翰林勒字官唐玄度復校字體又乖

師法故石經立後數十年名儒皆不窺之以爲蕪累甚矣戊申以門下侍郎同平章事李固言爲劔南西川節度使依前同門下侍郎平章事申寅勅鹽鐵戶部度支三使下監院官皆郎官御史爲之使雖更改院官不得移替如顯有曠敗即具事以聞己未以前西川節度使楊嗣復爲戶部尚書充諸道鹽鐵轉運使十一月辛酉朔壬戌以太子賓客分司東都殷侑爲忠武軍節度使癸亥狂病人劉德廣突入含元殿付京兆府杖殺乙丑京師地震丁丑興元節度使令狐楚卒丁亥以刑部尚書鄭澣爲山南西道節度使己丑契丹朝貢十二月庚寅朔丙申閣內對左右史裴素等上自開成初復故事每入閣左右史執筆立於螭頭之下君臣論奏得以備書故開成政事最詳於近代壬寅以前忠武軍節度使杜悰爲工部尚書判度支時悰旣除官久未謝恩戶部侍郎李珣奏杜悰爲岐陽公主服假內珣因言比來駙馬爲公主行服三年所以士族之家不願爲國戚者以此帝大駭其奏即日詔曰制服輕重必資典禮如聞往者駙馬爲公主行服三年錄

情之義殊非故實遠經之制今乃聞知宜行替周永爲定制

三年春正月庚申朔甲子辛巳李石遇盜於親仁里中劔斷其馬尾又中流矢不甚傷是時京城大恐捕盜不獲旣而知仇士良所爲乙丑常參官入朝者九人而已餘皆潛竄累日方安乙卯詔故齊王濬贈懷懿太子戊申以諸道鹽鐵轉運使正議大夫守戶部尚書上柱國弘農郡開國伯食邑七百戶賜紫金魚袋楊嗣復可本官同中書門下平章事朝議郎戶部侍郎判戶部事上柱國賜紫金魚袋李珣可本官同中書門下平章事依前判戶部事丙子以中書侍郎同中書門下平章事李石爲荆南節度使依前中書侍郎平章事丁丑以前荆南節度使韋長爲河南尹癸未詔去秋蝗蟲害稼慮放逋賦仍以本處常平倉賑貸是日大雪二月己丑朔乙未上謂宰臣曰李宗閔在外數年可別與一官鄭覃陳夷行曰宗閔養成鄭注幾覆朝廷其奸邪甚於李林甫楊嗣復李珣奏曰太和末宗閔德裕同時得罪二年之間德裕再量移爲淮南節度使而宗閔尚在貶所凡事貴得

中不可但徇私情上曰與一郡可也丁酉以衡州司馬李宗閔為杭
 州刺史庚子吏部奏去年所修長定選格或乖往例頗不使人不可
 又行請却用舊格從之乙巳詔僕射尚書侍郎左右丞大卿監每遇
 坐日宜令兩人循次進對丁未尚州刺史孫簡為陝號觀察使代盧
 術以術為福王傳分司東都乙酉禮部尚書許康佐卒辛亥左丞盧
 載為同州防禦使三月己未朔庚午封故陳王第十九男儼為宣城
 郡主故襄王第三男宗為樂平郡王夏四月戊子朔己丑禮部尚書
 致仕徐晦卒辛卯戶部侍郎崔龜從判本司事詔曰戶部侍郎兩員
 今後先授上者宜令判本司錢穀加帶平章事判鹽鐵度支兼中丞
 學士不在此限壬辰以給事中裴衮為華州防禦使己酉改法曲為
 仙韶曲仍以伶官所處為仙韶院兵部侍郎裴潏卒癸丑屯田郎中
 李衢沔王府長史林贊等進所修皇唐玉牒一百五十卷五月丁巳
 朔勅禮部貢院進士舉人歲限放三十人及第辛酉詔前江西觀察
 使吳士規坐賊長流端州庚子月犯天心大星癸未以吏部侍郎高

鑄為鄂岳觀察使代高重以重為兵部侍郎六月丁未朔卒

人四百八十送兩省守觀安景慶

州平陽院勢官並歸州縣

法變則擾人但禁銅器斯得其要秋七月丙辰朔

使設餉甲子以衛尉卿王彥威檢校禮部尚書充忠武軍節度使以

右金吾衛大將軍史孝章為節度使戊辰西川節度使李回言

再二長讓門下侍御史侯仲實侯仲實八月丙戌朔甲午山南東道諸

州大水田隳

以水潦暴

生業

許鄂

李石讓中書侍郎乃改授檢校兵部尚書上戊上以皇太子慢遊敗

度欲廢之中丞伏蕪謨垂涕切諫是夜移太子於少陽院殺太子官

四年春正月甲寅朔丁巳癸感太白星見南斗丁卯夜於咸泰殿
觀燈行樂三月丙午太皇太后崩公等畢會上姓前使安公主衣褶寬大即
賜所服之衣命其侍罪詔曰公主入宮以來制從天之義過有所
歸漸密三月丙午太皇太后崩公等畢會上姓前使安公主衣褶寬大即
河中節度使以蘇州刺史李道樞為浙東觀察使以
諫議大夫高元裕為御史中丞丙申以前河中節度使李聽為太子
大保己亥裴度自太原至上令中人就第問疾辛丑以司農卿李玘
為福建觀察使諫官論其不可乃罷之丙午以大理卿盧貞為福建
觀察使丁未興元節度使鄭澣卒戊申蜀漢國朝貢二月癸酉朔辛
酉以吏部侍郎歸融檢校禮部尚書充山南西道節度使丙寅寒食
節上御通化門以觀遊人戊辰孟勤政使柳角抵蹴鞠三月癸未朔
二酉賜羣臣上巳宴於曲江是夜日掩東井第三星丙申司徒中書
令裴度卒癸酉浙東觀察使李道樞卒以戶部侍郎崔龜從為宣歙
觀察使代崔郾以郾為太常卿以楚州刺史蕭儼為浙東觀察使

四月壬子朔以右羽林統軍李昌元為鄜坊節度使壬戌有麋出
太廟五月辛丑朔丁亥閣內上謂宰相曰新修開元政要如何楊嗣
復曰臣等未見陛下欲以此書傳示子孫則宣付臣等參定可否緣
開元政事與貞觀不同玄宗或好畋遊或好聲色選賢任能未得盡
美撰述示後所貴作程豈容易哉丙申鄭覃陳夷行能知政事覃守
右僕射夷行為吏部侍郎丙午邠寧節度使郭昉卒天平魏博易定
等管内蝗食秋稼六月辛亥朔以長武城使符徹為邠寧節度使庚
申上幸十六宅安王穎王院宴樂賜與頗厚戊辰以久旱分命祠禱
每憂動於色宰相等奏曰水旱時數使然乞不過勞聖慮上改容言
曰朕為人主無德及天下致茲災旱又謫見於天若三日不雨當退
歸南內更選賢明以主天下宰相臣鳴咽流涕各請策免是夜大雨霑
霈丁丑襄陽山竹結實其米可食秋七月庚辰朔西蜀水害稼乙未
夜月犯熒惑壬寅以河南尹韋長為平盧軍節度使以刑部侍郎高
錯為河南尹甲辰以中大夫守太常卿上柱國賜紫金魚袋崔郾可

本官同中書門下平章事滄景淄青大水八月庚戌朔以給事中姚
合為陝虢觀察使辛亥郊王經薨丙午邢州廢青山縣磁州移昭義
縣於固鎮驛癸亥以左僕射牛僧孺檢校司空同平章事兼襄州刺
史充山南東道節度使辛未夜流星出羽林尾長八十餘尺滅後有
聲如雷上由鎮冀四州蝗食稼至於野草樹葉皆盡九月己卯朔辛
卯以劍南東川節度楊汝士為吏部侍郎丁酉夜月掩東井第三星
辛丑以吏部侍郎陳夷行為華州鎮國軍防禦使以蘇州刺史李穎
為江西觀察使以諫議大夫馮定為桂管觀察使甲辰以京兆尹鄭
元為東川節度使丙午以前江西觀察使敬昕為京兆尹冬十
月己酉朔戊午慶成節賜群臣宴於曲江亭辛酉夜星入斗魁前桂
管觀察使嚴震卒丙寅制以敬宗第六男陳王成美為皇太子丁丑
太子太保李聽卒十一月己卯朔壬申前福建觀察使唐扶卒己亥
曲掖京城繫囚十二月己酉朔癸丑貶光祿卿駙馬都尉韋讓為澧
州長史乙卯乾陵火以杭州刺史李宗茂為太子賓客分司東都辛

部計見管戶四百九十九萬六千七百五十二
五年春正月戊寅朔上不康不受朝賀己卯詔立親弟穎王暉為皇
太子權勾當軍國事皇太子成美復為陳王辛巳上崩於大明宮之
太和殿壽享三十三羣臣謚曰元聖昭獻皇帝廟號文宗其年八月
十七日葬于章陵

史臣曰昭獻皇帝恭儉儒雅出於自然承父兄奢弊之餘當閭寺排
權之際而能以治易亂化危為安太和之初可謂明矣初帝在藩時
喜讀貞觀以要毒見太宗孜孜政道有意于茲洎即位之後每延英
對宰臣率漏下十一刻故事天子隻日視事帝謂宰輔曰朕欲與卿
等每日相見其輟朝放朝用隻日可也時憲宗郭后居興慶宮曰太
皇太后敬宗母寶曆太后及上肖太后呼三宮太后帝性仁孝二
宮問安其情如一嘗內園進櫻桃所司啓曰別賜三宮太后帝曰太后
宮送物焉得為賜遽取筆改賜為奉宗止寺以祭器朽敗請易之及

有司呈進命陳於別殿具冠帶而閱之谷色悽然尤勤於政理凡選
內外羣官宰府進名帝必面訊其行能然後補除中書用鴻臚卿張
賈為衢州刺史賈好博朝辭曰帝謂之曰聞卿善長行對曰政事之
餘聊與賓客為戲非有所妨帝曰豈有好之而無妨也內外聞之悚
息而帝以累世變起禁闈尤側目於中官欲盡除之然訓注狂狡之
流制御無術矢謀既誤幾致顛危所謂有帝王之道而無帝王之才
雖肝食焦憂不能弭患惜哉
贊曰昭獻統天洪惟令德心憤讐耻志除凶慝未殄孽魑又生鬼域
天未好治亂何由息

唐書本紀卷第十七下

唐書本紀卷第十八上

武宗

劉昫等修

聞人詮校刻沈桐同校

武宗至道昭肅孝皇帝諱炎穆宗第五子母曰宣懿皇后帝氏元和
九年六月十二日生於東宮長慶元年二月封穎王本名湜開成中
加開府儀同三司檢校吏部尚書依自官例逐月給俸料初文宗追悔
莊恪太子殂不由道乃以敬宗子陳王成美為皇太子開成四年冬
十月言制未遑冊禮五年正月二日文宗暴卒宰相李珣知樞密劉
弘逸奉密旨以皇太子監國兩軍中尉仇士良魚弘志矯詔迎穎王
於十六宅曰朕自嬰疾疹有加無虞懼不能躬總萬機日整庶政稽
於謨訓謀及大臣用建親賢以貳神器親弟穎王漻昔在藩邸與朕
常同師訓勤成儀矩性稟寬仁俾奉昌圖必諸人欲可立為皇太弟
應軍國政事便令權勾當百辟卿士中外庶臣宜竭迺心輔成予志

陳王成美先立為皇太子以其年尚冲幼未漸師資比日重難不違冊命迴踐朱氏武協至公可復封陳王是夜士良統兵士於十六宅迎太弟赴少陽院百官謁見於東宮思賢殿三日仇士良收捕宣韶院副使尉遲瓌殺之屠其家四日文宗崩宣遺詔皇太弟宜於柩前即皇帝位宰相楊嗣復攝冢宰十四日受冊於正殿時年二十七陳王成美安王溶殂於邸第初楊賢妃有寵於文宗而莊恪太子母王妃失寵怨望為楊妃所譖王妃死太子廢及開成末年帝多疾無嗣賢妃請以安王溶嗣帝謀於宰臣李珣珣非之乃立陳王至是仇士良立武宗欲歸功於已乃發安王舊事故二王與賢妃皆死二月制穆宗妃常氏追謚宣懿皇太后帝之母也上御正殿降德音以開府右軍中尉仇士良封楚國公左軍中尉魚弘志為韓國公太常卿崔郾戶部尚書判度支崔珙並本官同中書門下平章事勅二月十五日玄元皇帝降生日宜為降聖節休假一日三月詔宮人劉氏王氏並為妃妙期望入閣對刑法官是日非便宜停五月中書奏六月十二日皇

帝載誕之辰請以其日為慶陽節祔宣懿太后于太廟初武宗欲營穆宗陵祔葬中書門下奏曰園陵已安神道貴靜光陵二十餘載福陵則近又修崇竊惟孝思足彰嚴奉今若再因合祔須啓二陵或慮聖靈不安未合先旨又以陰陽避忌亦有所疑不修福陵實協典禮乃止就舊墳增築名曰福陵又奏准今年二月八日赦文應京諸司勒留官令本處剋留手力雜給與攝官者臣等檢詳諸道正官料錢絕少雜給手力即多今正官勒留亦管公事料錢少於雜給刻下事未得中臣等商量其正官料錢雜給等錢望每貫割留二百文與攝官餘並如舊從之秋七月制檢校禮部尚書華州刺史陳夷行復為中書侍郎同平章事八月十七日葬文宗皇帝于章陵知樞密劉弘逸薛季稜率禁軍護靈駕至陵所二人素為文宗獎遇仇士良惡之心不自安因是掌兵欲倒戈誅士良弘志薄使兵部尚書王起山陵使崔稜覺其謀先諭鹵簿諸軍是日弘逸季稜釋伏誅門下侍郎同平章事楊嗣復檢校吏部尚書潭州刺史克湖南都團練觀察使中

書侍郎同平章事李珣檢校兵部尚書桂州刺史文桂管防禦觀察
等使海史中丞裴夷直為杭州刺史皆坐弘逸季稜黨也易定軍亂遂
節度使陳君賞君賞鳩合豪傑數百人復入城盡誅謀亂兵士軍城
復安九月以淮南節度使檢校尚書左僕射李德裕為吏部尚書同中
書門下平章事尋兼門下侍郎以宣武軍節度使檢校吏部尚書汴
州刺史李紳代德裕鎮淮南帝在藩時頗好道術修攝之事是秋召道
士趙歸真等八十一人入禁中於三殿修金籙道場帝幸三殿於九
天壇親受法籙右拾遺王哲上疏言王業之初不宜崇信過當疏奏
不省十一月監鐵轉運使奏江淮已南請復稅茶從之魏博節度使
何進滔卒二軍推其子重霸知晉後事會昌元年正月壬寅朔庚戌
有事於郊廟禮畢御丹鳳樓大赦改元二月壬寅以淮南節度使檢
校吏部尚書李紳為中書侍郎同平章事中書奏南宮六曹皆有職
分各責官業即事不因循近者戶部度支多是諸軍奏請本司郎吏
束手閑居今後請抵令本行分判委中書門下簡擇公幹才器相當

者轉授從之車駕幸昆明也賜仇士良紀功碑詔右僕射李程為其
文三月貶湖南觀察使楊嗣復湖州司馬桂管觀察使李珣瑞州司
馬杭州刺史裴夷直驩州司戶宰臣李德裕進位司空三月壬申宰相
李德裕陳夷行崔珙李紳等奏憲宗皇帝有恢復中興之功請為
百代不遷之廟帝曰所論至當續議之事竟不行贈故中書令晉國
公裴度太師山南東道魏寧等州節度使聖院於龍首池四月辛丑
勅高宗實錄舊本未備宜令史官重修進內其舊本不得注破候新
編成再進持李德裕先請不遷憲宗廟為議者沮之復恐或書其不
善之事故復請改撰實錄朝野非之五月辛未中書門下奏據六典
隋置諫議大夫七人從四品上大曆二年昇門下侍郎為正三品兩
省遂闕四品建官之道有所未周詩云衮職有闕仲山甫補之周漢
大臣願入禁闥補過拾遺張衡為侍郎為居帷幄從容諷諫此皆大
臣之任故其秩峻其任重則敬其言而行其道况蹇諤之地宜老成
之人秩未優崇則難用耆德其諫議大夫

望依隋氏舊制昇為從四品分為左右以備兩省四品之闕向後與丞郎出入迭用以重其選又御史中丞為大夫之貳緣大夫秩崇官不常置中丞為憲臺長令寺監少卿少監司業少尹並為寺署之貳皆為四品中丞官名至重見秩未崇望昇為從四品從之六月有禿鷲鳥集於禁苑庚子夜五更小流星五十餘旁午流散制以魏博兵馬雷後何里霸檢校工部尚書魏州大都督府長史充天雄軍節度使仍賜名重順中書奏請依姚璹故事宰相每月脩時政記送史館從之以衡山道士劉玄靖為銀青光祿大夫充崇玄館學士賜號廣成先生令與道士趙歸真於禁中修法錄左補闕劉彥謨上疏切諫貶彥謨為河南府戶曹勅自前中外上封論事有所糾舉則請留中今後並云請付御史臺不得云留中不下如事關軍國理須有密不在此限如臺司勘當後若得事實必獎奉公苟涉加誣必當反問告示中外明知此意七月己巳北方有流星經天娘關東大瑋傷稼襄郢江左大水彗復出室壁之間八月迴鶻鳥介可汗遣使告

難言本國為黠戛斯所攻故可汗死今部人推為可汗緣本國破散今奉太和公主南投大國時烏介至塞上大首領盟沒斯與赤心宰相相攻殺赤心率其部下數千帳近西域天德防禦使田牟以聞烏介又令其相頡于迦斯上表借天德城以安公主仍乞糧儲牛羊供給詔金吾大將軍王會宗正少卿李帥偃往其牙宣慰令放公主入朝賑粟二萬碩九月幽州軍亂逐其帥史元忠推牙將陳行恭為留後三軍上章請符節朝旨未許十月幽州雄武軍使張絳遣軍吏吳仲舒入朝言行恭慘虐不可處將帥之任請以鎮軍加討許之十月誅行恭遂以絳知兵馬使車駕校獵咸陽十一月丁酉朔壬寅夜大星東北流其光燭地有聲如雷山崩石墮其彗起於室凡五十六日而滅太和公主遣使入朝言烏介自稱可汗乞行策命緣初至漢南乞降使宣慰從之十二月中書門下奏脩實錄體例舊錄有載禁中之言伏以石上與宰臣公卿言事皆須衆所聞見方可書於史冊且禁中之語在外何知或得之傳聞多涉於浮妄便形史筆實累鴻猷

今後實錄中如有此色並請刊削又宰臣與公卿論事行與不行須有明據或奏請允愜必見褒稱或所論乖僻因有懲責在藩鎮上表必有批荅舊要官啓事者自有著明並須昭然在人耳目或取捨存於堂或與奎形於詔勅前代史書所載奏議罔不由此近見實錄多載密疏言不彰於朝聽事不顯於當時得自其家未足為信人後實錄所載董奏並須朝廷共知者方得紀述密疏並請不載如此則理必可法人皆向公愛憎之志不行褒貶之言必信從之李德裕奏改修憲宗實錄所載吉甫不書之迹鄭亞希旨削之德裕更此條奏以掩其迹增紳謗議武宗頗知之

二年春正月丙申朔以撫王紘為開府儀同三司幽州大都督府長史充幽州盧龍節度大使以雄武軍使張終檢校左散騎常侍兼幽州左司馬知兩使留後仍賜名仲武中書奏百官議九宮壇本大祠請降為中祠宰相崔珙陳夷行奏定左右僕射上事儀注二月丙寅中書奏崔元和七年勅河東鳳翔鄜坊邠寧等道州縣官令戶部

給課料錢歲六萬二千五百貫吏部出得平留官數百員時以為當自後戶部支給零碎不得得觀察使乃別將破用徒有加給不及官人所以選人憚遠不樂注受以望令部都與實物及時支還諸道委觀察判官知給受專判此案隨月支給年終計帳申戶部又赴選官人多京債到任填還致其貪求罔不由此今年三銓於前件州府得官者許連狀相保戶部各備兩月加給料錢至支時折下所與初官到任不帶息債衣食稍足可責清廉從之太子太師致仕蕭俛卒牂柯南詔蠻遣使入朝三月遣使冊迴紇烏介可汗以振武麟勝節度使銀青光祿大夫檢校尚書右僕射單于大都護兼御史大夫彭城郡開國公食邑二千戶劉沔可檢校右僕射兼太原尹比京留守充河東節度管内觀察處置等使代符澈時迴紇在天德命沔以太原之師討之四月乙丑朔光祿大夫守司空兼門下侍郎平章事李德裕銀青光祿大夫守右僕射門下侍郎平章事崔珙銀青光祿大夫中書侍郎同平章事李紳金紫光祿大夫檢校司徒兼太子太保牛僧孺等

上章請加尊號曰仁聖文武至神大孝皇帝戊寅御宣政殿受冊十月九日雨至十四日轉甚乃改用二十三日時有織人告中尉仇士良言宰相作赦書欲減削禁軍衣糧馬草料士良怒曰必若有此軍人須至樓前作鬧宰相李德裕等知之請開延英訴其事帝曰紆人之詞也召兩軍中尉諭之曰赦書出自朕意不由宰相况未施行公等安得此言士良惶恐謝之提日晴霽中書奏元日御含元殿百官就列唯宰相及兩省官皆未開扇前立於欄檻之內及扇開便侍立於御前三朝大慶萬邦稱賀唯宰相侍臣同介冑武夫竟不拜至尊而退酌於禮意事未得中臣等請御殿日昧爽宰相兩省官闌班於香案前俟扇開通事贊兩省官再拜拜訖升殿侍立從之天德奏迴紇族帳侵擾部內勅勸課種桑比有勅命如能增數每歲申聞比知並無遵行恣加翦伐列於鄆市賣作薪蒸自今州縣所由切宜禁斷五月勅慶陽節百官率醜外別賜錢三百貫以備素食合宴仍令京兆府供帳用追集坊市樂人天德軍使田牟奏迴紇大將唃沒斯與

賢將軍將吏二千六百人請降遣中人齎詔慰勞之宰相李德裕燕守司徒太子太師致仕鄭覃卒六月甲子朔火星犯木丙寅太白犯東井迴紇降將唃沒斯將吏二千六百餘人至京師制以唃沒斯換杖工部尚書充歸義軍使封懷化郡王仍賜姓名曰李思忠以迴紇宰相受耶勿為歸義軍副使檢校右散騎常侍賜姓名曰李忠順七月嵐州人田滿川據郡叛劉沔誅之八月迴紇烏介可汗過天德至杞頭烽北俘掠雲朔北州詔劉沔出師守鴈門諸閔迴紇首領屈武降幽王授左武衛將軍同正詔以迴紇犯邊漸侵內地或攻或守於理何安令少師牛僧孺陳夷行與公卿集議可否以聞僧孺曰今百寮議狀以固守閑防伺其可擊則用兵宰相李德裕議以迴紇所恃者盟沿赤心耳今已離叛其強弱之勢可見戎人獷悍不顧成敗以失二將乘忿入侵出師急擊破之必矣守險示弱虜無由退擊之為便天子以為然乃徵發許蔡汴滑等六鎮之師以太原節度使劉行為總領南面招討使以張仲武為幽州盧龍節度使檢校工部尚

書封迴紇東面招討使以李思忠為河西党項都將迴紇西南
面招討使皆會軍於太原制以皇子峴為益王岐為交王皇長女為
昌樂公主第二女為壽春公主第三女永寧公主上御麟德殿見室
帝首領督熱論等十五人太原奏迴紇移帳近南四十里索叛將盟
沒斯昨至橫水俘虜兼公主上表言食盡乞賜牛羊事賜烏介詔曰
朕自臨寰區為人父母唯以好生為德不願黷武為名故自彼國不
幸為盟沒斯所破來投邊境已歷歲年撫納之間無所不至初則念
其饑餒給以糧儲旋則知其破傷盡還馬價前後遣使勞問交馳道
途州境擾亦盡不計今可汗尚此近塞未議還蕃朝廷大臣四方節
鎮皆懷疑分畫請具師雖朕切務含弘亦所未諭一昨數使迴來皆
言可汗只待馬價及令付之次又聞所止屢遷或侵掠雲朔等州或
劫奪羌渾諸部未知此意終欲如何若以未交馬價須近塞垣行止
之間亦宜先告邊將豈有條來忽往遷徙不常雖云隨逐水草
逐城掘遙揣深意佯恃姻好之情每覩蹤由實為馳突之計況列

積水柵下殺戮至多蕃渾牛羊豈怪馳掠黎庶何罪皆被傷患所以
中朝大臣皆云迴紇近塞已是違盟史戮邊人實背大義咸願因
翦逐以雪殂謝之冤然朕志在懷柔情深屈已寧可汗之負德終未
悉於幸災石戒直久在京城備知人實憤惋發於誠懇固請自行盡
其深見事機不能遠阻可汗密自問遂遠擇良圖無至不悛以貽後
悔詔太原起室帝沙陁三部藩吐渾諸部委石雄為前鋒易定兵千
人守大同軍契必通何清朝領沙陁吐渾六千騎趨天德李思忠率
迴紇党項之師屯保大柵十月吐蕃貢普卒遣使論普熱入朝告哀
詔將作少監李璟入蕃吊祭帝幸涇陽校獵白鹿原諫議大夫高少
逸鄭朗等於閣內論陛下校獵太頻出城稍遠萬機廢弛星出夜歸
方今用兵且宜停止上優勞之諫官出謂宰相曰諫官甚要朕時聞
其言庶幾減過

三年春正月以宿師于野罷元會勅新授銀州刺史本州押蕃落銀
川監牧使何清朝可檢校太子賓客左龍武大將軍令分領沙陁吐

渾党項之衆赴振武取劉沔處分二月先詔百官之家不得於京城
置私廟者其皇城南向六坊不得置其閑僻坊曲即許依舊置太原
劉沔奏昨率諸道之師至大同軍書石雄襲迴鶻牙帳雄大敗迴鶻
於殺胡山烏介可汗被創而走已迎得大和公主至雲州是日御宣
政殿百寮稱賀制曰夫天之所廢雖施繼絕之恩人之所棄當用侮亡
之道朕每思前訓豈忘格言迴鶻比者自恃兵強久為桀驁凌雲諸郡
結怨近鄰點戛斯替師堇掃穹居五解種族盡膏於原野區落遂至
於荆榛今可汗逃走失國流自立遠踰沙漠寄命邊陲朕念其衰
殘尋加賑卹每陳章多詐諛之詞接我使臣如全盛之日無傷禽
哀鳴之意有困獸鬪之心去歲燕入朔川大掠牛馬今春掩襲振
武逼近城池可汗自率兵首為賊盜不耻破敗莫顧姻親河東節
度使劉沔料敵伐機制勝及胡貉之騎以為前鋒塞帥侯之旗
伐彼在冗短兵軼於設中况乘匪六羸眾纒一旅儲備
已竭計日可擒情義久絕懷土多思亟聞黃

之歌失位自傷寧免綠衣之歎念其羈苦常軫朕心今已脫於豺狼
再見宮闕上以摠宗廟之宿憤次以慰太皇太后之深慈永言歸寧
良用欣感其迴紇既以破滅義在翦除宜令諸道兵馬使同進討河
東立功將士已下優厚賞給續條流處分應在京外宅及東都修功
德迴紇並勒冠帶各配諸道收管其迴紇及摩尼寺莊宅錢物等並
委功德使以御史臺及京兆府各差官點檢收抽不得容諸色人影
占如犯者並處極法錢物納官摩尼寺僧委中書門下條流聞奏以
麟州刺史天德行營副使石雄為銀青光祿大夫檢校左散騎常侍
崖州刺史御史大夫充澧州西城中城都防禦本管押蕃落等使劉
沔檢校尚書左僕射張仲武檢校尚書右僕射餘並如故點戛斯使
注吾合素入朝獻名馬二匹言可汗已破迴鶻迎得大和公主歸國
差人送公主入朝愁迴鶻殘衆奪之於路帝遂遣中使送注吾合素
往太原迎公主時馬介可汗中箭走投黑車子詔點戛斯出兵攻之
三月太和公主至京師百官班于章敬寺迎謁仍令所司出屋崇宗穆

宗一室四月昭義節度使劉從諫卒三軍以從諫姪稹為兵馬晉後
上表請授節鉞尋遣使齎詔路府令稹護從諫之喪歸洛陽稹拒朝
旨詔中書門下兩省尚書御史臺四品已上武官三品已上會議劉
稹可誅可宥之狀以聞五月初詔道節度使置隨身不得過六十人
觀察使不得過四十人經畧都護不得過三十人築望仙觀於禁中
宰臣百寮進議狀以昆戎未殄塞上用兵不宜中原生事路府請以
親王遙授令稹權知兵馬事以俟禮上罷兵獨李德裕以為澤潞內
地前時從諫許襲已足失斷自後跋扈難制規脅朝廷以稹豎子不
可復踐前車討之必殄武宗性雄俊自吾與德裕同之保無後悔自
是諫官上疏言不可用兵相繼六月丙午內神龍寺災左軍中尉楚國
公仇士良等秋七月戊子宰相奏秋色已至將議進軍幽州須早
可下魏鎮須速誅劉稹各須遣使諭旨兼偵三鎮軍情今日延英
奏遣張賈充使臣等續更商量張賈幹濟有才甚諳軍中
則負氣慮不安和不知且輟李回若以臺綱關人耶

郎鄭涯久為鎮判官情甚精敏雖無詞辯言事分明官重事閑最
似相稱上曰不如令李回去即遣回奉使三鎮八月壬戌火星自七
月蒼赤色動搖井中至是月十六日犯輿鬼萬年縣東市火黥戛斯
使諦德伊斯難珠入朝以右僕射平章事陳夷行檢校司空兼河中
尹御史大夫充河中節度晉絳慈隰觀察等使九月制定天下者致
風俗於大同安生人者齊法度於畫一雖晉之樂趙家有舊勳漢之
韓黥身為佐命至于亂紀律固不梟夷禁暴除殘古今大義故昭
義節度劉悟頃居海岱嘗列爪牙屬師道阻兵王師問罪三苗開網
一境離心乘此危機遂能歸命憲宗嘉其誠款授以南燕穆宗待以
腹心委之上黨招致死士固護一方迨于末年已虧臣節劉從諫生
稟戾氣幼習亂風因跋扈之資以專封壤恃紀綱之力以襲兵符暫
展執珪之儀終無上壽之請隙駒為喻魏豹姑務於絕河井蛙自居
孫述頗聞于恃險誘受亡命妄作妖言中罔朝廷潛圖左道接壤戎
師屢奏陰謀顧髮亂之所矜豈淵魚之是察泊乎沈痼曾靡哀鳴猶

駐將盡之魂恣行邪僻之志罔或奮拔自樹校童中使授醫莫覩其
朝服近臣銜命不入於壘門逆節甚明人神共棄其贈官及先所授
官爵并剝積在身官爵宜並削奪成德軍節度使王元逵魏博節度
使何弘敬或姻連王至或任重藩維懇陳一至之誠願揚九伐之戰
吳漢任職受詔而初無辦嚴卜式朴忠未戰而義形於色况成德軍
嘗以梟騎橫陣首破朱滔戰氣方酣再迴魯陽之日鼓音不息三騎
不周之山魏博軍頃以大旆涉河竟殲師道建十二郡之旗鼓以列
降人削六十年之厲階盡歸皇化士傳餘勇軍有雄名必能稟節侯
之指縱成葛亮之心伐咨爾二師朕所注懷元逵可本官充北面招
討澤潞使弘敬充東面招討澤潞使 曩者烈祖在藩先天啓聖符
瑞昭晰彩繪煥於泗亭鑾輅巡遊金石刻於代邸寔謂可封之俗久
為仁壽之鄉寇難以來頗著誠節必非同惡咸許自新其昭義舊將
士及百姓等如保初心並赦而不問如能捨逆效順以州郡兵衆歸
降者必厚加封賞如能擒送劉稹者別授土地以報勲庸頃隨劉悟

鄆州舊將校子孫既有義心宜思改悔如能感喻劉稹束身歸朝必
當待之如初特與洗雪爾等舊校亦並酌勞仍委夷行劉沔王茂元
各進兵同力攻討其諸道進軍並不得焚燒廬舍發掘墳墓擒執百
姓以為俘囚桑麻田苗各許本戶為主罪止元惡務極生靈於戲蕃
維大臣抗疏於外髦俊舊老昌言於朝戒朕以祖宗之法不可私一
族刑賞之柄所以正萬邦宜用甲兵陳於原野雖朕以恩不聽而群
臣以義固爭詢自僉謀諒非獲已布告中外明體朕懷仍以徐泗節
度使李彥佐為澤潞西南面招討使河陽節度使王茂元以本軍屯
萬善彥佐制下後踰月未出師朝廷疑其持重乃以天德軍石雄為
彥佐之副劉稹牙將李丕降用為忻州刺史以陳許節度使王宰充
澤潞南面招討使河陽節度使王茂元卒贈司徒王宰代茂元撫萬
善之師十月宰相監修國史李紳兵部郎中史館修撰判館事鄭亞
進重修憲宗實錄四十卷頒賜有差晉絳行營副招討石雄奏收賊
砦五以河東節度使劉沔檢校司空兼滑州刺史御史大夫充義成

軍節度鄆滑濮觀察等使以荆南節度使檢校右僕射同平章事李石可檢校司空平章事兼太原尹北都留守充河南節度管内觀察等使十一月勅中外官員過為繁冗量宜減省以便軍民宜令吏部條疏合減員數以聞十二月王宰奏收天井關榆杜行營都將王逢奏兵少乞濟師詔太原軍二千人赴之初劉沔破迴鶻留三千人戍橫水至是李石以太原無兵抽橫水戍卒一千五百人以赴王逢是月二十八日橫水軍至太原請出軍優給舊例每一軍絹二疋時劉沔交代後軍庫無絹石以已絹益之方可人給一疋便催上路軍人以歲將除欲候過歲期既速軍情不悅都頭楊弁乘士卒流怨激之為亂

四年春正月乙酉朔以澤潞用兵罷元會其日楊弁逐太原節度使李石勅齋月斷屠出於釋氏國家創業猶近梁隋卿相大臣或公茲弊鼓刀者既獲厚利糾察者潛受請求正月以萬物生植之初宜斷三日列聖忌斷一日仍准開元二十二年勅三元日各斷三日餘月

不禁壬子河東監軍使呂義忠收復太原生擒楊弁盡斬其亂卒察稱賀二月甲寅朔丁巳制晉絳河中慈隰等州節度觀察等使中散大夫檢校左散騎常侍即河中尹御史大夫上柱國博陵縣開國男食邑二百戶崔元或可檢校禮部尚書兼太原尹北都留守充河東節度觀察等使戊午夜太白犯鎮星辛酉太原送楊弁與其同惡五十四人來獻斬於狗脊嶺三月以晉絳副招討石雄為澤潞西面招討以汾州刺史李丕為副以道士趙歸真為左右街道門教授先生時帝志學神仙師歸真歸真乘寵每對排毀釋氏言非中國之教嘉耗生靈盡宜除去帝頗信之四月王宰進軍攻澤州五月以司農卿薛元賞為京兆尹六月金紫光祿大夫尚書右僕射中書侍郎同平章事判度支崔珙貶澧州刺史矣丑勅諫官論事所見不同連狀署名事同糾率此後凡論公事各隨己見不得連署姓名如有大政奏論即可連署制追削故左軍中尉仇士良先授官及贈官其家財並籍沒士良死後中人於其家得兵杖數千件兼發士良宿罪故也

勅責授官銀青光祿大夫澧州刺史上柱國安平郡開國公食邑二
千戶崔瑛再貶恩州司馬員外置以瑛領鹽鐵時欠宋滑院鹽鐵九
十萬貫帝令度支鹽鐵轉運合為一使七月以淮南節度使檢校司
空杜悰守尚書右僕射兼門下侍郎同平章事仍判度支充鹽鐵轉
運等使又制銀青光祿大夫守尚書右僕射兼門下侍郎同平章事
監修國史上柱國趙郡開國公食邑二千戶李紳可檢校司空平章
事揚州大都督府長史淮南節度副大使知節度事吏部條奏中外
合減官員一千一百一十四員王元逵奏邢州刺史裴問別將高元
武以城降洛州刺史王鈞磁州刺史安王以城降何弘敬山東三州
平潞州大將郭誼張谷陳揚廷遣人至王宰軍請殺積以自贖王宰
以聞乃等詔石雄率軍七千入潞州誼斬劉積首以迎雄澤路平五
州八月戊戌王宰傳積首與大將郭誼等一百五十人露布獻於京
師上御安福門受俘百寮樓前稱賀以魏博節度使檢校尚書右僕
射同平章事何弘敬進封盧江郡開國公食邑二千戶以成德軍節

度使王元逵檢校司空兼太子太師同平章事進封太原郡開國公
食邑二千戶宰相李德裕守太尉進封衛國公加食邑一千戶以兵
部侍郎翰林學士承旨崔鉉為中書侍郎同平章事河東節度使陳
夷行卒九月以天德軍使晉絳行營招討使石雄檢校兵部尚書河
中尹兼御史大夫河中晉絳慈隰等州節度使以前山南東道節度
使盧鈞檢校尚書左僕射潞州大都督府長史充昭義軍節度使澤
潞邢洛觀察等使以忠武軍節度陳許蔡等州觀察處置等使河陽
行營諸軍招討使金紫光祿大夫檢校尚書右僕射兼御史大夫上
柱國太原郡開國公食邑二千戶王宰檢校司空太原尹北都留守
充河東節度管内觀察處置等使制曰逆賊郭誼等狐鼠之妖依丘
穴而作固牛羊之力得水草而逾克久從叛臣皆負逆氣劉從諱等
德反義掩賊藏姦積其怙亂之謀無非親吏之計劃公直安全慶等
各憑地險屢抗王師每肆悖言常懷革面况郭誼王協聞邢洛歸款
懼義旅覆巢賣孽童以圖全據堅城而請命昔伍被詰吏不免就誅

延岑出降終亦夷族致之大辟無所愧懷郭誼劉公直王協安全慶
李道德李佐堯劉積積母阿裴積弟曹九滿郎君郎妹四娘五娘從
兄洪卿漢卿周卿曾卿正堯張谷弟涯解愁陳楊廷弟宣男醜奴張
盜男欽郎三寶門客甄戈伎術人郭諡將黨李訓兄仲京王涯姪孫
羽韓約男茂章茂寶王璠男珪等並處斬于獨柳勅以河陽三城歸
退使為孟州刺澤州隸焉與懷孟澤為節度號河陽制以皇子愕為
開府儀同三司夏州刺史朔方軍節度大使時党項叛命親王以制
之十月重駕幸鄜縣十一月幸雲陽十二月勅郊禮日近獄囚數多
案款已成多有翻覆其兩京天下州府見繫囚已結正及兩度番案
伏款者並令先事結斷訖申持左僕射王起頓年知貢舉每貢院考
試訖上榜後更呈宰相取可否復人數不多宰相延英論言主司試
藝不合取宰相與奪比來貢舉艱難放人絕少恐非弘訪之道帝曰
貢院不會我意不放手弟郎大過無論子弟寒門但取實藝耳李德
裕對曰鄭肅封放有好子弟不教應舉帝曰我比聞楊虞卿兄弟朋

比貴勢妨平人道路昨楊知至鄭朴之徒並令落下抑其太甚耳德
裕曰臣無名第不合言進士之非然臣祖天寶末以仕進無他德也
強隨計一舉登第自後不於私家置文選蓋惡其祖尚浮華不根藝
實然朝廷顯官須是公卿子弟何者自小便習舉業自熟朝廷問事
臺閣儀範班行准則不教而自成寒士縱有出人之才登第之後始
得一班一級固不能熟習也則子弟成名不可輕矣

五年春正月己酉朔勅造望僊臺於南郊壇時道士趙歸真特承恩
禮諫官上疏論之延英帝謂宰臣曰諫官論趙歸真此意要卿等知
朕宮中無事屏去聲技但要此人道話耳李德裕對曰臣不敢言前
代得失只緣歸真於敬宗朝出入宮掖以此人情不願陛下復親近
之帝曰我爾時已識此道人不知名歸真只呼趙師在敬宗時亦
無甚過我與之言滌煩爾至於軍國政事唯卿等與次對官論何須
問道士非直一歸真百歸真亦不能相惑歸真自以涉物論遂舉羅
浮道士鄧元起有長年之術帝遣中使迎之錄是與衡山道士劉玄

靖及歸真膠固排毀釋氏而拆寺之請行焉宰臣李德裕杜悰李讓
夷崔鉉太常卿孫簡等率文武百寮上徽號曰仁聖文武章天成功
神德明道皇帝辛亥有事於郊廟禮畢御承天門大赦天下庚申義
安太后崩敬宗之母也遺令皇帝三日聽政十三日小祥二十五日
大祥二十七日釋服兵部尚書歸融奏事貴得中禮從順變配祔之
禮宜有等差請降服基以日易月十二日釋服內外臣寮亦請以其
日釋服陵園制度請無降殺從之以前太原節度使檢校司空李石
以本官充東都留守二月戊寅朔太白掩昴之比側諫議大夫權知
禮部貢舉陳商選士二十七人中第物論以為請託令翰林學士白
敏中覆試落張瀆李玠薛忱張覲崔凜王謀劉伯芻等七人三月崔
鉉罷知政事出為陝虢觀察使以御史中丞兼兵部侍郎李回本官
同平章事夏四月皇第四女封延慶公主第五女封靖樂公主勅祠
部檢括天下寺及僧尼人數大凡寺四千六百蘭若四萬僧尼二十
六萬五百宰相杜悰罷知政事以戶部侍郎判戶部崔元式同平章

事六月丙子勅漢魏已來朝廷大政必下公卿詳議博求理道以盡
群情所以政必有經人皆向道此後事關禮法群情有疑者令本司
申尚書都省下禮官叅議如是刑獄亦先令法官詳議然後申刑部
叅覆如郎官御史有能駁難或據經史故事議論精當即擢授遷改
以獎之如言涉浮華都無經據不在申聞神策奏修望僊樓及廊舍
五百二十九間功畢秋七月庚子勅併省天下佛寺中書門下條疏
開奏據令式諸上州國忌日官吏行香於寺其上州望各留寺一所
有別聖尊容便令移於寺內其下州寺並廢其上都東都兩街請留
一寺寺僧十人勅曰上州合留寺工作精妙者留之如破落亦宜廢
毀其合行香日官吏官於道觀其上都下都每街留寺兩所寺留僧
三十人上都左衛舊觀恩福右衛留西明莊嚴中書又奏天下廢
寺銅像鍾磬委監鐵使鑄錢其鐵像委本州鑄為農器金銀鍮石等
像銷付度支衣冠士庶之家所有金銀銅鐵之像勅出後限一月納
官如違委監鐵使依禁銅法處分其土木石等像合留寺內依舊又

奏僧尼不合隸祠部請隸鴻臚寺其大秦穆護等祠釋教既已釐革
邪法不可獨存其人並勒還俗通歸本貫免稅戶如外國人送還本
處收管八月制朕聞三代已前未嘗言佛漢魏之後像教寔只是由
季時傳此異俗因緣染習蔓衍滋多以至於蠹耗國風而漸不覺誘
惑人意而衆益迷泊於九州山原兩京城闕僧徒日廣佛寺日崇勞
人力於土木之功奪人利於金寶之飾遺吾親於師資之際違聖偶
於戒律之間壞法害人無逾此道且一夫不田有受其飢者一婦不
蠶有受其寒者今天下僧尼不可勝數皆待農而食待蠶而衣守宇
招提莫知紀極皆雲構藻飾僭擬官居晉宋齊梁物力凋瘵風俗澆
詐莫不由是而致也况我高祖太宗以武定禍亂以文理華夏執此
二柄是以經邦豈可以區區西方之教與我抗衡哉貞觀開元亦嘗
釐革剷除不盡流衍轉滋朕博覽前言旁求輿議弊之可革斷在不
疑而中外誠臣協予至意條疏至當宜在必行懲千古之蠹源成百
王之典法濟人利衆予一議其天下一所拆寺四千六百餘所還俗

僧尼二十六萬五百人收支兩稅戶拆招提蘭若四萬餘所收膏腴
上田數千萬頃收奴婢爲兩稅戶十五萬人隸僧尼屬主客顯明外
國之教勒大秦穆護被二千餘人還俗不雜中華之風於戲前古未
行似將有待及今盡去豈謂無時驅游惰不業之徒已踰十萬廢丹
牘無用之室何啻億千自此清淨訓人慕無爲之理簡易齊政成一
俗之功將使六合黔黎同歸皇化尚以革弊之始日用不知下制明
廷宜體予意制第六女封樂溫公主第七女封長寧公主中書奏伏
見公主上表稱妾某者伏以臣妾之義取其賤稱家人之禮即宜區
別臣等商量公主上表請如長公主之例並云某邑公主幾女上表
邵縣主亦望依此例稱謂從之九月火星犯上將十月乙亥中書奏
池水縣武牢關是太宗擒王世充寶建德之地關城東峯有二聖塑
容在一堂之內伏以山河如舊城壘猶存威靈甚盛於軒臺風雲疑
還於豐沛誠宜百代嚴奉萬邦式瞻西漢故事祖宗嘗行幸處皆令
邦國立廟今緣定覺寺例合毀折望取寺中大殿材木於東峯改造

一殿四面置宮牆伏望名為昭武廟以昭聖祖武功之盛委懷孟節
度使差判官一人勾當緣聖像年代以久望令李石於東都棟好畫
手就增嚴飾初興功日望令東都差分司官一員薦告從之十一月
甲辰勅悲田養病坊緣僧尼還俗無人主持恐殘疾無以取給兩京
量給寺田賑濟諸州府七頃至十頃各於本管選耆壽一人勾當以
充粥料十二月車駕幸咸陽給事中常弘質上疏論中書權重三司
錢穀不合相府兼領宰相奏論之曰臣等昨於延英對恭聞聖上言常
欲朝廷尊臣下肅此是陛下深究理本也臣按管子云凡國之重器
莫重於令令重則君尊君尊則國安故國安在於尊君尊君在於行
令君人之理本莫要于出令故曰虧令者死益令者死不行令者死
不從令者死又曰令行于上而下論可不可是上失其威下繫於人
也自太和已來其風大弊令出于上非之於下此弊不除無以理國
也昨常弘質所論宰相不合兼領錢穀臣等輒以事體陳聞昔匡衡
所以云大臣者國家之股肱萬姓所瞻仰明王所慎擇傳曰下輕

其上賤人圖柄則國家搖動而人不靜弘質受人教導輒獻封章是
則賤人圖柄矣蕭望之漢朝名儒重德為御史大夫奏云今百歲日
月少光罪在臣等上以望之意輕丞相乃下侍中御史詰問貞觀中
監察御史陳師合上書云人之思慮有限一人不可兼總數職太宗曰
此人妄有毀謗欲離間我君臣流師合於嶺外曹誼云人主如堂群
臣如陛陛高則堂高亦由將相重君臣尊其勢然也如宰相姦謀隱
匿則人人皆得上論至於制置職業固是人主之柄非小人所得干
議古者朝廷之士各守其官思不出位弘質賤人豈得以非所宜言
上清明主此是輕宰相撓時政也昔東漢處士結議遂有黨錮事起
此事深要懲絕伏望陛下詳其姦詐去其朋徒則朝廷安靜制令肅
然臣等不勝感憤之至弘質坐貶官又奏曰天寶已前中書除機密
選授之外其他政事皆與中書舍人同商量自難已來務從權便
政頗去於臺閣事多繫於軍期決遣萬機不暇博議臣等商量今後
除機密公事外諸侯表疏百寮奏事錢穀刑獄等事望令中書舍人

六人依故事先參詳可否臣等議而奏聞從之李德裕在相位日久朝臣爲其所抑者皆怨之自崔鉉杜悰罷相後中貴人上前言德裕太專上意不悅而白敏中之徒教弘質論之故有此奏而德裕結怨之深由此言也

六年春正月癸卯朔丁巳左散騎常侍致仕馮定卒贈工部尚書已未南詔契丹室韋渤海犍昆明等國遣使入朝對于麟德殿兵部侍郎判度支盧商奏諸道兵計伐党項今差度支郎官一人往所在有糧料州郡先計度支給從之己丑渤海王子大之萼入朝東都太微宮修成玄宗皇帝玄宗肅宗三聖容遣右散騎常侍裴章往東都薦獻監察元壽奏前彭州刺史李鈇買本州龍興寺婢爲乳母違法貶隨州長史二月壬申朔癸酉以時雨愆候詔京城天下繫囚除官典犯贓持仗劫殺忤逆十惡外罪減一等並釋放征党項行營兵士不得濫有殺傷丁且左拾遺王龜以父興元節度使起年高乞休官侍養從之是夜月犯畢大星相去三寸庚辰以友州節度使未暨

女東北道招討党項使壬午右戾子呂讓進狀亡兄温女大和
嫁左衛丘曹曼爾敏生二男開成二年敏心疾乖忤因而離婚今敏日愈却乞與臣姪女配合從之乙酉前太子少保劉沔可太子太保致仕前壽州刺史王鎮賧潞州長史丁亥夜月色少光至一更一點化熒惑相去四寸後良久其光燭地在軫七度壬辰以翰林學士起居郎孫穀爲兵部員外郎充職以旱停上巳曲江賜宴勅比綠錢重幣輕生人轉因今新加鼓鑄必在流行通變故時莫切於此宜申寬中之令以徹居貨之徒京城諸道宜起來年正月己後公私行用並取新錢其舊錢雖停三數年如有違犯同用鈔錫錢例其舊錢並沒納又勅諸道鑄錢已有次第須令舊錢流例有布絹價值稍增文
武官俸料起三月一日並給見錢一半先給疋段對估時價皆給見錢貶舒州刺史蘇滌爲連州刺史滌李宗閔黨前自給事中爲滌所斥累年郡守至是李紳言其無政故也以邠寧節度使高承恭克西南面招討党項使丙申夜月掩牛南星又犯歲星丁酉新羅使

金國連入朝辛丑夜東北流星如桃色赤其光燭地尾迹入大角西
授符錄親至是藥躁喜怒失常疾既篤旬日不能言宰相李德裕等
請見不許中外莫知安否人情危懼是日二十三日宣遺詔以皇太
叔光王樞前即位是日崩時年三十三諡曰至道昭肅孝皇帝廟號
武宗其年八月葬於端陵德妃王氏附焉

史臣曰開成中王室寤卑政由闈寺及綴衣將變儲位遽移昭肅以
孤立維城副茲膏壁而能雄謀勇斷振已去之威權運策勸精拔非
常之後傑屬天驕失國致孽阻兵不惑危危之言獨納大臣之計成
車既駕亂畧底寧紀律再張聲名復振足彰彰武出師之迹繼元
和戡亂之功然後迂訪道之車築禮神之館棲心玄牝物色幽人
致俗於太庭欲希蹤於姑射於是削浮圖之法懲游惰之民志欲
步丹梯求珠赤水徒見蕭衍姚興之謬李下悟秦王漢武之非求
惑於左道之言偏斥異方之說况身毒西之教向欲千楔曳其之

民習以成俗畏其教甚於國法樂其徒不異登僊如文身祝髮之鄉
久習而莫知其醜以吐火吞刀之戲乍觀而便以為神安可正之以
咸韶律之以章甫加以笮融何名之佞代不乏人非荀卿孟子之賢
誰興正論一朝隳殘金狄燔蕪胡書結怨於膜拜之流犯怒於鄙夫
之口哲王之舉不駭物情前代存而勿論實為中道欲革斯弊以俟
河清昭肅明照聽斯弊矣

唐書本紀卷第十八上

宣宗

劉 昫 等修
聞人詮校刻沈相同校

宣宗聖武獻文孝皇帝諱忱憲宗第十二子母曰孝明皇后鄭氏元和五年六月二十二日生於大明宮長慶元年三月封光王名怡會昌六年三月一日武宗疾篤遺詔立為皇太叔權勾當軍國政事翌日柩前即帝位改今名時年二十七帝外晦而內朗嚴重寡言視瞻特異幼時宮中以為不慧十餘歲時遇重疾沈綴忽有光輝燭身蹶然而興正身拱揖如對臣寮乳媪以為心疾穆宗視之撫其背曰此吾家英物非心懣也賜以玉如意御馬金帶常夢乘龍昇天言之於鄭后乃曰此不宜人知者幸勿復言歷太和會昌朝愈事韜晦群居游處未嘗有言文宗武宗幸十六宅宴集強誘其言以為戲劇謂之光叔武宗氣豪尤不為禮及監國之日哀毀滿容接待群寮決斷庶

務人方見其隱德焉四月辛未釋服尊母鄭氏曰皇太后以兵部侍郎翰林學士承旨白敏中守本官同中書門下平章事以特進守太尉門下侍郎同平章事上柱國衛國公食邑二千戶李德裕檢校太尉同平章事江陵尹荆南節度使以中散大夫大理卿馬植爲金紫光祿大夫刑部侍郎充諸道鹽鐵等使以成德軍節度使王元逵檢校太保山南西道節度使王起檢校司空魏博節度使何弘敬淮南節度使李昇並檢校司空劍南西川節度使崔郾檢校尚書右僕射同中書門下平章事並如故東都留守李石奏修奉太廟畢所迎奉太微宮神主祔廟訖東都太廟者本武后家廟神龍中中宗反正廢武氏廟主立太祖已下神主祔之安祿山陷洛陽以廟爲馬廐棄其神主而恊律郎嚴郢收而藏之史思明再陷洛陽尋又散失賊平東京留守盧正已又募得之廟已焚毀乃寄主於太微宮大曆十四年留守路嗣恭奏重修太廟以迎神主詔百官參議紛然不定禮儀使顏真卿堅請歸祔不從會昌五年留守李石因太微宮正殿圯墜以

廢弘敬寺爲太廟迎神主祔之又下百寮議皆言准故事無兩都俱置之禮唯禮部侍郎陳商議云周之文武有鎬洛二廟今兩都異廟可也然不宜置主於廟主宜依禮瘞於廟之北墉下事未行而武宗崩宣宗即位因詔有司迎太微宮寓主祔廢寺之新廟而知禮者非之制皇長男溫可封鄆王二男涇可封雅王第三男滋可封蘄王第四男沂可封慶王五月左右街功德使奏准今月五日赦書節文上都兩街舊留四寺外更添置八所兩所依舊名興唐寺保壽寺六所請改舊名寶應寺改爲資聖寺青龍寺改爲護國寺菩提寺改爲保唐寺清禪寺改爲安國寺法雲尼寺改爲唐安寺崇敬尼寺改爲唐昌寺右街添置八所西明寺改爲福壽寺莊嚴寺改爲聖壽寺舊留寺二所舊名千福寺改爲興元寺化度寺改爲崇福寺永泰寺改爲萬壽寺溫國寺改爲崇聖寺經行寺改爲龍興寺奉恩寺改爲興福寺勅旨依奏誅道士劉玄靖等十二人以其說惑武宗排毀釋氏故也今月五日赦書節文吏部二銓選士祇憑資考多匪實才許觀察

使刺史有奇才異政之士聞薦試用又觀察使刺史交代之時冊書所交戶口如能增添至千戶即與超遷如逃亡至七百戶罷後三年內不得任使又徒流人在天德振武者管中量借糧種俾令耕田以為業以劍南東川節度使檢校禮部尚書盧商為兵部侍郎同平章事六月以戶部侍郎充諸道塩鐵轉運使馬植本官同平章事七月以兵部尚書李讓夷為劍南東川節度使十月勅太廟拾享合以功臣配其憲宗廟以裴度杜黃裳李愬高崇文等配享以荆南節度使李德裕為東都留守十一月有司享太廟其穆宗室文曰皇兄太常博士閔慶之奏大禮有尊尊而不叙親親祝文稱弟未當請改為嗣皇帝從之京兆府奏京師百司職田斛斛請准會昌二年例許人戶自送納京師所 吳州縣無得欺隱從之以江西觀察使周墀為義成軍節度使鄭滑 觀察等使十二月刑部尚書判度支崔元式奏准七月二日勅綾紗絹等次弱足段並同禁斷不得織造臣欲與塩鐵戶部三司同條疏元勘左藏庫令分析出次弱足段州府即牒本道官搜

小機杼令焚毀其已納到次弱足段具數以聞上從之大中二年春正月戊戌朔宮苑使奏皇帝致齋行事內諸宮苑門共九十四所並令鎖閉論進內候車駕還宮則請領從之戊申皇帝有事於郊廟禮畢御丹鳳門大赦改元制條曰古者郎官出卿相治郡所以重視人之官急為政之本自流風久扇此道稍消頽頽清途便臻顯貴治人之術未嘗經心欲使究百姓艱危通天下利病不可得也為政之始思厚儒風軒墀近臣蓋備顧問如其不知人疾苦何以膺朕眷求今後諫議大夫給事中中書舍人未曾任刺史縣令或在任有賦累者幸臣不得擬議守宰親人職當撫字三載考績者在格置元年中屢下明詔縣令五老方得改移近者因循都不遵守諸州或得五考畿府罕及二年以此字人若為成政道途郡吏有迎送之勞鄉里庶民無蘇息之望自今須滿三十二箇月永為常式二月丁卯制憲宗第十七子惕封彭王第十八子惲為棣王第五子澤為濮王第六子潤為鄂王勅修百福殿以檢校太尉東都留守李德裕為太子少

保分司東都以給事中鄭亞為桂州刺史御史中丞桂管防禦觀察
等使二月丁酉禮部侍郎魏扶奏臣今年所放進士三十三人其封
彥卿崔琢鄭延休等三人實有詞藝為時所稱皆以父兄見居重位
不得令中選詔令翰林學士承旨戶部侍郎常琮重考覆勅曰彥卿
等所試文字並合度程可放及第有司考試祇在至公如涉請託自
有朝典今後但依常例放榜不得別有奏聞帝雅好儒士留心貢舉
有時微行人間採聽輿論以觀選士之得失每山池曲宴學士詩什
屬和公卿出鎮亦賦詩餞行凡對臣察肅然拱揖鮮有輕易之言大
臣或獻章疏即燒香盟手而覽之當時以大中之政有貞觀之風焉
又勅目今進士放榜後杏園任依舊宴集有司不得禁制武宗好巡遊
故曲江亭禁人宴聚以也閏三月勅會昌季年併省寺宇雖云異方
之教無損致理之源中國之人久行其道肇革過當事體未弘其靈
山勝境天下州府應會昌五年四月所廢寺宇有宿舊名僧復能修
創一任住持所司不得禁止四月積慶太后蕭氏崩謚曰貞獻文

母也六月以義成軍節度使周墀為兵部侍郎判度支冊點
子為英武誠明可汗命鴻臚卿李業入蕃冊拜以金紫光祿大夫
太子少保分司東都上柱國奇章郡開國公食邑二千戶牛僧孺
太子太師銀青光祿大夫行太子賓客上柱國隴西郡開國公食邑
二千戶李彥佐為太子太保並依前分司以左諫議大夫庾簡休為
號州刺史以正議大夫行尚書考功郎中知制誥上柱國崔瑒為中
書舍人以中散大夫前朔州刺史彭陽縣開國男食邑三百戶令狐
絢行尚書考功郎中知制誥秋七月制以正議大夫尚書戶部侍郎知
制誥翰林學士承旨柱國賜紫金魚袋常琮以本官同中書門下平
章事以太子少保分司東都衛國公李德裕為人所訟貶潮州司馬
八月工部尚書中書侍郎平章事盧商出為鄂岳觀
軍軍奏修百福殿成名其殿曰雍和殿樓曰親親樓凡廊舍
屋宇七百間以會諸王子孫九月前永寧縣尉吳汝納詣闕稱寃言
弟湘會昌四年任揚州江都縣尉被節度使李紳誣奏湘賊罪宰相李

德裕曲情附紳斷臣弟湘致死詔下御史臺鞠按

三年春正月壬戌宰臣率文武百寮上徽號曰聖敬文思和武光孝
皇帝御宣政殿受冊訖宣德音神策軍修左銀臺門樓屋宇及南向
城隍至處武樓二月制劔南西川節度光祿大夫檢校吏部尚書同
平章事成都尹上柱國隴西郡開國公食邑二千戶李回責授湖南
觀察使桂州刺史御史中丞鄭亞責授管防禦觀察使循州刺史前
淮南觀察判官魏錡貶吉州司戶陸渾縣令元壽貶韶州司戶殿中
侍御史蔡京貶澧州司馬御史臺奏據三司推勘吳湘獄謹具逐人
罪狀如後揚州都虞候盧行立劉群於會昌二年五月十四日於阿
顏家塾酒與阿顏母阿焦同坐群自擬收阿顏為妻妄稱監軍使處
分要阿顏進奉不得嫁人兼擅令人監守其阿焦遂與江都縣尉吳
相密約保阿顏與湘劉群與押軍牙官李克勳即時遮欄不得乃令
江都百姓論湘取受節度使李紳追湘下獄計賊處死具獄具聞朝
廷疑其冤差御史崔元藻往揚州按問據湘雖有取受罪不至死李

裕黨附李紳乃貶元藻嶺南取淮南元申文案斷湘處死今據三
司使追崔元藻及淮南元推判官魏錡并關連人款狀淮南都虞候
劉群元推判官魏錡典孫貞高利錢倚黃嵩江都縣典沈頌臣宰節
度押牙白涉鎮遏使傅義左都虞候盧行立天長縣令張弘思典張
未清陳廻右廂子巡李行璠典金弘舉送吳湘妻女至澧州取受
錢物人潘宰前揚府錄事參軍李公佐元推官元壽吳珙翁恭太子
少保分司李德裕西川節度使李回桂管觀察使鄭亞等伏候勅旨
其月勅李回鄭亞元壽魏錡已從別勅處分李紳起此冤訴本由不
真今既身歿無以加刑粗塞衆情量行削奪宜追奪三任官告送刑
部注毀其子孫籍於經義罰不及嗣並釋放李德裕先朝委以重權
不令絕其遺庶致使冤苦直到于今職爾之由能無恨歎昨以李威
所訐已經遠照俯全事體特為從寬宜准去年勅令處分張弘思李
公佐卑吏守官制不由已不能守正曲附權臣各削兩任官崔元藻
曾受無辜之貶合從洗雪之條委中書門下商量處分李恪詳驗按

狀書等長深以其多時須議域等委京兆府決脊杖十五配流天德
克勳欲收阿顏決脊杖二十配流硤州劉群據其款狀合議痛刑
効職官不欲決脊杖五十配流岳州其盧行立及諸典吏委
三司使量罪科放訖聞奏三月己酉兵部侍郎判度支周墀本官平
章事以禮部尚書呂頌鐵轉運使馬植本官同平章事日本國王子
入朝貢方物王子善基帝令待詔顧師言與之對手五月己未日有
蝕之六月己丑太皇太后郭氏崩謚曰懿安憲宗妃穆宗之母也口
部侍郎兼御史大夫判度支崔龜從奏應諸司場院官請却官本錢
後或有欺隱欠負徵理湏足不得苟從思蕩以求放免今後凡隱
欠負請如官典犯贓例處分縱逢恩赦不在免限從之七月戊午以
前山南西道節度使高元裕為吏部尚書八月戊子朝散大夫中書
舍人充翰林學士上柱國平陰縣開國男食實封三百戶賜紫金魚
袋畢誠為刑部侍郎九月勅比有無良之人於街市投匿名文書及
於箭上或旗幡上縱為奸言以亂國法此後所由勅如捉搦如獲此

色便仰焚瘞不得上聞十一月兵部侍郎判戶部事魏扶奏天下州
府錢物斛斗文簿並委錄事參軍專判仍與長史通判至交代時具
數申奏如無懸欠量與減選注擬勅路隨等所修憲宗實錄舊本却
仰施行其會昌新修者仰並進納如有抄錄得勅到並納史館不得
輒留委州府嚴加搜捕以戶部侍郎判度支崔龜從本官同平章事
銀青光祿大夫門下侍郎兼禮部尚書同平章事常琮為太子詹事
分司東都三年春正月丙寅涇原節度使康季榮奏吐蕃宰相論恐
熱以秦原安樂三州及石門等七關之兵民歸國詔太僕卿陸耽往
喻旨仍令靈武節度使朱叔明邠寧節度使張景緒各出本道兵馬
庶接其來以太常卿封敖檢校兵部尚書為興元尹山南西道節度
使二月乙卯勅待詔官宜令與刑法官諫官次對銀青光祿大夫中
書侍郎同平章事監修國史上柱國汝南縣開國子食邑五百戶周
墀檢校刑部尚書梓州刺史充劔南東川節度使四月以正議大夫
守中書侍郎同平章事集賢殿大學士賜紫金魚袋馬植為太子賓

客分司東都以正議大夫守御史大夫上柱國博陵縣開國子食邑五百戶賜紫金魚袋崔鉉可中書侍郎平章事上議大夫行兵部侍郎判戶部事上柱國鉅鹿縣開國男食邑五百戶賜紫金魚袋魏扶可本官平章事五月幽州節度使檢校司徒平章事張仲武卒二軍以其子直方知留後事六月癸未五色雲見于京師勅先經流貶罪人不幸歿於貶所有情非惡逆任經刑部陳牒許令歸葬絕遠之處仍量事官給棺槨康奉榮奏收復原州石門驛威木峽制勝六盤石峽等六關訖邠寧張君緒奏今日十三日收復蕭關御史臺奏義成軍節度使肅讓於懷真坊侵街造屋九間已令毀拆訖勅於蕭關置武州改長樂為威州七月三州七關軍人百姓皆河隴遺黎數千人見於關下上御延喜門撫慰令其解辦賜之冠帶共賜絹十五萬疋八月鳳翔節度使李毗奏收復秦州制曰自昔皇王之有國也曷嘗不文以守成武以集事參諸二柄歸乎大寧朕猗荷丕圖思弘景運憂勤庶政四載于茲每念河湟土疆縣巨遐隔自天寶末犬戎乘我多難

無乃禦茲遂縱腥羶不止京邑事更十葉時近百年進士試能靡不竭其長策朝廷下議皆亦聽其直詞盡以不生邊事為永圖且守地為明理存苒於是收復無由今者天地儲祥祖宗垂佑左衽輸款邊壘連降刷耻建功所謀必剋實樞衡妙算將帥雄稜副玄元不爭之文絕漢武遠征之悔甌脫頓空於內地斥堠全據於新封莫大之休指期而就况將士等擲沐風雨暴露郊原披荆棘而刁斗夜嚴逐豺狼而穹廬曉破動皆如意古無與京念此誠勤宜加寵賞涇原宜賜絹六萬疋靈武五萬疋鳳翔邠寧各四萬疋並以戶部產業物色充仍待季榮叔明李毗君緒各迴戈到鎮度支差脚支送四道立功將士各具名銜聞奏當議甄酬其秦威原三州及七關側近訪聞田土肥沃水草豐美如百姓能耕墾種蒔五年內不加稅賦五年已後重定戶籍便任為永業溫池鹽利可贍邊陲委度支制置聞奏鳳翔邠寧靈武涇原守鎮將士如能於本戍處耕墾營田即度支給賜牛糧子種每年量得斛斗便充軍糧亦不限約定數三州七關鎮守官健

每人給衣糧兩分一分依常年例支給一分度支加給仍二年一替換其家口委長吏切加安存官健有莊田戶籍者仰州縣放免差役秦州至隴州已來道路要置堡柵與秦州應接委李玘與劉臯即便計度聞奏如商旅往來官健父兄子弟通傳家信關司並不得邀詰阻滯三州七關刺史關使將來訓練捍防有效能者並與超序官爵劔南西川沿邊沒蕃州郡如力能收復本道亦宜接借三州七關創置戍卒且要務靜如蕃人求市切不得通有來投降者申取長吏處分嗚呼七關要害三郡膏腴候館之殘趾可尋唐人之遺風尚在追懷往事良用興嗟夫取不在廣貴保其金湯得必有時詎計於遲速今則便務修築不進干戈必使足食足兵有備無患載洽亭育之道示致生靈之安中外臣寮宜體朕意九月辛亥西川節度使杜悰奏收復維州制曰朕祇荷丕業思平泰階將分邪正之源冀使華夷皆悅其有常登元輔久奉武宗深苞禍心盜弄國柄雖已行譴斥之典未聞德光之言是議再舉朝章式遵憲守潮州司馬員外置

員外德裕早藉門地叨踐清華累居將相之榮唯以姦傾為業當會昌之際極公台之榮驕諛佞而得君遂恣橫而持政專權生事妬賢害忠動多詭異之謀潛懷僭越之志秉直者必棄向善者盡排誣貞良造朋黨之名肆讒構生加諸之豐計有踰於指鹿罪實見其欺天屬者方處鈞衡曾無嫌避委國史於愛壻之手寵祕文於弱子之身洎參信書亦引親昵恭惟元和寶錄乃不刊之書擅敢改張罔有畏忌奪他人之懿績為私門之令猷又附李紳之曲情斷成吳湘之冤獄凡彼簪纓之士過其取捨之途驕居自夸狡蠹無對擢爾之髮數罪未窮載闕罔上之由益驗無君之意使天下之人重足而迹皆懼奉面而慢易在心為臣若斯於法何道於戲朕務全大體久為含雖黜降其官榮尚蓋截其醜狀而睥睨未已兢惕無聞積惡既彰公議難抑是宜移投荒服以謝萬邦中外臣寮當知予意可崖州司戶參軍所在馳驛送遺縱逢恩赦不在量移之限以起居郎庾道蔚禮部員外郎李文儒並充翰林學士十月辛巳京師地震河西天德靈

夏尤甚戍卒壓死者數千人十一月東川節度使鄭涯鳳翔節度使李毗奏修文川谷路自靈泉至白雲置十一驛下詔褒美經年為兩所壞又令封教修斜谷舊路以刑部侍郎常弼為御史中丞以職方員外郎鄭處誨兼御史知雜幽州軍亂逐其留後張直方軍人推其衝將周緜為留後十二月追謚順宗曰至德大聖大安孝皇帝憲宗曰昭文彰武大聖孝皇帝初以河湟收復百寮請加徽號帝曰河湟收復繼成先志朕欲追尊祖宗以昭功烈白敏中等對曰非臣愚昧所能及至是上御宣政殿行事及冊出俯樓日送流涕嗚咽崖州司戶參軍李德裕卒於貶所四年春正月以追尊二聖御正殿大赦天下徒流比在天德者以十年為限既遇鴻恩例減三載但使循環添換邊不闕人次第放歸人無怨苦其秦原威武諸州諸關先准格徒流人亦量與立限止於七年如要任者亦聽諸州府縣官如請工假一月已下權差諸廳判官一月已上即准勾當例其課料等據數每貫刻二百文與見判案官亦給有故意殺人者雖已傷未死已死

生意欲殺傷偶然得免並同已殺人條處分二月皇女萬壽公主出降右拾遺鄭顥以顥為銀青光祿大夫行起居郎駙馬都尉三月己卯刑部奏監臨主守應將官物私自貸使并代借人及以已物中納官司者并專知別當主掌所由有犯贓並同犯入已贓不在原赦之限從之以幽州節度副大使檢校工部尚書張直方為左金吾衛將軍四月勅法司用刑或持巧詐分律兩端遂成其罪既奸吏得計則黎庶何安自今後應書罪定刑宜直指其事不得舞文妄有援引又刑部奏准今年正月一日勅節文據會昌元年三月二十六日勅竊盜賊至一貫文處死宜委所司重詳定條目奏聞臣等檢校並請准建中三年三月二十四日勅竊盜賊滿三疋已上決殺如贓數不充量請科放從之七月丙子大理卿劉濛奏古者懸法示人欲使人從善遠罪至於不犯以致刑措准大和二年十月二十六日刑部侍郎高鉞條疏准勘節目一十一件下諸州府粉壁書於錄事參軍食堂每申奏罪人須依前件節目歲月滋久文字湮淪州縣推案多違漏節目今後

請下諸道令刻石置於會食之所使官吏起坐觀省記憶條目庶令
不紊續周詳從之八月刑部侍郎御史中丞魏謩奏諸道府百姓詰
臺訴事多差御史推劾臣恐煩勞州縣先請差度支戶部鹽鐵院官
帶憲銜者推劾又各得三司使申稱院官人數不多例專掌院務課
績不辦今諸道觀察使幕中判官少不下五六人請於其中帶憲銜
者委令推劾如累推有勞能雪冤滯御史臺闕官便令奏用從之九
月以朝請大夫檢校禮部尚書孟州刺史河陽三城節度使李拭為
太原尹北都留守河東節度等使幽州節度使周繼卒軍人立其子
將張允伸為留後十月中書侍郎平章事魏扶罷知政事十一月已
亥勅收復成維扶等三州建立已定條令制置一切合同其已配創
流人宜准秦原威武等州流例七年放還以戶部侍郎判本司事令
狐詢為兵部侍郎同平章事十二月以華州刺史周敬復為光祿大
夫檢校左散騎常侍兼洪州刺史江南西道團練觀察使賜金紫
五年春正月甲辰制皇第七子洽封懷王第八子為昭王第九子

為康王勅兩京天下州府起大中五年正月己巳後三年內
得殺牛如郊廟享祀合用者即與諸畜代二月戶部侍郎裴休充諸
道鹽鐵轉運等使四月癸卯刑部侍郎劉瑒奏據二年四月十二日已前
凡三百四十四年雜制勅計六百四十六門二千一百六十五條議
輕重名曰大中刑法統類欲行用之五月以太原尹河東節度使李
拭為鳳翔節度使李業檢校戶部尚書太原尹北都留守充河東節
度使守司空門下侍郎太原郡開國伯食邑一千戶白敏中檢校司
徒同平章事邠州刺史充鄆寧節度觀察東面招討党項等使以戶
部侍郎判戶部事魏謩本司同平章事七月宰相監修國史崔龜從
續柳芳唐曆二十二卷上之八月勅公主邑司擅行文牒恐多影庇
有紊條章今後公主除錄徵封外不得令邑司行文書牒府縣如緣公
事令邑司申宗正寺與酌事體施行汝州刺史張義潮遣兄義潭以
瓜沙伊蕭等十一州戶口來獻自河隴陷蕃百餘年至是悉復隴左
故地以義潮為瓜沙伊等州節度使九月勅條疏刺史交代須一一交割

公事與知州官方得離任准會昌元年勅刺史只禁科率由抑配人
戶至於使州公解及雜利潤天下州府皆有規制不敢違越緣未有
明勅處分多被無良人吏致使恐嚇或致言訟起今後應刺史下擔
什物及除替後資送錢物但不率斂官吏不科配百姓一任各守州
縣舊例色目支給如無公解不在資送之限若輒有率配以入已賊論
以正議大夫兵部侍郎諸道監鐵轉運使上柱國河東縣開國子裴
休守禮部尚書進階金紫以前宣歙觀察使太中大夫檢校左散騎
常侍裴詵權知兵部侍郎十月己亥京兆尹韋博奏京畿富戶為諸
軍影占苟免府縣色役或有追訴軍府紛然請准會昌三年十二月
勅諸軍使不得強奪百姓入軍從之十一月中書侍郎兼吏部尚書
平章崔龜從檢校尚書左僕射汴州刺史充宣武軍節度使沙州置
歸義軍以張義潮為節度使太子詹事姚康獻帝王政纂十卷又撰
續史二百卷上自開闢下盡隋朝帝王美政詔令制置銅鹽錢穀損
益用兵利害下至僧道是非無不備載編年為之國子祭酒馮審素

文宣王廟始太宗立之睿宗書額武后竊政之日改篆題大周二字
詰削之從之十二月盜斫景陵神門戟京兆尹韋博罰兩月俸貶宗
正卿李文舉睦州刺史陵令吳閱岳州司馬奉先令裴讓隋州司馬
是歲湖南大饑

六年春正月戊辰以隴州防禦使薛達為秦州刺史天雄軍使兼秦
成階兩州經畧使二月石衛大將軍鄭光以賜田請免租稅宰相魏
謩奏曰鄭光以國舅之親賜田可也免稅無以勸蒸民勅曰一依人
戶例供稅三月隴州刺史薛達奏修築定成關工畢四月丁酉勅常
平義倉斛斛每年檢勘實水旱災沴處錄事軍先勘人戶多少支給
先貧下戶富戶不在支給之限以禮部尚書諸道監鐵轉運等使裴
休可本官同平章事五月勅天下軍府有兵馬處宜選會兵法能弓
馬等人充教練使每年令教習時常令教習仍於其時申兵部御史
臺奏諸色刑獄有關神朝官者尚書省四品以上諸司三品已上官
宜先奏取進止如取諸色官狀即中中書取裁從之秋七月丙辰前

淮南節度使金紫光祿大夫檢校尚書左僕射兼揚州大都督府長史御史大夫上柱國贊皇郡開國公食邑一千五百戶李珣卒贈司空勅犯職人平賊據律以當時物價上絹估請取所犯之處其月內上旬時估平之從之檢校司空太子少師上柱國范陽郡開國公食邑二千戶盧鈞可太原尹北都留守河東節度使九月勅起居郎轉官月限宜以二十箇月

七年春正月壬辰金紫光祿大夫守太子少傅分司上柱國晉陵郡開國公食邑二千戶歸融卒贈右僕射宗正卿李文舉貶睦州刺史四月以御史大夫鄭朗為中書侍郎同平章事五月左衛率府倉曹張戣集律令格式條件相類一千二百五十條分一百二十一門號曰刑法統類上之七月以正議大夫尚書左丞上柱國賜紫金魚袋崔瑛為刑部尚書以銀青光祿大夫行兵部侍郎知制誥充翰林學士蘇滌為尚書左丞權知戶部侍郎崔瑛可權知兵部侍郎十月尚書左僕射門下侍郎平章事大書宮使弘文館大學士崔鉉

要四十卷修撰官楊紹復崔瑛薛逢鄭言等賜物有差

八年春正月陝州黃河清二月南蠻進犀牛詔還之三月勅以旱詔使疏決繫囚宰相監修國史魏謩修成文宗實錄四十卷上之修史官給事中盧耽太常少卿蔣偕司勳員外郎王渢右補闕盧吉領賜銀器錦綵有差以山南東道節度使檢校戶部尚書襄州刺史上柱國酒泉縣開國子食邑三百戶李景讓為吏部尚書五月以中書舍人翰林學士韋澳為京兆尹以戶部侍郎翰林學士承旨上柱國武功縣開國子食邑三百戶蘇滌檢校兵部尚書兼江陵尹御史大夫南節度管内觀察處置等使七月銀青光祿大夫守門下侍郎同平章事魏謩兼戶部尚書八月以司農卿鄭助為檢校左散騎常侍兼州刺史御史大夫上柱國滎陽縣開國男食邑三百戶夏竦銀青光祿大夫管田觀察處置押蕃落安撫平夏覺項等使九年春正月辛巳銀青光祿大夫祕書監許昌縣開國男陳商卒工部尚書二月中書侍郎兼禮部尚書同平章事裴休檢校吏部尚

書兼汴州刺史御史大夫充宣武軍節度使汴宋毫穎觀察處置寺
使三月試宏詞舉人漏泄題目為御史臺所劾侍郎裴詵改國子祭
酒郎中周敬復罰兩月俸料考試官刑部郎中唐枝出為處州刺史
監察御史馮顥罰一月俸料其登科十人並落第其吏部東銓委右
丞盧欽權判以吏部侍郎鄭涯檢校禮部尚書兼定州刺史御史大夫
充義武軍節度易定州觀察處置北平軍等使御史臺據正月八日
禮部貢院捉到明經黃續之趙弘成全質等三人偽造堂印堂帖兼
黃續之偽着緋衫將偽帖入貢院令與舉人虞蒸胡簡党贊等三人
及第許得錢一千六百貫文據勘黃續之等罪款具招造偽所許錢
未留人手便事敗奉勅並准法處死主司以自獲姦人並放七月以
河東節度使檢校司空太原尹北都留守上柱國范陽郡開國公食
邑二千戶盧鈞守尚書右僕射 八月以門下侍郎守尚書右僕射
監修國史博陵縣開國伯食邑一千戶崔鉉檢校司空同平章事兼
揚州大都督府長史充淮南節度副大使知節度使事宣示宴餞

詩以賜之九月昭義節度使檢校禮部尚書兼潞州大都督府長史
御史大夫上柱國賜紫金魚袋鄭澣檢校刑部尚書太原尹北都留
守御史大夫充河東節度管内觀察處置等使十一月以河南尹劉
瑑檢校工部尚書汴州刺史兼御史大夫充宣武軍節度宋毫汴穎
觀察處置等使以中書舍人鄭顥為禮部侍郎

十年春正月乙巳以正議大夫華州刺史潼關防禦鎮國軍等使上
柱國隴西縣開國男食邑三百戶賜紫金魚袋李納檢校左散騎常侍
兼越州刺史御史大夫浙江東道都團練觀察等使二月中書門下
奏據禮部貢院見置科目開元禮三禮三傳三史學究道舉明算童
子等九科近年取人頗濫曾無藝藝可採徒添入仕之門酒議條疏
俾精業臣已於延英面論伏奉聖旨將文字來者其前件九科臣
等商量學起大中十年權三年後至時赴科試者令有司據所舉
人先進名令中書舍人重覆問延如有本業稍通堪備朝廷顧問即
作等第進名候勅處分如有事荒蕪不送名數者考官即議朝責其

童子近日諸道所薦送者多年齒已過僞稱童子考其所業又是常流起今日後聖令天下州府薦送童子並須實年十一十二已下仍須精熟一經問皆全通兼自能書寫者如違制條本道長吏亦議懲法從之四月癸丑以刑部郎中盧搏為廬州刺史以給事中渤海郡開國公食邑二千戶高少逸檢校禮部尚書華州刺史潼關防禦鎮國軍等使六月以兵部郎中裴夷直為蘄州刺史九月以中書舍人杜審權知禮部貢舉十月以邠寧慶節度使檢校禮部尚書邠州刺史上柱國賜紫金魚袋畢誠為檢校兵部尚書潞州大都督府長史御史大夫充昭義節度副大使知節度使潞邢洛等州觀察使桂管觀察使令狐楚卒贈禮部尚書十一年春正月以銀青光祿大夫守吏部尚書上柱國酒泉縣開國男食邑三百戶李景讓為御史大夫以朝請大夫守御史中丞兼尚書右丞上柱國賜紫金魚袋夏侯孜為戶部侍郎判戶部事以朝散大夫守京兆尹上柱國扶風縣開國男食邑三百戶賜紫金魚袋常澳檢校工部尚書孟州刺史御史大夫充

河陽三城節度孟懷澤觀察處置等使先是車駕將幸華清宮兩省官進狀論 奏詔曰朕以驪山近宮真聖廟貌未嘗修謁自謂闕然今屬陽和氣清中外事簡聽政之暇或議一行蓋崇禮敬之心非以逸遊為事雖申勅命兼慮勞人卿等職備禁闈志勤奉上援據前古列狀上童載陳懇到之詞深覩盡忠之節已允來請所奏知以鈔南西川節度副大使知節度事管内觀察處置統押近界諸蠻及西山八國雲南安撫等使特進檢校司徒同中書門下平章事兼成都尹上柱國太原郡開國公食邑二千戶白敏中以本官兼江陵尹充荆南節度管内觀察處置等使二月以夏綏銀省節度使通議大夫檢校左散騎常侍夏州刺史御史大夫上柱國榮陽縣開國男食邑三百戶賜紫金魚袋鄭勛為檢校工部尚書邠州刺史充邠寧慶節度管内觀察處置等使以荆南節度使銀青光祿大夫檢校兵部尚書兼

江陵尹御史大夫上柱國武功郡開國男食邑二千戶蘇滌為太常卿以銀青光祿大夫守門下侍郎兼戶部尚書同平章事監修國史上柱國魏謩檢校戶部尚書同平章事兼成都尹充劔南西川節度副大使知節度事以太中大夫守工部尚書上柱國賜紫金魚袋程慎由為中書侍郎同平章事以成德軍節度鎮興深趙觀察處置等使起復雲麾將軍守左金吾衛大將軍同正檢校兵部尚書鎮州大都督府長史王紹鼎為銀青光祿大夫檢校尚書右僕射餘官如故以通議大夫守中書門下侍郎兼禮部尚書同平章事集賢殿大學士上柱國賜紫金魚袋鄭朗可監修國史太中大夫守工部尚書同平章事上柱國賜紫金魚袋崔慎由可集賢院大學士三月起復朝請大夫深州刺史御史大夫兼成德軍節度判官王紹懿可檢校左散騎常侍鎮府左司馬知府事充成德軍節度副使兼充都知兵馬使以成德軍中軍兵馬使銀青光祿大夫檢校太子賓客兼監察御史上柱國王景胤可本官深州刺史本州團練守捉使檢校左散騎

常侍右神武大將軍知軍事王紹孚可落起復依前右神武大將軍紹懿紹孚鎮州王紹鼎之弟也景胤紹鼎子也以朝請大夫檢校刑部尚書華州刺史上柱國鄆縣開國男食邑三百戶賜紫金魚袋蕭倣為太子賓客分司東都四月以職方郎中知制誥裴坦為中書舍人以朝議大夫權知京兆尹崔郢為濮王傅分司東都以決殺府吏也以江西觀察使洪州刺史御史中丞上柱國賜紫金魚袋張毅夫為京兆尹以鳳翔節度使正議大夫檢校戶部尚書兼鳳翔尹上柱國襲晉國公食邑三千戶襲實封一百五十戶裴識可許州刺史充忠武軍節度陳許蔡觀察等使以吏部侍郎盧懿檢校工部尚書兼鳳翔尹御史大夫鳳翔隴右節度使以中書舍人鄭憲為洪州刺史御史中丞江南西道都團練觀察處置等使仍賜紫金魚袋以安南宣慰使右千牛衛大將軍宋涯為安南都護御史中丞本管經畧招討處置等使以幽州節度使張允伸弟允中為荊州刺史允千檀州刺史允辛安塞軍使允舉納降軍使並兼御史中丞以前邠寧節度使

朝議大夫檢校工部尚書邠州刺史上柱國賜紫金魚袋柳意可檢校禮部尚書河南尹五月以職方郎中李玄為壽州刺史六月以朔方靈武定遠等城節度使朝散大夫檢校左散騎常侍靈州大都督府長史上柱國賜紫金魚袋劉潼為鄭州刺史馳驛赴任以給邊兵糧不及時也以安南都護宋涯為容州刺史容管經畧招討處置等使制皇第三男灌封衛王第十一男濛封廣王以朝散大夫守尚書兵部侍郎判度支上柱國彭縣開國男食邑三百戶賜紫金魚袋蕭鄴本官同平章事判度支以右監門將軍知內府省事清河公崔巨淙為淮南監軍以特進檢校司空兼太子太傅分司東都上柱國扶風郃開國公食邑二千戶杜棕本官判東都尚書省兼御史大夫兼東都留守東畿汝都防禦使七月以飛龍使官關局令王歸長守內侍省內常侍知省事充內樞密使責授邠州員外司馬張直方為右驍衛大將軍八月以成德軍節度使檢校尚書右僕射王紹鼎卒贈司空贈布帛三百段以皇三子昭王洵為開府儀同三司守鎮州大都督府

長史成德軍節度鎮興深趙觀察等大使以成德軍節度副使都知兵馬使左司馬知府事御史中丞王紹懿為成德軍副使留後以義武軍節度易定觀察等使檢校禮部尚書定州刺史上柱國榮陽縣開國男食邑三百戶鄭涯檢校戶部尚書汴州刺史上柱國充宣武軍節度副大使知節度事宋毫觀察亳州大清真宮寺使以四鎮北庭行軍涇原渭武節度使銀青光祿大夫檢校右散騎常侍涇州刺史御史大夫上柱國范陽縣開國男食邑二百戶盧簡求可檢校工部尚書定州刺史義武節度使易定觀察北都天平軍等使以益州防禦押蕃落諸軍防秋都知兵馬使度支烏池推稅等使檢校右散騎常侍益州刺史上柱國賜紫金魚袋陸耽代簡求為涇原節度使以翰林學士朝散大夫中書舍人賜紫金魚袋曹確權知河南尹汝州防禦使令狐緒有善政郡人詣闕請立德政碑頌緒以第緡在中書上表乞寢從之以太常卿蘇滌為兵部尚書權知吏部銓事以銀青光祿大夫守散騎常侍上柱國渤海郡開國伯食邑七百戶封敖為太常

卿是月癸亥犯東井九月以秦州刺史李承勛為朝散大夫檢校工部尚書涇州刺史克四鎮北庭涇原渭武節度等使以禮部郎中楊知溫充翰林學士以中散大夫尚書禮部侍郎上柱國賜紫金魚袋杜審權為陝州大都督府長史兼御史大夫陝虢都防禦觀察處置等使以銀青光祿大夫檢校司空兼太子太師上柱國范陽郡開國公食邑二千戶盧鈞為檢校司空同中書門下平章事與元尹克山南西道節度等使右補闕陳嘏左拾遺王譜右拾遺薛廷傑上疏諫遣中使往羅浮山迎軒轅先生詔曰朕以萬機事繁躬親庶務訪聞羅浮山處士軒轅集善能攝生年齡亦壽乃遣使迎之或異有少保理也朕每觀前史見秦皇漢武為方士所惑常以之為誡卿等位當論列職在諫司閱示來章深納誠意仍謂崔慎由曰為吾言於諫官雖少翁樂大復生不能相惑如聞軒轅生高士欲與之一言耳宰相鄭朗累月請告三章求免是月乙未慧出於房初度長二尺十月制通議大夫守中書侍郎禮部尚書同平章事監修國史上柱國賜紫金魚

袋鄭朗可檢校尚書右僕射兼太子少保以山南西道節度使中散大夫檢校禮部尚書與元尹上柱國賜紫金魚袋蔣係權知刑部尚書宰相崔慎由兼修國史蕭鄴兼集賢殿大學士以華州刺史高少逸為左散騎常侍以蘇州刺史裴夷直為華州刺史潼關防禦鎮國軍等使以太常少卿崔鈞為蘇州刺史入迴鶻冊禮使衛尉少卿王端軍貶賀州司馬副使國子禮記博士李濤為郴州司馬判官河南府士曹李寂永州司馬端章等出塞黑車子阻路而迴故也以成德軍觀察留後御史中丞賜紫金魚袋王紹懿檢校工部尚書兼鎮州大都督府長史御史大夫克成德軍節度鎮冀深趙觀察等使以中書舍人李藩權知禮部貢院十一月太子少師鄭朗卒贈司空銀青光祿大夫檢校尚書左僕射兼太子太保克右羽林將軍御史大夫上柱國榮陽縣開國男食邑三百戶鄭光卒輟朝三日贈司徒仍令百官奉慰上之元舅也宰相崔慎由為中書侍郎兼禮部尚書尚書蕭鄴兼工部尚書餘並如故十二月以昭義軍節度使朝議大夫檢校

工部尚書上柱國平陰縣開國男食邑三百戶畢誠為太原尹北都留守河東節度使朝議大夫檢校禮部尚書兼太右尹比都留守上柱國賜紫金魚袋劉瑒為尚書戶部侍郎判度支以翰林學士承旨通議大夫守尚書戶部侍郎知制誥上護軍賜紫金魚袋蔣伸為兵部侍郎充職以金紫光祿大夫守太子少保分司東都上柱國河東縣開國男食邑五百戶裴休檢校戶部尚書兼潞州大都督府長史昭表軍節度副大使知節度事路磁邢洛觀察等使以正議大夫行尚書兵部侍郎上柱國河東縣開國男食邑三百戶賜紫金魚袋柳仲郢本官兼御史大夫充諸道鹽鐵轉運使以正議大夫檢校戶部尚書兼太子賓客上柱國賜紫金魚袋孔溫業本管分司東都以病請告故也禮部郎中楊知溫本官知制誥充翰林學士以幽州中軍使檢校國子祭酒幽府左司馬知府事御史中丞張簡真檢校右散騎常侍允伸之子也以中散大夫權知刑部尚書上柱國賜紫金魚袋蔣係檢校戶部尚書鳳翔尹御史大夫鳳翔隴右節度觀察處置

等使是歲舒州吳塘堰有衆禽成巢闊七尺高七丈而水禽山鳥鷹隼鷲雀之類無不馴狎又有鳥人面綠毛爪喙皆紺色其聲曰其人呼為甘蟲

十二年春正月以晉陽令鄭液為通議郎刺史羅浮山人軒轅集至京師上召入禁中謂曰先生遐壽而長生可致乎曰徹聲色去滋味哀樂如一德施周給自然與天地合德三月齊明何必別求長生也留之月餘堅求還山三月以前鄉貢進士千瑛為秘書省校書郎尋尚皇女廣德公主改銀青光祿大夫守右拾遺駙馬都尉以安南本管經畧招討處置使朝散大夫檢校左散騎常侍安南都護御史大夫賜紫金魚袋李弘甫為宗正卿以中大夫守京兆尹上柱國賜紫金魚袋張毅為鄂州刺史御史大夫鄂岳蘄黃申等州都團練觀察使以太中大夫福州刺史御史中丞上柱國賜紫金魚袋揚發檢校右散騎常侍廣州刺史御史大夫充嶺南東道節度觀察處置等使以朝散大夫守康王傅分司東都上柱國襲魏郡開國公食邑二千戶賜

紫金魚袋王式為安南都護兼御史中丞充安南本管經畧招討處
置等使以朝請大夫前守太子賓客分司東都上柱國鄭縣開國男
食邑三百戶賜紫金魚袋蕭儼守太子少保分司以朝請大夫檢校
左散騎常侍右金吾大將軍充右街使上柱國襲太原郡開國公食
邑二千戶賜紫金魚袋王鎮為檢校左散騎常侍使持節都督福州
諸軍事兼福州刺史御史大夫充福建等州都團練觀察處置等使
以翰林學士朝議郎守尚書司勳郎中知制誥賜緋魚袋孔溫裕為
中書舍人充職以右驍衛上將軍李正源守大內皇城留守以朝議
大夫守尚書戶部侍郎判度文上柱國賜紫金魚袋劉瑒本官同平
章事依前判度支以太中大夫守中書侍郎兼禮部尚書同平章事
監修國史上柱國賜紫金魚袋崔慎由檢校禮部尚書梓州刺史御
史大夫劍南東川節度副大使知節度事代常有翼以有翼為吏部
侍郎二月以前邕管經畧招討處置使朝議郎邕州刺史御史中丞
賜紫金魚袋段文楚為昭武校尉右金吾衛將軍以朝議郎守中書

舍人權知禮部貢舉上柱國賜緋魚袋李藩為尚書戶部侍郎以朝
散大夫守工部尚書同平章事充集賢殿大學士上柱國彭城縣開
國男食邑三百戶賜紫金魚袋蕭鄴為監脩國史以朝議大夫守戶
部侍郎同平章事充度支上柱國賜紫金魚袋劉瑒可充集賢院學
士以渤海國王弟權知國務疑處晃為銀青光祿大夫檢校秘書監
忽汗州都督田為渤海國王以兵部侍郎柳仲郢為刑部尚書以朝
議大夫守尚書戶部侍郎判戶部事上柱國賜紫金魚袋夏侯孜為
兵部侍郎充諸道鹽鐵轉運使以朝請大夫權知刑部侍郎賜紫金
魚袋杜勝為戶部侍郎判戶部事以光祿大夫守左衛軍衛大將軍
分司東都上柱國會稽縣開國公食邑一千五百戶康季榮可檢校
尚書右僕射兼左衛上將軍分司貶前利州刺史杜舍為賀州司戶
常州刺史李叢邵州司馬以工部郎中知制誥于德孫庫部郎中知
制誥苗恪並可中書舍人依前翰林李士以前右金吾衛將軍鄭
璋前鴻臚少卿鄭漢卿並起復授本官國舅光之子也以銀青光祿

夫行給事中駙馬都尉衛洙為工部侍郎前濮王傅分司皇甫權在
康王傅分司以庫部員外郎史館修撰李渙為長安令閏二月以司
農少卿盧籍為代州刺史前江陵少尹杜暉為司農少卿以河東正
步都虞候段威為朔州刺史充天寧軍使兼吳唐軍沙陀三部落
遏都知兵馬使五月以兵部侍郎塩鐵轉運使夏侯孜本官同平
事六月南蠻攻安南府八月洪州賊毛合宣州賊康全大攻掠郡縣
詔兩浙兵討平之十二月太子少保魏謩卒贈司徒

十三年春正月以號陝觀察使杜審權為戶部侍郎判戶部事三
宰相盧欽罷知政事守吏部尚書四月以翰林李士承旨兵部侍郎
知制誥蔣伸本官同平章事五月上不豫月餘不能視朝八月七日
宣遺詔立鄆王為皇太子勾當軍國事是日崩于大明宮壽五十
詔門下侍郎平章事令狐綯攝冢宰群臣上謚曰聖武獻文孝皇帝
廟號宣宗十四年二月葬於貞陵

史臣曰臣嘗聞黎老言大中故事獻文皇帝器識深遠久歷艱難

知人間疾苦自寶曆已來中人擅權事多假借京師豪右大擾窮民
洎大中臨馭一之日權豪歛迹二之日姦臣畏法三之日閹寺蠶氣
中是刑政不濫賢能效用百揆四獄穆若清風十餘年間頌聲載路
上宮中衣澣濯之衣常膳不過數器非母后侑膳輒不舉樂歲或小
饑憂形於色雖左右近習未嘗見怠惰之容與群臣言儼然煦接如
待賓等或有所陳聞虛襟聽納舊時人主所行黃門先以龍腦盥金
藉地上悉命去之宮人有疾醫視之既瘳即袖金賜之誠曰勿令勅
使知謂予私於侍者其恭儉好善如此季年風毒召羅浮山人軒轅
集訪以治國治身之要其伎術詭異之道未嘗措言集亦有道之士
也十三年春堅求還山上曰先生少留一年候於羅浮山別創道館集
無留意上曰先生捨我亟去國有災乎朕有天下竟得幾年集取筆
寫四十字而十字挑上乃十四年也與替有數其若是乎而帝道皇
獻終無缺雖漢文景不足過也惜乎簡籍遺落舊事十無三四吃
墨揮翰有所慊然

贊曰季之英王實惟獻文粗裨盡去淑慝斯分河隴歸地朔漠消氛
到今遺老謠詠明君

唐書本紀卷第十八下

唐書本紀卷第十九上

懿宗

劉 昫 等修
聞人詮校刻沈桐同校

懿宗昭聖恭惠孝皇帝諱漼宣宗長子母曰元昭皇太后晁氏大和
七年十一月十四日生於藩邸會昌六年十月封鄆王本名溫大中
十三年八月七日宣遺詔立為皇太子監國改今名十三日遷前即
帝位年二十七帝姿貌雄傑有異稠人藩邸時常經重疾郭淑妃侍
醫藥見黃龍出入於卧內既間妃以異告帝曰慎勿復言又嘗大雷
數尺而帝寢室之上獨無人皆異之宣宗制泰邊陲樂曲詞有海晏
咸通之句又大中末京城小兒疊布漬水紐之向日謂之拔暈帝果
以鄆王即大位以咸通為年號九月釋服追尊母后晁氏為太后諡
曰元昭十月癸未制以門下侍郎守左僕射同平章事令狐綯守司
空門下侍郎兵部尚書同平章事蕭鄴兼尚書右僕射中書侍郎禮

部尚書平章事夏侯兼兵部尚書中書侍郎平章事蔣伸兼工部尚書並依前知政事又以兵部侍郎鄭顥為河南尹以昭義軍節度潞邢磁洛觀察等使光祿大夫檢校吏部尚書兼潞州大都督府長史上柱國河東縣開國子食邑五百戶裴休為太原尹北都留守河東節度管内觀察處置等使以河中節度使檢校尚書左僕射畢誠為滑州刺史充宣武軍節度宋毫觀察等使以中書舍人裴坦權知禮部貢舉十二月以戶部侍郎翰林學士杜審權為檢校禮部尚書河中晉絳節度等使咸通元年春正月上御紫宸殿受朝對室肅使二月葬宣宗皇帝於真陵以右拾遺劉鄩充翰林學士以河中節度使杜審權為兵部侍郎判度支尋以本官同平章事以門下侍郎守司徒同平章事令狐綯檢校司徒同平章事出鎮河中尚書左僕射諸道塩鐵轉運使杜悰同平章事浙東觀察使王式斬草賊仇甫浙東郡邑皆平八月以河東節度使裴休為鳳翔尹鳳翔隴右節度使以鳳翔隴右節度使銀青光祿大夫檢校刑部尚書盧簡求為太原

尹北都留守河東節度使十一月丙午朔丁未上有事於郊廟禮畢御丹鳳門大赦改元以中書舍人薛耽權知貢舉

二年春二月吏部尚書蕭鄴檢校尚書右僕射太原尹北都留守河東節度觀察等使鄭滑節度使檢校工部尚書李福奏屬郡潁州去年夏大雨沉丘汝陰潁上等縣平地水深一丈田稼屋宇淹沒皆盡乞蠲租賦從之以中書侍郎兼工部尚書蔣伸兼刑部尚書右僕射門下侍郎杜悰為左僕射依前知政事四月以前夔州刺史裴閱為潁州刺史充本州團練鎮遏等使以駕部郎中王鐸本官知制誥八月以中書舍人衛洙為工部侍郎尋改銀青光祿大夫檢校禮部尚書兼滑州刺史御史大夫駙馬都尉充義成軍節度鄭滑潁觀察處置等使洙奏狀稱蒙恩除授滑州刺史官號內一字與臣家語音同雖文字有殊而聲韻難別請改授閑官者勅曰嫌名不諱者在禮文成命已行固難依允以兵部侍郎曹確判度支以兵部員外郎判度遠司勳員外郎穆仁裕試吏部宏詞選人九月以前兵部侍郎判度

支畢誠為工部尚書同平章事將仲罷知政事林邑蠻寇安南府遣
神策將軍康承訓率禁軍及江西湖南之兵赴援

三年春正月左僕射門下侍郎平章事杜悰率百寮上徽號曰睿文
明聖孝德皇帝五月勅嶺南分為五管誠已多年居常之時同資禦
捍在事之際要別改張邕州西接南蠻深據黃洞控兩江之犢俗居
數道之游民比以委人太輕軍威不振境連內地不並海南宜分嶺
南為東西道節度觀察處置等使以廣州為嶺南東道邕州為嶺南
西道別擇良吏付以節旄其所管八州俗無耕桑地極邊遠近罹盜
擾尤甚周殘將盛藩垣宜添州縣宜割桂州管内襲州象州容州管
內藤州巖州並隸嶺南西道收管宰臣杜悰兼司空畢誠兼兵部尚
書駕部郎中知制誥王鐸為中書舍人以邕管經畧使鄭元為廣州
刺史充嶺南東道節度觀察處置等使將軍宋戎為嶺南西道節度
使夏淮南河南蝗旱民饑南蠻陷交趾徵諸道兵赴嶺南詔胡南水
運自湘江入潯淙西造地焚弔以饋行營相離并運功役艱難軍屯

廣州乏食潤州人陳碯石請闕上書言江西湖南沂流運糧不濟軍
師士卒食盡則散此宜深慮臣有奇計以饋南軍天子召見碯石因
奏臣第聽思曾任雷州刺史家人隨海船至福建往來大船一隻可
致千石自福建裝船不一月至廣州得船數十艘便可致三萬石至
廣府矣又引劉裕海路進軍破盧循故事執政是之以碯石為鹽鐵
巡官往揚子院專督海運於是康承訓之軍皆不闕供七月徐州軍
亂以浙東觀察使王式檢校工部尚書徐州刺史御史大夫武寧軍
節度徐泗濠觀察等使初王智興得徐州召募兗豪之卒二千人號
曰銀刀鷓鴣旗門槍挾馬等軍番宿衙城自後復驕節度使姑息不暇
田年鎮徐日每與驕卒雜坐酒酣撫背時把板為之唱歌其徒日費
萬計每有宿宴必先獸食飲酒補寒暑者雨厄酒盈前然猶誼諫邀求動
其心前年壽州刺史温璋為節度使驕卒素知璋嚴酷深負憂憤
璋因懷撫諭終為猜貳給與酒食未嘗瀝口不期月而逐璋璋是以式
代璋時式以忠義成之師三千平定仇甫便詔式率二鎮之師渡

淮徐卒聞之懼其勢無如之何至大彭館方來迎謁居三日犒勞兩鎮兵令還既擐甲執兵即命環駘卒殺之徐卒三千餘人是日盡誅繇是克徒悉殄九月以戶部侍郎李晦檢校工部尚書兼興元尹山南西道節度使十一月遣將軍蔡襲率禁軍三千會諸道之師赴援安南以吏部侍郎鄭處誨蕭倣吏部員外郎楊儼戶部員外郎崔彥昭等試宏詞選人十二月以吏部侍郎蕭倣權知禮部貢舉

四年春正月甲子朔庚午上有事于圓丘禮畢御丹鳳樓大赦中外官宜准建中元年勅授官後三日舉一人自代州牧令錄上佐官在任須終三考河東節度使檢校刑部尚書盧簡方以病求罷詔以太子少師致仕歸東都以昭義節度使檢校禮部尚書上柱國賜紫金魚袋劉潼為太原尹北都留守御史大夫充河東節度觀察處置等使二月以左散騎常侍李荀檢校工部尚書滑州刺史義成軍節度鄭滑觀察等使三月以兵部侍郎判度支楊收本官同平章事以刑部侍郎曹汾為河南尹以戶部侍郎李嶺檢校禮部尚書潞州大都

督府長史充昭義節度觀察處置等使四月勅徐州罷防禦使為支都隸兖州七月制安南寇賊之初流人多寄溪洞其安南將吏官健走至海門者人數不少宜令宋式李良瑱察訪人數量事救卹安南管內被蠻賊驅劫處本戶兩稅丁錢等量放二年候收復後別有指揮其安南溪洞首領素推誠節雖蠻寇竊據城壁而酋豪各守土疆如聞溪洞之間悉藉嶺北茶藥宜令諸道一任商人興販不得禁止往來廬州珠池與人共利近聞本道禁斷遂絕通商宜令本州任百姓採取不得止約其徐州銀刀官健其中先有逃竄者累降勅旨令捕逐其今年四月十八日草賊頭首已抵極法其餘徒黨各自安勿捕逐是月東都許汝徐泗等州大水傷稼初大中末安南諸軍並令抽退分保

拾遺劉珍起居郎張雲上疏論高父緇秉權之日廣納賂遺父李琛

賄除安南致生蠻寇瀆不宜居諫諍之列時綯在淮南上表論訴乃
貶雲興元少尹蛇華陰令瀆改詹事司直以中書舍人王鐸權知禮
部貢舉以兵部侍郎判度支曹確同平章事以中書侍郎平章事
誠檢校吏部尚書河中尹晉絳慈隰節度使就加幽州張乂伸檢校
司徒以兵部侍郎高瓚本官同平章事以戶部侍郎裴寅判本司事
五年春正月戊午朔以用兵罷元會諫議大夫裴坦上疏論天下徵
兵財賦方匱不宜過興佛寺以困國力優詔答之二月以兵部尚書
牛叢檢校兵部尚書兼成都尹劍南西川節度副大使知節度事徐
州處置觀察防禦使以門下侍郎兵部尚書平章事杜審權為潤州
刺史浙江西道節度使三月以兵部郎中高湜員外子懷試吏部平
判選人四月右僕射平章事夏侯增爵五百戶以中書舍人王鐸
為禮部侍郎以晉州刺史孟球檢校工部尚書兼徐州刺史南蠻寇
管管以秦州經畧使高駢率禁軍五千赴邕管會諸道之師禦之五
月丁酉制朕以寡昧獲承高祖太宗之丕構六載於茲矣罔暇遊是

娛罔聲色具縱罔刑戮是濫罔邪佞是惑夙夜悚惕以憂以勤庶幾
乎八表用唐兆人以泰而西戎款附北狄懷柔獨惟南蠻寇宄不率
侵陷交趾空八犯朗寧爰及嶺州亦用攘寇勞我士卒興吾甲兵騷動
黎元役力飛輓每一軫念閔然疚懷顧惟生人惟此愁苦宜布自天
之澤俾垂及物之仁如聞湖南桂州是嶺路係口諸道兵馬經運無
不經過頓遞供承動多差配凋傷轉甚宜有特恩潭桂兩道各賜錢
三萬貫文以助軍錢亦以充館驛息利本錢其江陵江西鄂州三道
比於潭桂徑配稍簡宜令本道觀察使詳其間劇准此例與本錢
置州已西黎嶺界內昨因蠻寇互有殺傷宜令本道收拾埋瘞量設
祭醮徐州士風雄勁甲士精強比以制馭乖方頻致騷擾近者再置
額却領四州勞逸既均人心甚泰但聞比因罷節之日或有被罪奔
逃雖朝廷頻下詔書並令一切不問猶恐尚懷疑懼未委招携結聚
山林終成誑誤况邊方未靜深藉人才宜令徐泗團練使選擇召募
官健三千人赴邕管防戍待嶺外事寧之後即與替代歸還仍令每

召滿五百人即差軍將押送其糧料賞給所司準例處分淮南兩浙海運虜隔舟船訪聞商徒失業頗甚所由縱捨為弊實深亦有搬貨財委於水次無人看守多至散亡嗟怨之聲盈於道路宜令三道據所搬米石數牒報所在鹽鐵巡院令和雇入海舸船分付所司通計載米數足外輒不更有隔奪妄稱貯備其小舸短船到江口使司自有船不在更取商人舟舸之限如官吏妄行威福必議痛刑於戲萬方靡安寧忘於罪已百姓不足敢怠於責躬用伸欽恤之懷式表憂勤之肯壬寅制以中書侍郎平章事揚收為門下侍郎兼刑部尚書以中書侍郎平章事曹確兼工部尚書兵部侍郎平章事高瓌為中書侍郎知政事餘並如故秋七月壬子延資庫使夏侯孜奏鹽鐵戶部生積欠當使咸通四年已前延資庫錢絹二百六十九萬餘貫匹內戶部每年合送錢二十六萬四千一百八十貫匹從大中十二年至咸通四年九月已前除納外欠一百五十萬五千七百一十四萬貫匹當使緣戶部積欠數多先具申奏請於諸道州府場監院合納

戶部所收八十文除陌錢內割一十五文屬當使自收管勅命雖行送納稽緩今得戶部迭稱所收管除陌錢絹外更有諸雜物貨延資庫徵收不便請起今年合納延資庫錢絹一時便足其已前積欠候物力稍充積漸填納其所割一十五文錢即當司仍舊收管又緣累歲以來嶺南用兵多支戶部錢物當使不欲堅論舊欠請依戶部商量合納今年一年額色錢絹湏足明年即依舊制三月九月兩限送納畢其以前積欠仍令戶部自立填納期限者勅旨依之十月丙辰以中書舍人李蔚權知禮部貢舉十一月乙酉以大同軍防禦使盧簡方檢校工部尚書滄州刺史御史大夫克義昌軍節度滄濟德觀察等使乙未以兵部侍郎蕭實本官同中書門下平章事六年正月癸未朔丁亥制以河東節度使檢校刑部尚書孔勣為鄆州刺史天平軍節度鄆曹棣觀察處置等使二月制以御史中丞徐商為兵部侍郎同平章事高瓌罷知政事以吏部尚書崔元暉為部侍郎鄭從謹吏部侍郎王鐸兵部員外郎崔瑾張彥遠等考功詞

選人金部員外郎張又思大理少卿董贇試拔萃選人以給事中楊
巖為工部侍郎尋召為翰林學士四月西川節度使牛勣奏於蠻界
築新城安城遏戎州功畢時南詔蠻入寇姚雋陳許大將顏俊茂
州新築二城其年秋六姓蠻攻遏戎州為復所敗退去兵部侍郎平
章事徐商蕭實轉中書侍郎知政事五月以左丞相楊知溫為河南
尹以神策大將軍馬舉為秦州經畧招討使以右金吾大將軍李晏
元為夏州刺史朔方節度等使安南都護高駢奏於邕管大敗林巴
蠻七月以右衛大將軍薛綰檢校工部尚書徐州刺史充徐泗團練
觀察防禦等使九月以中書舍人趙騭權知禮部貢舉以吏部侍郎
蕭倣檢校禮部尚書滑州刺史御史大夫充義成軍節度鄭滑潁觀
察等使十二月太皇太后鄭氏崩謚曰孝明是歲秋高駢自海門進
軍破蠻軍收復安南府自李琢失政交趾湮沒十年蠻軍北寇邕容
界人不聊生至是方復故地
七年春正月戊寅朔以太皇太后喪罷元會二月成德軍節度鎮興

長史御史大夫太原縣開國伯食邑七百戶襲食實封一百戶
懿卒贈司徒紹昂之弟俱壽安公主之子也三軍推紹昂子景崇
兵馬留後事就加幽州張允伸兼大保平章事進封燕國公以吏部
侍郎鄭從謹檢校禮部尚書兼太原尹北都留守御史大夫上柱國
榮陽縣開國男食邑三百戶充河東節度管内觀察處置等使四月
事具悉景崇素聞孝悌頗有義方治三軍愛戴之情荷千里折衝之
寄績迺舊服綽有令猷朝廷擬能績有處分緣孝明太后恩寵有日
庶事且停候祔廟禮成當允誠請七月沙州節度使張義潮進吐
山青鸞鷹四聯延慶節馬二匹吐蕃女子二人僧曇延進大乘百法
門明論等八月鎮州王景崇起復忠武將軍左金吾衛將軍同正檢
校右散騎常侍兼鎮州大都督府左司馬知府事御史中丞充成德
軍節度觀察留後上柱國賜紫金魚袋中書侍郎平章事徐商兼

開字下抄
本字八字

部尚書十月沙州張義潮奏差迴鶻首領僕固俊與吐蕃大將尚恐
熱交戰大敗蕃寇斬尚恐執傳首京師右僕射門下侍郎平章事夏侯致
檢校司空平章事兼成都尹劔南西川節度等副大使知節度事安南高
駢奏蠻寇悉平十一月十日御宣政殿大赦以復安南故也以翰林學士
承旨戶部侍郎路巖為兵部侍郎同平章事義成軍節度蕭傲就加檢校
兵部尚書裴能政也以禮部郎中李景温吏部員外郎高湘試拔萃選人
八年春正月壬寅朔丁未河中晉絳地大震屋舍壓仆傷人有死者
三月安南高駢奏南云管水路湍險巨石橫塗令工人開鑿設
曹船無滯者降詔褒之制以門下侍郎裴元部尚書平章事上柱國
晉陽縣開國男食邑三百戶賜紫金魚袋揚收檢校兵部尚書充浙
江西道觀察使以浙西觀察使杜審權守尚書左僕射以兵部侍郎
于棕本官同平章事九月丁酉延資庫使曹確奏戶部每年合送當
使三月九月兩限絹二十一萬四千一百匹錢銀貫自大中八年已
後至咸通四年積欠一百五十萬五千七百餘貫匹前使杜棕由奏

起請咸通五年正月以後於道州府場監院合送戶部八十文除
陌錢內割十五文當使收管以填積欠續據戶部牒稱州府除陌錢
有折色零碎請起咸通五年所合送延資庫錢絹逐年兩限須足其
除陌十五文當司仍舊收管前使夏侯孜具事由申奏且請依戶部
論請期限其咸通五年錢絹戶部已送納自六年至八年其錢絹依
前旋納又積欠三十六萬五千五百七貫匹者伏以所置延資庫初
以備邊為名至大中三年始以今號若財貨不充則名額虛設當制
置之時所令三司逐年分減送當使收管元勅只有錢數但令本司
減割送庫不定色目以此因循漸隳舊制年月既久積欠漸多既無
計以徵收乃指色以取濟稍稱備邊名號得遵元勅指揮乃割戶部
除陌八十文內十五文收管及戶部請逐年送庫須且稟從今既積
欠又多終慮不及期限臣今酌量諸道州府場監院合送戶部錢絹
內分配令勒留下合送延資庫數目今本處別為綱運與戶部綱同
送上都直納延資庫則戶部免有逋懸不至累年積欠從之十月丙

寅兵部侍郎判度支崔彥昭奏當司應收管江淮諸道州府咸通八年已前兩稅推酒及支米饋并二十文除陌諸色屬省錢準舊例逐年商人投狀便換自南蠻用兵已來置供軍使當司在諸州府場監錢猶有商人便換齊省司便換文牒至本州府請領皆被諸州府稱准供軍使指揮占留以此商人疑惑乃致當司支用不充乞下諸道州府場監院依限送納及給還商人不得託稱占留者勅旨從之宰相門下侍郎戶部尚書曹確兼吏部尚書門下侍郎禮部尚書路巖兼戶部尚書中書侍郎工部尚書徐商兼刑部尚書兵部侍郎平章事于侗為中書侍郎以中書舍人劉允章權知禮部貢舉以吏部侍郎盧匡吏部侍郎李蔚兵部員外郎薛崇司勳員外郎崔殷夢考吏部宏詞選人

九年春正月丙申以吏部侍郎李蔚檢校刑部尚書汴州刺史御史大夫克宣武節度汴宋亳觀觀察處置等使幽州節度使張允伸就加檢校太傅以兵部員外郎焦瀆司勳員外郎李嶽考宏詞選人七月

戊戌白虹橫亘西方其月徐州赴桂林戍卒五百人官健許佶立殺其將王仲甫以糧料判官龐勛為都頭剽掠湘潭衡山兩縣在衆千人擅還本鎮九月辛卯朔甲午龐勛陷宿州知州判官焦潞在歸于徐乙未龐勛陷徐州殺節度使崔彥曾判官焦潞李稅温延浩崖蘊韋廷又惟免監軍張道謹遂出徐宿官庫錢帛召募兇徒不旬日其徒五萬勛抗表請罪仍命群兇邀求節鉞上遣中使因而撫之賊令別將梁匡守宿州以姚周為柰子寨主又遣劉行及丁景琮吳迥攻圍泗州十月詔徵河南河東山南諸道之師聚浙西觀察使楊收為端州司馬同正收弟前浙東觀察使越州刺史御史中丞盧為韶州刺史檢校工部尚書洪州刺史鎮南節度江南西道觀察處置等使嚴譔長流嶺南賊攻泗州勢急淮南節度使令狐綯慮失泗口為賊奔衝乃令大將李湘赴援為賊所誘示弱乞降乘其無備為賊所襲舉軍皆沒湘與都監郭厚本俱為賊所執送徐州十一月庚寅朔丁酉戌時妖星初出如匹練亘空化為雲沒在楚分吳迥既執李

湘乃令小將張行簡吳約攻滁州城內無兵有淮南遊奕兵三百人
在州界見賊至徑來奔郡賊乘之遂陷滁州張行簡執刺史高錫望
手刃之屠其城而去行簡又進攻和州刺史崔雍登城樓謂吳迥曰
城中玉帛女子不敢惜只勿取天子城池賊許之遂剽城中居民殺
判官張塚以塚城壕故也龐勛又令將劉贄攻濠州陷之囚刺史盧
望回於迴車館望回鬱憤而死僕妾數人皆為賊蒸而食之十二月
庚辰朔將軍戴可師率沙陲吐渾部落二萬人於淮南與賊轉戰賊
黨屢敗盡棄淮南之守是歲江淮蝗食稼大旱龐勛奏當道先祭成
嶺南兵士三千人春冬衣令欲差人送赴邕管鄂岳觀察使劉乂章
上書言龐勛聚徒十萬今若遣人達嶺表如成卒與勛合勢則禍難
非細尋詔龐勛止絕兼令江淮諸道紀綱捕之

十年春正月己未朔以徐州用兵罷元會癸亥以右拾遺韋保衡為
銀青光祿大夫守起居郎駙馬都尉尚皇女同昌公主出降之日禮
儀甚盛以神武大將軍王晏權檢校工部尚書徐州刺史御史大夫

文武寧軍節度徐泗濠觀察兼徐州北路行營招討等使智興之
子也以將軍朱克誠克北路招討都虞候王宥北路招討前軍
翰林學士戶部侍郎劉瞻守本官同平章事中書侍郎兼戶部尚
平章事蔣仲為太子太保罷知政事病免也以門下侍郎兼刑部尚
書同平章事徐商檢校兵部尚書江陵尹荆南節度使以右神策大
將軍知軍使兼御史大夫上柱國龍陽縣開國伯食邑一千戶康承
訓可金紫光祿大夫檢校刑部尚書兼右神策大將軍御史大夫上
柱國扶風郡開國公食邑一千五百戶克徐泗行營都招討使又以
將軍李邵為徐州南路行營招討都虞候以將軍史忠用為潁州行
營都知兵馬使將軍馬澹為徐州行營都知兵馬使將軍董濤克廬
州行營都知兵馬使將軍戴可師克曹州行營招討使將軍朱耶赤
心克太原行營招討使沙陲三部落等軍使將軍王建克淮南行營
招討使將軍曹翔克海節度行營招討使將軍馬舉為揚州都督
府司馬克淮南行營招討使將軍高羅銳為楚荆刺史本州行營招

討使將軍秦匡謨為濠州刺史太州行營招討使將軍李播為宿州
刺史赴廬州行營招討使以將軍孟彪為太僕卿充都糧料使凡十
八將分董諸道之兵七萬三千一十五人正月一日進軍攻徐州魏
博何弘敬奏當道點檢兵馬一萬三千赴行營時賊將劉行及丁景
琮吳迥攻圍泗州可師乘勝救之屯於石梁驛賊自退去可師追擊
生擒劉行及賊保都梁城乃斷行及之指懸於城下以示賊賊登城
拜曰見與都頭謀歸朝可師既知其窘乃退軍五里其城西面有水
三面大軍賊乃夜中涉水而遁明早開城門惟病嫗數人而已王師
入壘未整整日詰旦重霧賊軍大至可師方大醉單馬奔出為虹縣
人郭真所殺一軍盡沒惟忠武太原沙陀之騎軍保全而退副將王
健為賊所擒劉行及却為賊將吳迥所得吳迥乃進軍復圍泗州自
是梯衝雲合外不通龐勛恃其驍勝遣人上表詞語不恭又與康
承訓書指斥朝政王晏權者智與之猶子也故授以武寧節制以招
之以異招懷徐人怨王式之誅相扇構亂數月招携唱之以利民

卒無革心者康承訓大軍攻宿州賊將梁任出戰屢敗乃授承訓檢
校尚書右僕射兼滑州刺史義成軍節度使貴授端州司馬楊牧長
流驩州與嚴譔並賜死於路其黨楊公慶嚴季實楊全益史明應遂
何師玄李孟勳馬全祐李羽王彥復等長流儋崖播等州判官朱侃
常潯閻均等配流嶺南以河中節度使開府儀同三司檢校司徒平
章事上柱國譙郡開國公食邑二千戶夏侯孜為太子少保分司東
都時南平蠻寇西川責孜在蜀日失政也二月己丑龐勛急攻泗州
遣牙將李員入城見刺史杜愔曰留後知中丞名族不敢令軍士失
禮但開城門令百姓存活無相疑也愔執而殺之詔司農卿薛瓊使
淮南廬壽楚等州點集鄉兵以自固四月康承訓奏大敗柘子寨賊
詔監軍楊玄价與康承訓商量拔汴河水以灌宿州六月丁亥朔戊戌
制曰動天地者莫若精誠致和平者莫若修政朕顧惟庸昧託于王公
之上于茲十一年矣祗荷丕構寅畏小心慕唐堯之鈞若昊天遵周
王之昭事上帝念茲夙夜靡替虔恭同馭朽之憂勤思納隍之軫慮

內戒奢靡外罷政遊匪敢期於雍熙所自得於清淨止望寰區無事稼穡有年然而燭理不明涉道唯淺氣多堙鬱誠未感通早曠是虞蟲螽為害蠻蠻未賓於遐裔寇盜復靈於中原尚駕戎車益調兵食俾黎元之重困每宵旰而忘安今盛夏驕陽時雨久曠憂勤兆庶旦夕焦勞內修香火以虔祈外罄牲玉以精禱仰俟玄貺必致甘滋而油雲未興秋稼闕望因茲愆元軫于誠懷矧復暴政煩刑強官酷吏侵漁蠹耗陷害孤榮致有冤抑之人構災沴之氣主守長吏無惡奉公伐叛興師蓋非獲已除奸討逆必使當辜苟或陷及平人自然風雨愆候凡行營將帥切在審詳昭示惻憫之心敬聽勤卹之旨應京城天下諸州府見禁囚徒除十惡忤逆官典犯賊故意殺人合造毒藥放火持仗開劫墳墓及關連徐州逆黨外並宜量罪輕重速令決遣無久繫留雷雨不同田疇方瘁誠宜愍物以示好生其京城未降雨間宜令坊市權斷屠宰昨陝號中使迴方知蝗旱有損處諸道長史分憂共理宜各推公共思濟物內有饑歉切在慰安表此來人毋仰

徐方寇孽未殄師旅有征凡合誅鋤審今淑慝無令脅從橫死元惡偷生宜申告伐之文使知逆順之理於戲每思禹湯之罪已其燕康之措刑孰謂德信未孚教化猶梗咨爾多士俾予一人既引過在躬亦漸幾于理布告中外稱朕意焉賊將鄭錡急攻壽州詔南面招討使馬舉救之賊解圍而去康承訓悉兵攻賊小睢寨不利而退七月康承訓攻賊柳子寨垂剋而賊將王弘立救至王師大敗承訓退保宋州龐勛乘勝自率徐州勁卒併攻泗州留其都將許佶守徐州詔南面招討使馬舉為行營都招討使代承訓率諸軍以援泗州八月和州防虞行官石佺等一百三十人狀訴刺史崔雍稱賊初劫烏江縣奪金帛奉官二人探知雍猶不信二人並被枷紐續差人探見已去州十里賊尋逼州城崔雍與賊頭吳約於鼓角樓上飲酒許與賊州又認軍事判官李譙為親弟表狀驅使官張立為男只乞二人并身其餘將士一任處置便令押衙李詞等各脫下衣甲防虞官健束手被斬者八百餘人行官石瑄脫衣甲稍遲便被崔雍遣賊處

斬其崔雍所有料錢并家口累差人押送往采石今在潤州豈有將
一千人兵士之命贖拔已之一身不惟辜其神明實亦生負聖主兼
科配軍州官吏修葺城池妄稱出料錢修城者勅曰臣子之節無如
盡忠士人之風宜當遠耻崔雍任居牧守賊犯州城禦扞曾不發言
從容乃與命酒况石瓊未脫衣甲志在當鋒不能獎其赤誠翻令擒
送賊所原其深意與賊通和臣節全虧情狀可見欲行朝典宜更推窮
其崔雍家口並在宣州宜令宣歙觀察使追崔雍收禁速勘逐具事
由中奏是月馬舉率師解泗州之圍賊黨遁去勅曰當崔雍守郡之
日是龐勛肆逆之初屬狂寇奔衝望風和好置酒以邀賊將啓關而
納亮徒城內不許持兵皆令解甲致使三軍百姓救血相視連頭受
誅初聞奏陳深駭觀聽錫望守城而死已有追榮杜愔孤孽獲全尋
加殊獎既褒忠節難赦罪人王石固分懲勸斯在將垂誠於四海當
何愛於一夫其崔雍宣差內養孟公度專往宣州賜自盡公度至雍
死於陵陽館其男黨兒歸僧配流康州錫身遞送司勳郎中崔原貶

柳州司戶比部員外郎崔福昭州司戶長安縣令崔朗滑州司
拾遺崔庚連州司戶荆南觀察支使崔序衡州司戶皆雍之親常
九月賊宿州守將張玄稔以城降有兵萬人馬舉率師赴之龐勛聞
之以其衆將攻玄稔賊之勁將出遂與舉合勢急圍徐州許估登城
拒守者三日估敗走出玄稔收復徐州龐勛方來赴援聞城已拔欲
南趨濠州馬舉追及濠河擊敗之勛溺水而死蕭縣王將又斬許估
首來降徐寇悉平初龐勛據徐州倉庫素無貯蓄乃令群兇四出於
揚楚廬壽滁和交海沂密曹濮等州界剽牛馬輓運糧糗以夜繼晝
劫致亡命有衆二十萬男女十五已上皆令執兵其人皆舒鋤鉤為
兵號曰雷錐首尾周歲十餘郡生靈受其酷毒至是盡平與玄稔詔
曰去歲災興分野毒起徐方蕞爾庸夫稱兵犯命招諭不復倡狂罔
懷者從三州之人汚染萬姓之俗逆順之理邪正坐分果有忠臣悉
滅逆黨再清郡邑不舉干戈此皆衆人協心闔州受福但以首尾罔
歲取制克威里閭不安農桑失業言念於此倍積憂懷已有詔指揮

令授玄稔銀青光祿大夫檢校右散騎常侍兼右驍衛大將軍御史大夫賜分帛五千匹金盃一枚蓋椀一具金腰帶一條軍將張臬已下二十人等第優給今差高品李志奉押領宣賜制曰朕以眇身獲承丕業虔恭惕厲十一載于茲况荷十七聖之鴻休紹三百年之慶祚將求理本敢忘宵衣雖誠信未孚而寅畏不怠既絕意於苑囿固無心於政遊業業兢兢日慎一日休徵罔應沴氣替生南蠻將罷於戰爭徐寇忽孤於惠養招諭不至雲蒸滋深竊弄干戈擅攻州鎮將激符印輒恣亮殘不畏神祇自貽覆滅股肱之臣以罪惡之難捨腹心之衆惡悖逆之可誅爰徵甲兵用救塗炭上將宣力內臣協心選用皆得於良材掃盪纒及於罔歲誅于紀宥常之噍類懲亂臣賊子之奸謀今則已及偃戈重康庶黎疇庸之典在絲髮以無私懋賞之時貴纖毫之必當其四面行營節度使既成茂勲宜加酬獎並取別勅處分應諸道行營都將已下節度及軍將各委本道具功勞名銜分折聞奏當續有處分被堅執銳冒涉寒暄解甲櫜弓還鄉復業

帛之賜免差役之征應四面行營將士今既平寧宜令各第放歸木道其賞賜匹段已從別勅處分到本道後仍令節度使各牒宴放歸私第便令歇息未用差使如行營人並免差科色役如本道本將今後有節級員闕且以行營軍健量材差置用酬征伐之勤臨敵用命力屈殞身頂慰傷奄以彰忠節超與職事仍加任使如無父兄子弟即有妻女者即委州使厚加贈卹常令安撫如是都將至都處候陣亡者與贈官應陣亡將士有父兄子弟願入軍者便令本道填替如無父兄子弟仍且與給衣糧三年因戰陣傷損手足永廢者終身不得停給如將士被賊殺害者委所在州縣量事救援重與改痊勿令暴露兼與設祭王者以仁恕為本極濟是謀元惡既已誅鋤脅從宜從寬宥除龐勛親屬及桂州迴戈逆黨為賊脅從及因戰陣拒敵官軍招諭不悛懼法逃走非本惡蓋鋒刃所驅今並釋放一切不問應舊軍將軍吏節及所由既已歸還征賦先宜蠲免其徐爾濠泗等州應合徵秋夏兩稅及諸色差科色役一事已上宜放十年已後蠲

放三年待三年後續議條疏處分編昨失業丘井無人桑柘枌榆鞠
 為茂草應行營處百姓田宅產業為賊殘毀燒焚者今既平寧並許
 武認各還本主諸色人不得妄有侵占九原可作千載不忘尚禁
 蘇寧傷丘壠應有先賢墳墓碑記為人所知被賊毀廢者即與掩蔽
 仍量致祭自用兵已來郿邑皆罹劫遠念驚撓尤在慰安今遣右
 散騎常侍劉異兵部郎中薛崇等往彼宣撫於戲朕以四海為家兆
 人為子一物失所每軫納隍之憂一方未寧常負貼危之戒今元虎
 就戮逆黨誅夷載戢干戈永銷氛祲庶平妖氣允洽嘉祥遐邇臣寮
 當體予意制以徐州南面招討使檢校尚書左僕射右神武大將軍
 權知淮南節度事扶風縣開國伯食邑一千戶馬舉可檢校司空兼
 徐州大都督府長史淮南節度副大使知節度事以右武衛大將軍
 徐州東南面招討使曹翔檢校兵部尚書兼徐州刺史御史大夫徐
 泗濠團練防禦等使以前淮南節度使檢校司空平章事上柱國涼國
 公食邑三千戶令孤綯為太子太保分司東都魏博節度使檢校太

傳同平章事何弘敬卒三軍立其子全暉為兵馬留後十一月南詔
 蠻驃信坦綽首龍率衆二萬寇檣州定邊軍節度都頭安再榮守清
 溪關為賊所攻再榮退保大渡河北去清溪關二百里隔水相射凡
 九日八夜定邊軍節度使曹滂勒兵拒之十二月驃信遣清平官十
 餘人來偽和與曹滂語次蠻軍舩棧競渡忠武武寧軍兵士結陣抗
 之接戰自午及申蠻軍稍却曹滂自縊于帳中徐州將苗全緒解之
 謂滂曰都統何至於此但安心全緒與再榮弘節等血戰取勝全緒
 二人率兵而出滂乃單騎宵遁其夜蠻軍營於山下全緒等謀曰彼
 衆我寡若明日對陣吾屬敗矣可夜擊之令其軍亂自解去忠武武
 寧之帥乃夜入蠻軍弓弩亂發蠻衆大駭全緒等三將保軍而去蠻
 軍乘勝進攻西川城朝廷以願慶復為大渡河制置劍南應接等使
 宋威為行營都知兵馬使知兵數萬與忠武武寧之師合與蠻軍戰
 于漢州之毗橋大捷解西川之圍明日蠻軍遁去西川平以蜀王信
 為開府儀同三司成都尹劍南西川節度副大使知節度事不出閣

以盧耽知節度事詔河東即度使鄭從謹赴闕以義成軍節度使光祿大夫檢校尚書左僕射同平章事滑州刺史上柱國會稽縣開國伯食邑二千戶康承訓以本官兼太原尹北都留守克河東軍節度使以吏部侍郎楊知溫吏部侍郎于德孫李玄考官司封員外郎盧蕘刑部侍郎楊戴考試宏詞選人以虞部郎中宋震前昭應主簿德融考科目舉人詔以兵戈纒罷且務撫寧其禮部貢舉宜權停年什中書行勅指揮其兩省官等不用論奏勅荆南節度使杜悰據司天奏有小孛星氣經歷分野恐有外夷兵水之患緣邊藩鎮最要隄防宜訓習師徒增築城壁凡關制置具事以聞制以魏博節度使何全明起復檢校司空同平章事

十一年春正月甲寅朔制尚書右僕射杜審權為檢校司徒河中尹絳慈陰節度觀察處置等使丙午制宰相門下侍郎吏部尚書曹確可兼尚書左僕射門下侍郎戶部尚書路巖可兼右僕射中書侍郎于侗可兼戶部尚書平章事劉瞻可中書侍郎知政事餘並如故已

西制河東節度使康承訓將門瑄質戎壘微才曾不知兵諺庸重付變節鈴以幼任好惡以事君幾鉞於戎藩嘗執金以徼道謂其盡節委以專征屬者徐部匪寧敢平紀律俾護諸將坐覆危巢罄國幣以佐軍頌王爵而賞士而玩寇草戢按甲不前立法未學於穰苴申今且虧於孫子况部伍不戰逼捷無謀人數空多軍威何振使農夫釋耒工女下機始疑望於天誅翻有思於賊至泊元兇自潰玄稔効忠彭門洞開爾功何有而負恩已甚賣貨是求叨榮苟幸於一時遺患遂逾於積歲爰行國典俾傳戎藩可蜀王傳分司東都再貶恩州司馬同正馳驛發遣以檢校左散騎常侍泗州刺史杜愔檢校工部尚書滑州刺史義成軍節度鄭滑觀察等使以河東行營沙陀三部落羗渾諸部招討使檢校太子賓客監察御史朱邪赤心為檢校工部尚書單于大都護御史大夫振武節度麟勝等州觀察等使仍賜姓名曰李國昌以吏部尚書蕭鄴吏部侍郎于德孫吏部侍郎楊知溫考官司勳員外郎李耀禮部員外郎崔澹等考試應宏詞選人以

河陽三城節度孟懷澤觀察使中散大夫檢校禮部尚書孟州刺史
街史大夫崔彥昭為金紫光祿大夫檢校刑部尚書太原尹北都留
守河東節度觀察等使以兵部侍郎翰林學士承旨扶風縣開國子
食邑伍百戶駙馬都尉韋保衡本官同平章事以兵部侍郎劉鄩判
度支左僕射門下侍郎同平章事曹確以病求免授檢校司空同平
章事兼潤州刺史克浙江西道觀察等使魏暉節度使何全暉酷政
為衙軍所殺其大將韓君雄為留後四月癸未朔戊子勅去年屬
以用軍之際權停貢舉一年今旣去戈却宜仍舊來年宜別許三十
人及第進士十人明經二十人已後不得援例八月辛巳朔乙酉同
昌公主薨追贈衛國公主諡曰文懿主郭淑妃所生主以大中三年
七月三日生成通九年二月二日下降上尤鍾念悲惜異常以待詔
韓宗紹等鑿藥不効殺之收捕其親族三百餘人繫京兆府宰相劉
瞻京兆尹溫璋上疏論諫行法太過上怒叱出之九月丙辰制以正
議大夫守中書侍郎兼刑部尚書同平章事充集賢殿大學士上在國

彭城縣開國侯食邑一千戶賜紫金魚袋劉瞻檢校刑部尚書同
章事兼江陵尹克荆南節度等使翰林學士戶部侍郎知制誥上柱
國賜紫金魚袋鄭畋為梧州刺史正議大夫御史中丞上柱國賜紫
金魚袋孫瑋為汀州刺史將仕郎右諫議大夫柱國賜紫金魚袋尚
湘為高州刺史中散大夫比部郎中知制誥柱國賜紫金魚袋楊知
至為瓊州司馬將仕郎守禮部郎中魏管為春州司馬朝議大夫行
兵部員外郎判度支安柱國張頴為播州司戶朝議大夫行刑部員
外郎柱國崔頴融為雷州司戶正坐劉瞻親善為韋保衡所逐也京
以給事中薛能為京兆尹以中書舍人高湜權知禮部貢舉十
一月巳酉朔辛亥制以禮部尚書王鐸本官同平章事丁卯勅徐州
地當沛野軍本驍雄寔為壯國之都固協建侯之制況山河素異土
俗甚殷豈欲削卑挫其繁盛蓋緣比因稔禍或至亂常罪由已招孽
非天作桂林叛卒繼有逆謀塗炭生靈首尾周歲殺傷黎庶汚染忠

良所不忍言尋加剪滅是以卑其鎮額隸彼藩方近屬大兵已來歲
年存至且聞軍人百姓深耻前非願行舊規却希建節朕每深軫念
思致小康特示渥恩復其軍額宜賜宣徽庫綾絹十萬匹助其宴犒
必獲周豐其徐州都團練使改爲感化軍節度徐宿濠泗等州觀察
處置寺使以吏部侍郎鄭從謹檢校戶部尚書兼汴州刺史御史大
夫克宣武軍節度使代李蔚以蔚檢校吏部尚書揚州大都督府長
史兼淮南節度副大使知節度事

十二年春正月戊申宰相路巖率文武百寮上徽號曰睿文英武明
德至仁大聖廣孝皇帝御含元殿冊禮畢大放辛酉葬衛國公主於
少陵原先是詔百寮爲挽歌詞仍令韋保衡自撰神道碑京兆尹薛
能爲外監護供奉楊復璟爲內監護威儀甚盛上與郭淑妃御延興
門哭送幽州節度使張允伸病請以子簡會爲節度副大使權知兵
馬事詔從之三月以吏部尚書蕭鄴吏部侍郎歸仁晦李當考官司
封郎中鄭紹業兵部員外郎陸勳寺考試宏詞選人四月以左僕射

門下侍郎同平章事路巖檢校司徒兼成都尹劍南西川節度使
五月庚申勅慎恤刑獄大易格言語曰如得其情即哀矜而勿喜而
獄吏苛刻務在舞文守臣因循罕聞視事以此械繫之輩溢於狴牢
追捕之徒繫於簡牘實傷和氣因致沴氛况時屬暘蒸化先茂育並
赦罪戾式順生成應天下所禁繫罪人除十惡忤逆故意殺人合造
毒藥持仗行劫開發墳墓外餘並宜踈理釋放或信任人吏多有生
情繫留續察訪得知本道觀察使判官州府本曹官必加懲譴以誠
慢易到後十日內速踈理分析聞奏上幸安國寺賜講經僧沉香高
座七月辛丑中書門下奏准今年六月十二日勅釐革諸道及在京
諸司奏官并請章服事者其諸道奏州縣官司錄縣令錄事參軍或
見任公事敗闕不理切要替換及前任實有勞効并見有關員即任
各舉所知每道奏請仍不得過兩人其河東潞府邠寧涇原靈武鹽
夏振武天德鄜坊滄德易定三川等道觀察防禦等使及嶺南五管
每道每年除令錄外許量奏簿尉及中下州判司及縣丞共三人福

州不在秦州縣官限其黔中所奏州縣官及大將管内官即任準舊例處分在京諸司及諸道帶職奏官或非時僉替考限未滿並却與本資官諸道節度及都團練防禦使下將校奏轉試官及憲御等令諸節度事每年量許五人都團練防禦量許三人為定不得更於其外奏請其御史中丞已下即準勅文條疏須有軍功方可授任自今後如顯立戰伐功勞者任具事績申奏如檢勘不虛當別與商量處分以外輒不得更有奏請其幽鎮魏三道望且準承前舊例處分勅旨從之十二月以檢校戶部尚書汴州刺史御史大夫宣武軍節度等使鄭從讜為廣州刺史嶺南東道節度觀察處置等使

十三年春正月壬寅朔甲戌制以兵部侍郎判度支劉鄩本官同平章事幽州盧龍等軍節度使檢校司徒同平章事幽州大都督府長史上柱國燕國公食邑三千戶張允伸卒贈太尉謚曰忠烈允伸鎮幽州二十三年二月幽州牙將張公素奪留後張簡會軍政自稱留後丁巳制以尚書右僕射門下侍郎同平章事于琮檢校司空襄州

刺史克山南東道節度觀察處置等使以御史中丞蕭鄴為戶部侍郎本官同平章事三月以吏部尚書蕭鄴吏部侍郎獨孤雲考官鄴方郎中趙蒙駕部員外郎李超考試宏詞選人試日蕭鄴贊曰云孔溫裕權判五月庚午朔辛未勅檢校尚書左僕射守左羽林軍統軍御史大夫張直方貶康州司馬同正以其部下為盜故也乙亥國子司業韋殷裕於閣門進狀論淑妃第郭敬述陰事上怒甚即日下京兆府決殺殷裕籍沒其家殷裕妻崔氏音聲人鄭羽客王燕客婢敬娘紅子等九人配入掖庭閣門使田獻銘奪紫配於橋陵閣門司閩敬直決十五配南衙為受殷裕文狀故也給事中杜裔休貶端州司馬中書舍人崔沆循州司戶殷裕妻兄也太僕少卿崔元應州司戶殷裕妻父也前河陰院官韋君卿為愛州宋平尉殷裕季父也以前大理正万候鎔為國子司業前興元少尹馮彭為普州刺史前大理正陽瑄為昌州刺史丙子制開府儀同三司檢校尚書左僕射兼襄州刺史御史大夫克山南西道節度觀察等使于琮可正議大夫

守晉王傅分司東都辛巳勅尚書左丞李當貶道州刺史吏部侍郎
王珣貶漳州刺史左散騎常侍李郁貶賀州刺史前中書舍人封
卿貶湖州司戶翰林學士丞百兵部侍郎知制誥張昺貶封州司馬
右諫議大夫楊璠貶和州司戶工部尚書嚴祁貶郴州刺史給事中
李旣斬州刺史給事中張鐸藤州刺史左金吾衛大將軍克左街使
李敬仲儋州司戶前青州刺史平盧軍節度使于涓為涼王府長史
分司東都前湖南觀察使于環為袁州刺史涓環琮之兄也于諤于
玆亦配流自李當已下皆于琮之親黨也為韋保衡所逐以天德防
禦使檢校左散騎常侍段文楚為雲州刺史大同軍防禦使六月義
成軍節度使檢校工部尚書杜悛奏當管潁州僧道百姓舉留刺史
宗回勅曰回清幹臨人自有月限方籍緩輯未議替移六月中書門
下奏今月十七日延英面奉聖旨令誠約天下州府應有逃亡戶
其賦稅差科不得攤配見在入戶上者伏以諸道州府或兵戈之後
災沴之餘戶口逃亡田疇荒廢天不數估人多艱危鄉閭每困於

於者因茲而耗竭遂使從來經費色額大半空乏簿籍緩徵
關於供須促期限則迫於貧者言念凋弊勞乃憂勤不降明文勅
聖念其逃亡戶口賦稅及雜差科等項有承佃戶人方可依前應役
如將闕稅課額攤於見在入戶則轉成逋債重困黎元或富者
阡之田貧者無立錫之地欲令均一固在公平若令狡猾之徒得以
昇降由已望其完葺不亦難乎全由長史竭誠方使疲疇漸泰
商量令諸道州府準此條疏應有逃亡戶口稅賦并雜色差科等項
不得輒更攤配於見存務人戶之上設法招撫多方撫御乘茲
重獲昭蘇苟致安寧自當遷陟不遵詔令必舉典刑從之七月以前
或呂軍節度使盧簡方為太僕卿十二月以振武節度李國昌為檢
校右僕射雲州刺史大同軍防禦等使國昌持功頗橫專殺長史朝
廷不能平乃移鎮雲中國昌稱病辭軍務乃以太僕卿盧簡方檢校
刑部尚書雲州刺史克大同軍防禦等使上召簡方於思政殿謂之
曰卿以滄州節鎮屈轉大同然朕以沙陀羗渾撓亂邊鄙以卿曾在

雲中惠及部落且忍屈為朕此行具達朕旨安慰國昌勿令有所猜嫌也是月李國昌小男克用殺雲中防禦使段文楚據雲州自稱防禦留後制追謚宣宗為元聖至明成武獻文慮智章仁神聰懿道大孝皇帝

十四年春正月丙寅朔御史中丞韋瞻奏應諸州刺史除授正衙辭謝後託故陳牒請假實為容易自今後如實有故為衆所知者三日外不在陳牒之限應內外除官入京合便朝謝如遇假日且令在都亭驛近日多因請假便歸私家既犯條章頗乖禮敬自今已後望準故事如未朝讞須於都亭驛如違越臺司勘當申奏從之辛未以朔日暴亂代北騷動賜盧簡方詔曰李國昌久懷忠赤顯著功勞朝亦三受土疆兩移旌節其為寵遇實寡比倫昨者徵發兵師又令將領惟嘉節義同絕嫌疑近知大同軍不安殺害段文楚推國昌小男克用上領兵權事雖近於一時心豈忘於長久段文楚若實自結怨嫌但可申論必行朝典豈容妄傷殺性命別別肌膚慘

殊可驚駭况忠烈之後節義之門致茲橫亡尤悚觀聽若克用斬主兵務束手待朝廷除人則事出權宜不足猜慮若使圖軍柄欲有大同則患繫久長故難依允料國昌輸忠効節必當已有指揮卿兩任雲中恩及國昌父子敬憚懷感不同常人宜速與書題深陳禍福殷勤曉喻劈析指宜切令大節無虧勿使前功併棄簡方準詔諭之國昌不奉詔乃詔太原節度使崔彥昭幽州節度使張公素帥師討之三月以新除大同軍使盧簡方為單于大都護振武節度使勝等州觀察等使時李國昌據振武簡方至嵐州而卒自是沙陀侵掠代北諸軍鎮庚午詔兩街僧於鳳翔法門寺迎佛骨是日天雨黃土徧地四月八日佛骨至京自開遠門達安福門綵棚夾道念佛之音震地上登安福門迎禮之迎入內道場三日出於京城諸寺士女雲合威儀盛飾古無其比制曰朕以寡德纘承鴻業十有四年頃屬寇猖狂王師未息朕憂勤在位愛育生靈遂乃尊崇釋教至重玄門迎請真身為萬姓祈福今觀觀之衆隘塞路岐載念狴牢寢興在慮

嗟我黎人陷於刑辟况漸當暑毒繫於縲繼或積幽窳帶有傷和氣
或關連追擾有妨農務京畿及天下州府縣禁囚徒除十惡忤逆故
意殺人官典犯賊合造毒藥放火持仗開發墳墓外餘罪輕重節級
遞減一等其京城軍鎮限兩日內踈理訖聞奏天下州府勅到三日
內踈理聞奏以吏部侍郎蕭倣為兵部侍郎同平章事六月帝不豫
七月癸亥朔戊寅疾大漸庚午制立晉王儼為皇太子權勾當軍國
政事辛巳遺詔曰朕祇事九廟君臨四海夕惕如厲宵分靡寧必求
政化之源思建大中之道至於懷柔夷貊偃戢干戈皆以德綏亦自
馴致異清淨之為理庶洽平之可臻自秋已來忽爾安疹坐朝既闕
踰旬未瘳六疾斯侵萬機多曠鑿和無驗以至彌留嗚呼數哉有窮
聖賢之所必同明於斯言是為達節載申顧命式叶典謨皇太子權
勾當軍國事儼性稟寬和生知忠孝德苞睿哲聖表徇齊必能揚祖
宗之重光荷邦家之丕構宜令所司具禮於柩前即皇帝位以司空
門下侍郎平章事韋保衡攝冢宰軍國務殷豈可久曠况易月之制

行之自古皇帝宜三日而聽政二十七日釋服諸道節度觀察團練
防禦等使及監軍諸州刺史受寄至重並不得離任赴哀文武常參
官朝晡之臨十五舉音宮中當臨者非時無得擅哭天下人吏百姓
告哀後出臨三日皆釋服勿禁食肉飲酒婚姻祭祀釋服之後無禁
當舉薄葬之禮宜遵漢魏之文其山陵制度切在儉約並不得以金
銀錦繡文飾喪具五坊鷹犬等除蒐狩外餘並解放其醫官段遂趙
玘符虔休馬及等並釋放咨爾將相卿士中外臣寮竭力盡忠匡子
令嗣道行其官無違朕志是日崩于咸寧殿聖壽四十一百寮上謚
曰孝文昭聖恭惠孝皇帝廟號懿宗十五年二月葬于簡陵

大臣曰臣常接咸通者老言恭惠皇帝故事當大中時四海承平百
職修舉中外無疵政府庫有餘貲年穀屢登封疆無擾恭惠始承
丕構頌亦勵精延納讜言尊崇耆德數稔之內洋洋頌聲然器本中
庸流於近習所親者巷伯所昵者桑門以蠱惑之侈言亂驕淫之方
寸欲無怠忽其可得乎及豐結蠻陬奸生成卒發嶺嶺之轉輸寰海

動搖微二蜀之扞防蒸人盜覆徐寇雖殄河南幾空然猶削軍賦而飾加監困民財而修淨業以諛佞為愛已謂忠諫為妖言爭趨險諛之途罕勵貞方之節見豕負塗之愛豎非次寵昇焦頭爛額之輔臣無辜竄逐是以干戈布野蟲旱彌年佛骨纒入於應門龍輅記泣於蒼野報應無必斯其驗歟上德凌夷禍階於此雖有文景之英繼難英以興焉自茲龜王之不昌固其宜矣黃髮遺叟言之涕零

贊曰邦家治亂在君聽斷恭惠驕奢賢良貶竄凶孽當國憐人滿朝奸雄乘覺貽謀道消

唐書本紀卷第十九上